



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

*Մեր կոնտակտները՝*

*Պաշտոնական կայք՝ <http://www.armin.am>*

*Էլ. փոստ՝ [info@armin.am](mailto:info@armin.am)*

ՔՐ. ՄԻՔԱՅԷԼԵԱՆ

# ՅԵՂԱՓՈԽԱԿԱՆԻ Մ Տ Ք Ե Ր Ը



ՄԱՏԵՆԱՀԱՐ  
Հ. Յ. Դ. ԶԱՒԱՐԵԱՆ  
ՈՒՍԱՆՈՂԱԿԱՆ ՄԻՈՒԹԵԱՆ

ԹԻԻ 1

ԱՄԲՈՒԱՅԻՆ ՏՐԱՄԱԲԱՆՈՒԹԻՒՆ  
ՊԱՏՄԱԿԱՆ ՉԱՐԻՔ  
ՄԻՈՒԹԻՒՆ ԹՈՒՐՔԵՐԻ ՀԵՏ  
ՀԱՅ-ՔՐՏԱԿԱՆ ՅԱՐԱԲԵՐՈՒԹԻՒՆՆԵՐ  
ԿՈՎԿԱՍԱՀԱՅԻ ՏԱԳՆԱՊԸ

## Յ Ա Ռ Ա Ջ Ա Բ Ա Ն

Երրորդ տպագրութեամբ մը լոյս ընծայելով Քրիստափոր Միքայէլեանի յօդուածներու հաւաքածոն, ծանօթ՝ «Յեղափոխականի մտքերը» ընդհանուր խորագրով, չենք առաջադրեր բերել հրատարակչական նպաստ մը, անմիջականօրէն, մեր նորագոյն պատմութեան եւ քաղաքական մտքի ճանաչումին: Այլ հարց՝ բազմաթիւ երկեր կան, հրատարակուած եւ սպառած, կամ տակաւին ցըրուած պարբերական մամուլի հաւաքածոներու մէջ, եւ որոնք կը սպասեն հրատարակութեան: Մասնագիտական այդ աշխատանքին իրագործումը, անշուշտ, մեզի չ'իյնար: Մեր մատենաշարը, իբր քաղաքականօրէն կազմակերպուած ուսանողներու կազմի մը նախաձեռնութիւն, պիտի ձգտի ուսանողներու, եւ առհասարակ երիտասարդութեան տրամադրութեան տակ դնել քաղաքական մտածողութեան աղբիւրներ, նախատարրեր. այդ պատճառով իսկ՝ կը ծրագրենք զայն դնել աւելի այլապան ընտրութեան մը հիման վրայ, փորձելով աւելի լայնօրէն դարմանել հայ կեանքէն ներս, նաե՛ւ երիտասարդութեան մէջ տիրող քաղաքական թերաճութիւնը:

Այս շարքին մէջ ուրեմն տեղ պիտի գտնեն, անտիպ բնագիրներու եւ թարգմանական երկերու

կողքին, որոշ թիւով վերահրատարակութիւններ՝ հայ քաղաքական մտքի ներկայացուցչական երկերէն:

Քրիստափոր Միքայէլեանի յօդուածներու այս հաւաքածոյին կցուած կը պահենք Փիէռ Քիյարի յառաջաբանը, վաւերագրական եւ նոյն ատեն մարդկային խոր արժէքով վկայութիւն մը՝ Հ. Յ. Դաշնակցութեան գլխաւոր հիմնադիրին մասին: Կը կցենք նաեւ Բ. հրատարակութեան «երկու խօսք»ը, նոյնպէս իր վաւերագրական արժէքին համար: Եւ կը դիմադրենք այն փորձիչ ինքնաթելադրանքին, որ մեզ պիտի մղէր, ընդարձակ ներածականով մը, փնտռելու տեղն ու արժէքը գործին, այս անգամ՝ մեր ժամանակին մէջ: Դաստիարակչական անմիջական ծառայութեան մը ձգտող հրատարակչական մեր աշխատանքով կը նախընտրենք երիտասարդ ընթերցողը ձգել ազատ, այս փաստաթուղթերուն հետ դէմ առ դէմ: Ուրիշ հարց՝ նման փորձ մը պիտի ենթադրէր չափազանց լուրջ եւ պատասխանատու աշխատանք, մասնաւորաբար այսօր, տասնամեակի մը սեմին, որ կը խոստանայ հարուստ ըլլալ հայ յեղափոխութեան եւ Հայ Դատի պատմութեան մէջ արժէքներու վերահատումներով: Այս բոլորը յանձնառու երիտասարդութեան կողմէ պէտք է դիմաւորուին պինուած փաստացի ծանօթութիւններով եւ համապատասխան պատրաստութեամբ:

Հ. Յ. Դ.

ԶԱՒԱՐԵԱՆ ՈՒՍ. ՄԻՈՒԹԻՒՆ

## ԵՐԿՈՒ ԽՕՍՔ

(Բ. հրատարակութեան առիթով)

Հայ յեղափոխական գրականութեան մէջ Քրիստափոր Միքայէլեանի յօդուածները առանձին տեղ են գրաւում: Հայերէն շատ քիչ գրքւածք կայ — գուցէ Բաֆֆիի վէպերը եւայլն — որ այնքան գորաւոր սպաւորութիւն գործած լինին ժամանակակից երիտասարդութեան մտքին վրայ, որքան «Ամբոխային տրամաբանութիւն»ը:

Պէտք է յիշել, թէ ի՞նչ ժամանակ էր լոյս տեսնում «Ամբոխային տրամաբանութիւն»ը: Ընդհանուր, զանգուածային կոտորածներ Պալիսէն սկսած մինչեւ Վասպուրական, դիւանագիտական անյաջողութիւններ ու ծայրայեղ յուսալում: Հայ հասարակութիւնը ապրում էր վիատութեան և բարոյալիման ծանր տագնապ: Սկսուել էր պատասխանատուների որոնումը, եւ ի հարկէ, քա-

րերը, առաջին հերթին, թափում էին յեղափոխականների գլխին: Բորբոսած խոհեմութիւնը՝ կապուած ֆաղֆենի եսամոլութեան մտւրին, պատեհապաշտութեան ու համակերպութեան իմաստութիւնն էր որոտում: Հայ յեղափոխական շարժումը ապրում էր իր առաջին ծանրագոյն տագնապներէն մէկը:

Եւ այս գաղջ ու տամուկ մթնոլորտում, յանկարծ, ուժգին որոտի պէս, հնչեց Քրիստափորի սքափեցնող ձայնը. «Յարատե՛ւ կոիւ»: Սուր ու խորաթափանց դիտողութեամբ, հարուստ փաստերով ու պողպատէ տրամաբանութեամբ՝ նա սպանիչ ֆինադատութեան ենթարկեց «Ամբոխային տրամաբանութեան» հերոսներին եւ ցոյց տըւեց, որ հայ յեղափոխական շարժումը ո՛չ միայն բնական էր, ո՛չ միայն անխուսափելի, այլեւ անհրաժեշտ էր ու ցանկալի: Եւ ամառուայ տօթին տեղացող յորդառատ անձրեւի պէս «Ամբոխային տրամաբանութիւն» շարքը մաքրեց ու պայծառացրեց հայ կեանքի հեղձուցիչ մթնոլորտը: Քրիստափորի այդ գլուխ գործոցը դարձաւ այնուհետեւ մեր երիտասարդութեան հաւատոյ հանգանակն ու ներշնչման աղբիւրը:

Այսօր էլ դեռ «Ամբոխային տրամաբանութիւն»ը, ինչպէս Քրիստափորի միւս յօդուածները, լիքն է կենդանի այժմէականութեամբ: Մեր օրերի «ամբոխն» էլ «տրամաբանում» է այնպէս, ինչպէս «տրամաբանում» էր իննսնական թուա-

կանների վերջին: «Պատմական չարիքը» ոչնչով չի թուլացած եւ այսօր: Հայի «Յաւելեալ արիւնը» շարունակում է հոսիլ անընդհատ: Ներկայ սերնդին էլ յուզում են այն խնդիրները, որոնցով յուզում էր Քրիստափորի սերունդը: Այդ պատճառով «Յեղափոխականի մտքեր»ի վերհրատարակութիւնը միայն պատմական հետաքրքրութեան արդիւնք չէ, այլ եւ գործնական պահանջ:

Քրիստափորի յօդուածները սկզբնապէս հրատարակուեցին «Դրօշակ»ում, մեծ մասամբ, իրրեւ խմբագրական, անստորագիր: «Ամբոխային տրամաբանութիւն»ը տպուեց «Դրօշակ»ի 1899 թ. 5, 6, 8 եւ 1900 թ. 2, 3, 4 համարներում: Ապա լոյս տեսաւ առանձին գրքով, Ելլէն ծածկանունով, Հ. Յ. Դ. մատենաշարի հրատարակութեամբ ժընեւում: Իսկ 1909 թ-ին «Պատմական չարիք»ի հետ միասին, վերհրատարակուեց Պոլսում, իրրեւ Հ. Յ. Դ. Ազատութեան Մատենաշարի թիւ 6:

«Պատմական չարիք»ը առաջին անգամ տըպուեց «Դրօշակ»ի 1900ի թիւ 6, 9 եւ 1901ի թիւ 3, իրրեւ առաջնորդող յօդուած:

«Միութիւն քիւրճերի հետ»ը՝ «Դրօշակ»ի 1900ի թիւ 8ում:

«Հայ-ֆրտական յարաբերութիւնները»՝ «Դրօշակ»ի 1901ի թիւ 4 եւ 5ում:

«Կովկասահայ տագնապ»ը՝ «Դրօշակ»ի 1903ի թիւ 7ում:

Քրիստափորի եղբրական մահից յետոյ, այս բոլոր յօդուածները ամփոփուեցին մի հատորի մէջ եւ 1906 թուին հրատարակուեցին Հ. Յ. Դ. Մատենաշարի շարքում: Գրքոյկին կցուեց Քրիստափոր Միֆայէլեանի լուսանկարը եւ կենսագրութիւնը՝ գրուած Փիէռ Քիյարի ձեռքով:

Ներկայ հրատարակութիւնը հարագատ կըրկնութիւնն է «Յեզափոխականի մտքեր»ի առաջին տպագրութեան եւ ոչ Քրիստափորի գրուածքների ամբողջական հաւաքածուն: Ամբողջական հաւաքածուի հրատարակութիւնը վաղուց արդէն զգացուած, բայց մեր պայմաններում դժուար իրագործելի պահանջ է: Ե՛ւ Քրիստափորի, ե՛ւ Ջաւարեանի ու Ռոստոմի գրուածքները ցրուած են զանազան քերթերում կամ մնում են պահուած կուսակցական եւ անհատական դիւանների անյայտութեան մէջ: Անհրաժեշտ է ժամանակ, առանձին յարմարութիւններ ու նիւթական միջոց այդ բոլորը յայտնագործելու, ի մի հաւաքելու, համեմատելու եւ հրատարակութեան տալու համար: Ո՞ւր են այդ յարմարութիւններն ու միջոցները:

Բացի հաւաքածուի մէջ մտած յօդուածներից, Քրիստափորը 1899 թ., թիւ 1 եւ 2 «Դրօշակ»ներում ունի երկու խմբագրականներ՝ 1898-1899 թ. տարեկան տեսութիւն, որ սկսում է «Հայի համար վաղուց է նոր Տարի չկայ» խօսքերով: «Դրօշակ»ներում կան եւ նրա կազմած մի

քանի մանր տեսութիւնները, կենսագրականներն ու լուրերը:

Քրիստափորի գրական ժառանգութեան տեսակէտից վերջին աստիճանի արժէքաւոր են եւ նրա ձեռքով գրուած գեկուցումներն ու նամակները: Զգայուն, բայց միաժամանակ եւ հզօր իմացականութիւն, օժտուած արտակարգ յստակատեսութեամբ, անկնուն տրամաբանութեան ու կամֆի տէր, անհունօրէն լուստես ու հաւատացող, գործով յարատեւ, զարմանալիօրէն աշխատունակ, բժախնդիր դէպի իր խօսքը — ահա Քրիստափորը իր գրութիւնների մէջ: Դիտեցէ՛ք նրա ձեռագիրը — մէկ տող չկայ, որ մի քանի անգամ ուղղուած, ջնջուած ու սրբագրուած չլինի: Բառեր են պատահում, որ մի քանի անգամ գրուել ու ջնջուել են. գրում ու անցնում է, նորից վերադառնում, փոխում ու փոփոխում է. գրած բառը ջնջում՝ վերն է գրում. այս էլ է ջնջում՝ տակն է գրում, սրա վրայ էլ գիծ քաշում՝ կոզլին է գրում: Նրա մանր հատիկ հատիկ շարուած բառերը այնքան գրուած ու ջնջուած են, որ ձեռագիրները յաճախ տողերի ու բառերի խառնաշփոթ լարիւրիներու են վերածուած: Մի բան, որ եթէ մի կոզմից ապացոյց է մտքի ստեղծագործութեան ծանր երկունքի, միւս կոզմից վկայութիւն է հեղինակի դէպի գրուած խօսքը տաժած անսահման յարգանքի:

Ներկայ հատորի նպատակն է տալ ընթերցող լայն հասարակութեան ձեռքը մեր ժամանակների մեծագոյն յեղափոխական-հրապարակագրի գորուածքները: «Ամբոխային տրամաբանութեան» եւ «Յեղափոխական մտքեր»ի նախորդ տպագրութիւնները վաղուց արդէն սպառուած են: Նոր սերունդը գրեթէ ծանօթ չէ նրանց: Այս հրատարակութիւնը կը լրացնէ այդ բերին: Աւելին՝ բողնում ենք ապագային:

Աքէնի, 1931



## ՔՐԻՍՏԱՓՈՐ ՄԻՔԱՅԷԼԵԱՆ

Քրիստափոր Միֆայելեանը, — «Մեր Քրիստափորը», ինչպէս որ յարգանքով, հպարտութեամբ ու գոռովով կոչում էին նրան իր աշակերտներն ու հայ մտերիմները եւ այն եւրոպացի բարեկամները, որոնց նա պատիւ արեց իր ամենաթանկագին խոհերից մի բան վստահանալու — նա՛, Քրիստափոր Միֆայելեանը, մեռաւ Սոփիայի մօտերը, 1905ի Ապրիլին, ողբերգական հանգամանքների մէջ, մի ժամում՝ նմա՛ն իր կարճատեւ կեանքի բոլոր ժամերին, երբ նա՛ ինչպէս միշտ, անյայտութեան մէջ ու լռելեայն, կոռում էր յեղափոխական գործը:

Եթէ վաղանցուկ մահկանացուից յետոյ գաղափարները չմնային կենդանի, կորուստը անգիտ կը լինէր յեղափոխութեան եւ հայկական դատի համար: Սակայն գաղափարները այնպիսի գորութեամբ էին մարմնացել նրա անձնաւորութեան մէջ եւ այն տեսակ շռաւիղներ սփռել, որ իր անյայտանալուց յետոյ էլ՝ նրանք ապրում են հաւատարիմ յուշերի մէջ եւ ի հարկին՝ մեզանից իրաքանչիւրին կը ներշնչեն կորով՝ շարունակե-



լու նրա աշխատանքը, այնպես՝ ինչպես ինքը կը ցանկանար, եւ իրականացնելու, նայած ժամանակին, անհրաժեշտ ձեռնարկներն ու ծրագիրները:

Քրիստափոր Միֆայէլեան՝ «Մեր Քրիստափո՛րը»: Երբե՛ք պիտի չմոռանամ աշնանային այն օրը, 1900 բուին, երբ նա ինձ այցելութեան եկաւ՝ «Pro Armenia»ի հրատարակութիւնից մի քանի ամիս առաջ. եւ մե՛նք առաջին անգամ հանդիպեցինք իրար, Պուրկոյնի մի փոքրիկ գիւղում: Թէեւ անծանօթ՝ իր առաջին խօսքերից եւ առաջին հայեացքից՝ նա տիրաբար իշխեց իր խօսակցին: Այդ փոքրիկ, բուրակազմ մարդը, շփոթ ֆայլուածձով, որ՝ հակառակ իր պետական մագերին՝ դեռ տարիֆուր չէր եւ պահպանել էր մանկական աչքերի յստակութիւնը, խօսում էր մի ձայնով՝ միաժամանակ մեղմ եւ խոպոտ, համոզիչ եւ հրամայական: Նրա տօգոյն կերպարանքը, հիւժուած՝ երկար, անանձնական տառապանքից, ցաւագինօրէն յայտնում էր, որ նա զգացել ու կրել է իր հալածական եւ մարտիրոսացած բոլոր եղբայրների տանջանքները եւ որ նա արիւն էր թորել բոլոր նրա՛նց վերքերով եւ լացել նրա՛նց արցունքով: Սակայն այդ դէմքը ասում էր եւ այն, որ ինքը նրանցից չէ, որոնք ընկնում են տանջանքի առջեւ, եւ իրայինների դէմ գործուած ամէն մի ոնիր արծարծում էր նրա մէջ հաստատուն վնիւ՝ բնաւ չենթարկուելու

դառն ֆակտագրին եւ պատրաստել անլի լաօրեր՝ տրամադրելի բոլոր միջոցներով, սկսած ամենախաղաղամիտ եւ խորաթափանց բանականութիւնից, մինչեւ անխուսափելի բռնադատումը, երբ այլեւս չկայ ուրիշ միջոց:

Եւ այնտեղ, խաղաղ հովիտի բարձրութեան վրայ, ուր երեկոյեան մութը իջնում էր եղեւնու անտառների եւ արդէն թափուր դաշտերի վրայ՝ Միֆայէլեանի հոգին դրոշմուեց իմ մէջ: Ու այնուհետեւ՝ մօտիկ լինէր նա թէ հեռու, ես հայկական դատին վերաբերմամբ ոչինչ չեմ ասել, ոչինչ չեմ գրել, ոչինչ չեմ արել, առանց հարցընելու ինքս ինձ, թէ ի՞նչ կը մտածէր նա՝ ա՛յս խօսքի, ա՛յս նախադասութեան այս արաբքի մասին...

Ահա նրա կեանքը՝ շատ համառօտակի:

Նա ծնուեց 1859ին, Կովկասի մի աւանում, Վերին-Ագուլիս, այսինքն հին Արարատեան նահանգում՝ լի պատմական յիշատակներով, Մասիսի դիմաց, որ արեւմտեանները Արարատ են կոչում, Արաֆսի մօտ, որ նահապետն է հայկական գետերի, եւ մանկութիւնը անցկացրեց հայրենի ջրերի եւ առասպելական լեռների միջեւ:

Շրջապատուած պարտէզներով, այգիւտ, լաւ ռոտգուած, Ագուլիսը շնորհում էր ուղեւորներին մի յանկարծադէպ հրապոյր իր գեղածիժաղ տներով եւ մաֆուր փողոցներով, մի տեսակ

սփանջելիք ֆարֆարուտ շրջապատի մէջ: Հագուողէպ սփանջելիք նոյնպէս եւ իր մտաւոր կըրթութեամբ. — գիւղացիները՝ ուսումն առած, նոյնքան եւ գուցէ անլի քան ուրիշ հայ գիւղերում: Ամէն ոք գիտէ, թէ ամենագարգացած, լաւագոյն հայերն որպիսի՝ յափշտակութեամբ նըւիրուեցին ժողովրդական կրթութեան գործին, — նոյնիսկ տարրական դպրոցների պաշտօնախմբերը բաղկացած էին լաւագոյն մարդկանցից, համարեա բոլորն էլ աշխարհական, գերագոյն հըսկողութեամբ էջմիածնի կաթողիկոսի, որ պատասխանատու է ցարի կառավարութեան առջեւ...

Իւրաքանչիւր գիւղ, ինչպէս Ագուլիսը, եւրոպական կրթութեան կենտրոն էր: Քրիստափորի հայրը, երկրագործ, նրան տուեց տարրական ուսումնարան եւ երեխան դըրում սովորածը լրացնում էր ընտանիքի մէջ, կիսանահայետական բարբերի շրջանում: Երբ նա դարձաւ 11 տարեկան, տնեցիք մի մեծ որոշում կայացրին, — բաժանուել նրանից որպէս զի նա կարողանայ Թիֆլիսում միջնակարգ ուսում առնել: Ճանապարհորդութիւնը երկար էր, տասն օր, որովհետեւ ոչ երկաթուղի կար, ոչ կառք: Եւ այս ուղեւորութիւնը հանդիսացաւ իրրեւ մի կարեւոր դէպք իր մեքճաւորների եւ ողջ գիւղի համար, ինչպէս այն՝ երբ մէկը գնում է համալսարան կամ Եւրոպա, անլի ազատ եւ անլի ֆաղափակիրք:

Աշակերտ Թիֆլիսի ուսուցչական դպրոցի՝ Քրիստափոր Միֆայէլեանը շնորհիւ իր հոգեկան կազմի, որ բաց էր ամէն նոր գաղափարների եւ ամէն յանդուգն վնիռների առջեւ, յարեց ուսնորածիլ յեղափոխութեան եւ սոցիալիստական շարժման: Յետոյ, երբ ձեռք բերեց աւարտման վկայական, վերադարձաւ իր ծննդավայրը՝ որպէս դպրոցական ուսուցիչ, եւ նոյն միջոցին՝ երբ ուսուցանում էր աշակերտներին տարրական գիտութիւններ, նա մասնակից էր անում այլ մարդկանց, — իր ընկերներին եւ իրենից տարիփաւորներին, — այն գեղեցիկ մտքերին, զորս ինքը իւրացրել էր, եւ այն օրումանից ահա սկսեց իր փրոփականտը ժողովրդի մէջ:

Այդ միջոցին տեղի ունեցաւ մի ծանր դէպք: 1885ին բիրտ ուսուցումը յաջորդեց նախկին համբերողութեանը. — առաջին անգամ ուսուկառավարութիւնը փակեց բոլոր հայ դպրոցները եւ այսպիսով հազարաւոր երեխաներ՝ տղայ-աղջիկ՝ գրկուեցին ուսումից: Անճանկան փորձով գիտեմ, թէ ինչքան վառ է ուսանելու տենչը հայ փոքրիկների մէջ, մանաւանդ ժողովրդական խաւերում: Ագուլիսի եւ այլ բազմաթիւ գիւղերի երեխաները՝ գրկուած դպրոցից՝ արտասուք էին քափում տանը եւ փողոցներում, իսկ զայրացած ընտանիքները արդէն նզով էին կարդում ցարի բռնակալութեանը: Քրիստափոր Միֆայէլեանը խորապէս ցնցուեց անցած-դարձածից, իր բոլոր

տեսածից, եւ ինքը՝ որ ռուսական յեղափոխութեամբ էր տարուած, ամբողջապէս նուիրուեց տառապող հայերի դատին:

Նա վնոեց նախ լրացնել իր ուսումը եւ դըպրոցների փակումից յետոյ գնաց Մոսկուա, ուր նա նուիրուեց յատկապէս քաղաքատնտեսութեան և ընկերաբանութեան ուսումնասիրութեան և խելամուտ եղաւ մարքսիզմի բարձր դիւրեկտիւային: Միաժամանակ նա հիմնեց հայ ուսանողների մի շրջան, ուր բոլորը պատրաստուում էին ապագայ գործունէութեան եւ իր պարզութեամբ, վարդապետութիւնների լայնութեամբ եւ անընկճելի եռանդով նա ձեռք բերեց իր ընկերների մէջ մի դիւրաւ ընդունելի եւ հաւանելի հեղինակութիւն: Նա վերադարձաւ Կովկաս 1888ին, ա՛յն միջոցին, երբ խմորում էր մտաւոր եւ յեղափոխական մի ուժգին շարժում թրքահայերի օգտին: Նա անմիջապէս նետուեց այդ հոսանքի մէջ ու մի քանի ընկերների հետ յղացաւ միտք՝ հիմնելու յեղափոխական մի մեծ կուսակցութիւն — Հայ Յեղափոխական Դաշնակցութիւնը, ունենալով իրբեւ օրգան՝ «Դրօշակ»ը:

Տաս տարի շարունակ, Կովկասում, շրջապատուած ամէն տեսակ նեղութիւններով՝ նա եղաւ Դաշնակցութեան հոգին: Առաջին անգամ բանտարկուելով Թիֆլիս, ամբարուելով մի տարի Պեսարապիա եւ կրկին բանտարկուելով Բագու 1895ին, նա հայկական դատին նուիրեց այն բո-

լոր դադարները, որ ռուս ոստիկանութիւնը տալիս էր նրան՝ խուզարկութեան, բանտի եւ ամսորի միջեւ: Քաշֆշուած, հալածուած տեղական իշխանութիւններից, ընտանեկան բաւական ծանր բեռը վզին, նա նուիրում էր փրփականտին ո՛չ միայն իր ժամանակն ու ուժերը, այլեւ այն դրամական միջոցները, որ կարողանում էր ձեռք բերել լրագրական աշխատանքով:

Իր տունը՝ յեղափոխական օճախ էր, որտեղից դուրս էին գալիս պատուէրի խօսքեր, ուր մարդիկ գալիս էին խորհուրդ հարցնելու՝ ազատօրէն ընտրուած պարագլխից, որ իր հեղինակութեամբ պարտական էր ոչ թէ իրեն շնորհուած նուիրապետութեան, այլ դէպի ինքը տածած հանուր վստահութեան, մի տուն, որի դռները բաց էին բոլոր ընկերների համար, բոլորած ընդհանուր սեղանի շուրջը, եւ որոնց հետ Քրիստափորը բաժանում էր իր ծածկը եւ իր համեստ քսակը: Ահա այն ժամանակից է, որ նա դարձաւ բոլոր գիտակից հայերի համար «Մեր Քրիստափորը»:

Վրայ հասան 1895—1896ի կոտորածները. ազգային այդ մեծ աղէտին հետեւեց յետաշրջում (*ռէաքսիոն*) եւ ժողովրդի մի մասի, աւելի նիշդ ասած՝ ապահով եւ կեղեքումներից ազատ շրջանների անվստահութիւնը՝ դէպի հայ յեղափոխականները: Քրիստափորը անյողողող մնաց, չյուսահատուեց: Եւրոպական մեծ պետութիւն-

ների ամօթալի անգործութիւնը նրան գայրացրին եւ տրամեցրին. սակայն նա հասկացաւ միաժամանակ, որ այն անգիտութիւնը, որին մատուած էին եւրոպական ժողովուրդները իրենց կառավարութիւնների շնորհիւ, թայլ էր տալիս վերջիններին հետաւորեամբ շարունակելու իրենց ուրալի անտարբերութիւնը: Նա հասկացաւ եւ ա՛յն, որ հայկական յեղափոխութիւնը ինքը մեծակ բաւական չէ եւ որ բռնութեան դէմ ուղղած դիմադրութիւնը, — մշտապէս անհրաժեշտ, — չէ կարող դրական հետեւանքի հասցնել՝ առանց այն ժողովրդների համակրութեան, որոնք աւելի ուժեղ են՝ քան հայ ժողովուրդը, թողնուած իր քախտին եւ իր անգործութեան:

Ահա դրանից դրդուած՝ նա եկաւ Եւրոպա, երկու երեք ընկերով, նուիրուելու երկու առաջնութեան. — ապահովել Յեղափոխական Դաշնակցութեան ապագան եւ հայկական դատի կողմը գրաւել արեւմտեան երկրների հասարակական կարծիքը, վատատեղեակ անցած-դարձածին: Առանց հանգստի, առանց մի րոպէ յուսաբեկուելու՝ նա աշխատեց այս երկու նպատակի համար եւ երբեք՝ հակառակ մասնակի անյաջողութիւնների, հակառակ եւրոպական կառավարութիւնների նորագոյն ստորնութիւններին, նա չընկճուեց եւ չվիատուեց:

Դեռ ժամանակը չէ մանրամասն պատմելու, թէ ինչպէ՛ս նա պարտահատոյց եղաւ այն ծանր

աշխատանքին, որ դիւել էր իր առջեւ եւ ո՛չ էլ այն, թէ ո՛րպիսի գուարթ հաւատով այդ մարդը, — որ այնքա՛ն վիշտ էր կրել եւ տեսել, — դիմում էր՝ մի անգամ վնիւ կայացրած՝ դէպի ահարկու փորձանքներ:

Իր ընկերներն ու Սոփիայի ժողովուրդը մի փառահեղ թաղում սարքեցին պուլկարական մայրաքաղաքի մէջ. իսկ կովկասի աւաններում հայերը նրա յիշատակին նուիրեցին այնպիսի սգահանդէսներ, որպիսին չէ եղել ո՛չ մի պետական մարդու համար: Եւ նա՛, որ երբեք չէր որոնել ամբոխի ծափերը, մտաւ յաւիտենականութեան գիրկը՝ ուղեկցուած համայն ժողովրդի ողբով...

ՓԻԷՌ ՔԻՅԱՐ

1905, Փարիզ



Քրիստափոր Միքայելեան

## ԱՄԲՈՒԱՅԻՆ ՏՐԱՄԱԲԱՆՈՒԹԻՒՆ

«Եթէ կարելի լինէր ենթադրել, որ տանկական վարչութիւնը այսպիսի ճզնաժամում (1876, Սեպտեմբեր) կարող է Եւրոպայի համաձայնութեամբ կամ նրա վաւերացմամբ շարունակել իր օրինական գոյութիւնը Պուլկարիայում՝ այն ժամանակ պէտք է յանգանք համարել մարդկային արդարադատութեան ամէն մի բողոք՝ իշխանութիւնն ի չարք գործ դնելու դէմ, ամէն մի դիմադրութիւն ամենագազրելի բռնապետութեան դէմ: — Բայց մենք դեռ չենք հասել այդպիսի ծայրայեղ ստորնացման»...

Վ. ԿԼԱՏՍԹՈՆ

### I

Ամբոխը, կազմուած լինի նա «կրթուած» թէ անկիրթ մարդկանցից, միշտ տրամադիր է կարծելու, թէ ամէն մի երեւոյթ, որին հետեւում է մի ուրիշը՝ անմիջական պատճառ է այդ յետագայ երեւոյթի:

Այդ է ամբոխի տրամաբանութիւնը եւ միայն այդ տրամաբանութեամբ կարելի է բացատրել

հայոց հասարակութեան որոշ շրջաններում տարածուած այն անհեթեթ կարծիքը, թէ հայ յեղափոխականներն են հայկական սոսկալի կոտորածների իսկական պատճառը: «Post hoc, ergo propter hoc» (Այս դէպքից յետոյ, ուրեմն այս դէպքի պատճառով») տրամաբանեց chapeau կրող ամբոխը եւ հալած իւղի տեղ բնդունեց թուրք շերովիչսի պալատից դուրս եկած ճեղուիթական մեղադրանքը: Չէ՞ որ հայկական կոտորածներից առաջ ո՛չ մի նորանշան բան տեղի չէր ունեցել, — ոչ արեւի խաւարում, ոչ դիսաւոր աստղի ծաղում, — ոչի՛նչ՝ բացի յեղափոխական ցոյցերից: Ի՞նչ կասկած, ուրեմն, որ ա՛յդ ցոյցերը եղան մեր կորուստների պատճառը. թող անիծեալ լինեն այդ ցոյցերը, թող կորչեն յեղափոխականները, — խօսում է մարդկային յիմարութիւնը կամ անարտութիւնը, — եւ ահա ձեր առաջ ներկայանում է մի երեւոյթ, որ նոյնքան պարզելի է որքան եւ վնասակար:

Այն ժամանակ, երբ դուք՝ այնպիսի մի չարագործութեան դիմաց, ինչպիսին են հայկական կոտորածները, բռնկուած էք անսահման ցասումի սուրբ դպացմունքով միայն, այն ժամանակ, երբ հայութիւնը ջնջելու բացարձակ քաղաքականութեան դիմաց, դուք կարող էք ունենալ մի անընկճելի ձգտում միայն, — ազատուել վերջապէս այսքան չարիքների միակ պատճառից, — ահա այդ ժամանակ, ասում ենք, ձեր շուրջը,

այս ու այնտեղ, դուք տեսնում էք հայ մարդիկ, որոնք ոտնակոխ անելով բացարձակ ճշմարտութիւնը, պատրաստ են բարին չար անուանել ու չարը՝ բարի. պատրաստ են համարեա թէ արդարացնել մարդկային պատմութեան մէջ չտեսնուած մի բարբարոսութիւն, պատրաստ են անօրինակ բռնութեան հեղինակի մեղքը փաթաթել այդ բռնութեան դէմ կռուող բանակի վրին...

«Կորած ենք հայերս», կ'ասէինք մենք համարձակ, եթէ ականատես չլինէինք սակայն, թէ ինչպէս մի կողմից տանջուած ժողովուրդը իր մաքուր բնազդով եւ միւս կողմից արեւելեան հարցին ծանօթ մարդիկ միանգամայն պարզ են համարում վերջին սարսափների պատճառները եւ չեն ձայնակցում հայկական ղպիրների ու փարիսեցիների համերգին: Դժբախտարար կան միամիտ մարդիկ, որոնք զուրկ են այդ բնազդից ու այդ ծանօթութիւնից. եւ նրանց վրայ մասամբ ազդում է այդ հակայեղափոխական երկղիմի քարոզը: Վերջապէս հենց այդպիսի մի քարոզի դոյութիւնը ինքնըստինքեան, — հենց այն փաստը, որ Ապտիւլ Համիտի անթիւ զոհերի անարժան եղբայրները, մոռացած սուրբ վրէժը, կրկնում են այդ դահակալ դահճի եւ նրա արբանեակների զրպարտութիւնը, — այնպիսի ամօթարեր երեւոյթ է մեզ համար, որ մենք ստիպուած ենք երկարօրէն ծանրանալ այդ անհեթեթ մեղադրանքների վրայ:

\* \* \*

*Բայց թող նախ եւ առաջ եւրոպացի հեղինակները խօսեն:*

*«Սուլթանը եւ պետութիւնները» վերնագրով իր յայտնի գրուածքի մէջ Մակ - Կոլ գրում է.*

*«Կատարածները սուլթանների աւանդական ֆաղափականութիւնն են կազմում եւ վերջին վաթսուն տարիների ընթացքում կրկնուել են միջին թումով ամէն 10 տարին մի անգամ... բնութեան օրէնքի կանոնաւորութեամբ...»*

*«...Ամէն անգամ, երբ ֆրիստոնեաները՝ չընայած իրենց անօգնութեան, սկսում էին գերազանցել միւսիւլմաններին ֆանակութեան, կրթութեան եւ բարեկեցութեան տեսակէտով, մահմետական իշխանները, հետեւելով փարաւոնի ֆաղափականութեանը դէպի ստրուկ իսրայելացիները, նուազեցնում էին ազգաբնակչութիւնը Պուլկարիայի եւ Սասունի սիստեմով...»*

*«...Տանիկ ցեղը, ինչպէս ճիշդ նկատում է Նասսաուի Սենեթը, արագ կերպով ջնջւում է տանիկ կիներ շատ հազար դէպքում է ունենում աւելի քան երկու երեսայ... Տանիկները գիտակցում են, որ իրենք ջնջւում են եւ չեն կարող մըրցել քրիստոնէանների հետ հաւասար պայմաններում, — դրանով են բացատրում ֆրիստոնեաների դէմ գործ դրուած անընդհատ մնչումներն*

ու պարբերական կատարածները, որոնք միակ միջոցն են յետաձգելու տանիկների տիրապետութեան վախճանը:

*«...Սուլթանը, — գրում է նոյն հեղինակը մի ուրիշ տեղ, — սկսել է իր սխրագործութիւնները Սասունից, և եթէ բարենորոգումների (réformes) ծրագիրը չլինէր, գուցէ այդ կատարածը առ ժամանակ յագեցնէր նրա արիւննուշտ սիրտը. բայց բարենորոգումների հիմքում դրուած է հայերի եւ միւսիւլմանների թուր յարաբերութիւնը, ուստի նա վնեց խանգարել այդ ծրագրի իրագործումը, հակառակ կողմը փոխելով այդ յարաբերութիւնը (այսինքն նուազեցնելով հայերի թիւը): Այս հանգամանքը պիտի նախատեսէին բարենորոգումների ծրագիր կազմողները եւ ամենից առաջ նրանք պիտի հոգային, — իմանալով ում հետ գործ ունեն, — միջոցներ ձեռք առնելու այդպիսի պատեհութեան դէմ... Բայց պետութիւնները ոչինչ չարին մարդասպանի ձեռքը բռնելու համար եւ հայերին կոտորելու հրամանը տրուեց Երլտրգ-ֆէօշից»:*

*Իրլանտացի Էմիլ Տիլոն, նախկին փրոֆեսոր, որ 1895 թուի սկզբում Տանկաստան մտաւ եւ Contemporary Review ամսագրի միջոցով առաջին ձգրիտ տեղեկութիւնները հաղորդեց Եւրոպային Սասունի կոտորածների մասին, ասում է.*



«1891 թուին՝ Բարձրագոյն Դուռը, վախճանալով թէ լուրջ դժուարութիւններ կը ծագեն իր համար՝ Հայաստանում խոստացուած բարենորոգումները մտցնելուց եւ թէ Ռուսիայի սահմանակից նահանգներում բնակող ֆրիստոնեաները կարող են օգնել Ռուսիային պատերազմի դէպքում, վնասեց մի անգամից երկու նապաստակ սպաննել եւ կազմակերպեց բացառապէս ֆիւրտերից «համիտիէ» կոչուող հեծելազօրքը: Կառավարութեան մի քանի բարձր պաշտօնեաների առաջարկած ծրագիրն էր՝ ագատել սահմանակից նահանգները, օրինակ Ալաշկերտը՝ հայերից եւ փոխարինել նրանց մահմետականներով, որպէսզի բոլոր հինգ նահանգներում հայերի թիւը այն աստիճան կրճատուի, որ կարեւորութիւն չմնայ առանձին հայկական բարենորոգումների եւ որ պատերազմի դէպքում ֆիւրտերը գործեն իբրեւ հակաշին կոզակների: Ձեռնման այդ բացարձակ քաղաքականութիւնը այնուհետեւ ճշդօրէն իրագործուում է ու հետզհետէ ընդարձակուում, եւ եթէ դրան վախճան չդրուի, անկասկած, այդպիսով վերջնապէս կը լուծուի հայկական հարցը...»

*Նշանաւոր անգլիացի ձեռնմաս Գրայս գրում է.*

«1878ի անցքերը մեծ ազդեցութիւն ունեցան թէ սուլթանի եւ թէ նրա ֆրիստոնեայ հպատակների վրայ: Պուլկարիայի ազատագրութիւնը

*յոյս ներշնչեց կրթուած հայերի մէջ, որ Եւրոպան իրենց համար եւս կ'անէ նոյնը, ինչ որ արաւ պուլկարների համար: Այն միտքը՝ որ հայերը Անգլիայի հովանաւորութեամբ պիտի ձրգտէին մի ինքնավար Հայաստան ստեղծելու, նրման Պուլկարիային եւ որ հայերին տրուած այս կամ այն գիջումները կարող էին սկիզբ լինել մի այդպիսի ինքնավարութեան, այդ միտքը ամենազլխաւոր պատճառն էր, որ մոլեց սուլթանին պուլկարական սարսափները աւելի մեծ չափերով կրկնելու Հայաստանում:»*

*Նոյն միտքն է յայտնում ե'ւ ամերիկացի միսիոնար Գրին, որ, ինչպէս եւ Գրայս, չհամակրելով հանդերձ արտասահմանեան հայ յեղափոխական կազմակերպութիւններին, պնդում է սակայն, որ տաճիկները բաւական ճարտլիկ կերպով աշխատում են դարձնել հասարակութեան ուշադրութիւնը յեղափոխականների վրայ, որպէս զի կարողանան ծածկել իրենց սեփական գործողութիւնները: Իսկ եթէ հարցնէք՝ թէ որո՞նք են այդ «սեփական գործողութիւնները», Գրինը մատնացոյց է անում The Independant ամերիկեան լրատրագիրը, ուր ասուած է.*

«Այսպիսով Նեմիպ փաշան 1840 թուին (Սուրիայի ֆրիստոնեաների ջարդը), Պետիր Խանը 1850 թուին (նեստորականների եւ հայերի կոտո-

րածները Քիւրտիստանում), հուրշիտ փաշան 1860 թուին (մարտնիտների եւ սուրիացոց կոտորածները Լիբանանում եւ Դամասկոսում), Շեֆկէտ փաշան 1876 թուին (պուլկարների կոտորածը) եւ Զէֆի փաշան 1894 թուին (Սասունի ջարդը), մէկը միւսի ետեւից ջանք են քափել մի ազնիւ եւ մարդասիրական գաղափարի վրայ, — ազատել տանկական կայսրութիւնը քրիստոնեայ ազգաբնակչութիւնից»<sup>(\*)</sup>։

*Դառնալով Հայերին՝ Գրինը՝ մի կողմից հետեւելով Պրայսին եւ միւս կողմից (ինչպէս ինքն էլ խոստովանում է) մանաւանդ Ռոլէն Ժակմէնին, զրոււմ է .*

«Ասում են, որ հայերը իրենք իրենց դժբախտութիւնների պատճառ եղան, գրգռելով թուրքերին։ Բայց ո՞վ գրգռեց հայերին... Նրանք տեսան, որ Պուլկարիան ազատուեց արիւնից եւ նախատական վիճակից ու սա դրեց ինքնաճանաչութեան եւ բարօրութեան մանապարհի վրայ՝ եւրոպական պետութիւնների պաշտպանութեան ներքոյ։ Միթէ կարելի՞ է զարմանալ, որ հայ ժողովրդի սրտում եւս բարձրացան յոյսեր եւ սպասելիքներ — մի այնպիսի ժողովրդի, որ բնաւ

(\*) Այս շարքին աւելացնենք եւ սուրբան Մահմուտին. որ 1822 թուին առնուազմ 50.000 յոյների ջարդի հեղինակն եղաւ։

ստոր չէ պուլկարներից եւ շատ դէպքերում աւելի տաղանդաւոր... Հայ յեղափոխական գաղափարը ներկայանում է իբրեւ մի նոր երեւոյթ այս խաղաղ եւ դարերի ընթացքում հնազանդութեամբ տանկական լուծը կրող ժողովրդի կեանքում։ Բայց դա բնական հետեւանք է այն սարսափելի կացութեան, որ նկատուում է Պերլինի դաշնագրից յետոյ. եւ այս ախտը կը դառնայ օրէցօր աւելի եւ աւելի թունաւոր, աւելի եւ աւելի վարակիչ, մինչեւ եւրոպական բժիշկները չդիմեն իսխտ ու արմատական միջոցների՝ «հիւանդ մարդու» վերաբերմամբ»։

*Մոսկուայի Համալսարանի փրոֆեսոր, կոմս Լ. Կամարովսկի, յենուելով արեւելեան գործերին քաջ ծանօթ յայտնի դիւանագէտ կոմս Պենեդետտէի կարծիքի վրայ՝ ասում է .*

«Տաճիկները՝ Համոզուելով, որ իրենց տիրապետութեանը ամէն կողմից վտանգ է սպառնում՝ այժմ դէպի քրիստոնեաները բացի արհամարհանքից, նաեւ կատաղի, անօգորմ ատելութիւն են տածում։ Իրենց կոյր գայրագնութեան մէջ, որ, — աւելացնենք, — միմիայն սաստկանում է Եւրոպայի անկարող եւ անվճողական միջամտութեամբ, նրանք չեն տեսնում ուրիշ ոչ մի միջոց իրենց զօրութիւնը պահպանելու եւ սպառնացող վտանգների առաջն առնելու, բայց թէ

կոտորածների միջոցով *քրիստոնեաներին ջնջելը*: Այստեղից առաջ եմ գալիս քրիստոնեաների կոտորածները ամէն տեղ, ուր վերջիններս փորձում են դիմադրել տանկներին. Պուլկարիայում, Պոսնիայում, Հայաստանում, Կրետեում, Եւայն: Այդ սիստեմը անուանում է «խաղաղացում» եւ մեծահոգի փատիշահի հայրակա՛ն կառավարութեան վերահաստատում: Այդպիսի մի կառավարութեան դիմաց մի՞թէ կարող է խօսք լինել «օրինականութեան» մասին եւ ի՞նչ տեսակ «խաղաղասիրութեամբ» կարելի է արդարացնել նրան պահպանելու ցանկութիւնը»:

*Ֆրանսացի յայտնի գործիչ եւ գրող Փան ժո-րէտ՝ հայկական հարցի մասին փարլամենտում արտասանած իր գեղեցիկ ճառի մէջ, գիմելով արտաքին գործերի նախարար Հանտոյին, 1897 թուի Հոկտեմբեր 3ին, ասաց.*

«Դուք մոռացաք աւելացնել... որ հայ յեղափոխականների վրայ ինչ դատաստան էլ որ կտրեմք — ապահովապէս նրանք գրգռիչներ (provocateur) չեղան: Դուք մոռացաք յիշեցնել, որ նրանց պատասխանատուութիւնից առաջ, եթէ միայն նրանք ունեին այդպիսին, եւ ի՞նչ կարող է լինել մի քանի մարդկանց կամ մի քանի կոմիտեների պատասխանատուութիւնը մի ամբողջ ժողովրդի նահատակութեան ու կոտորածի դիմաց,

— կրկնում եմ, դուք մոռացաք յիշեցնել, որ այդ մարդկանց պատասխանատուութիւնից շատ առաջ եւ նրանից էլ վեր՝ կար *սուլթանի եւ Եւրոպայի* պատասխանատուութիւնը»:

*Գերմանացի հայասէր Լեփսիուս, որ «Հայաստան եւ Եւրոպա» իր գրքի վերնագրի տակ գրել է՝ «Մի ամբաստանագիր մեծ պետութիւնների դէմ», մանրամասնօրէն կոտորածների խնդիրը քննելուց յետոյ, ասում է.*

«Կրկնում եմք մեր հարցը. — Ի՞նչ բան են Հայաստանի ջարդերը, պատասխանում եմք. դա Բարձր Դրան ձեռք առած վարչական մի միջոց է, որ ուրիշ շարժառիթ եւ նպատակ չունի, բայց եթէ հայ ազգի ջնջումովը անիրագործելի դարձնել մեծ պետութիւնների պահանջած բարենորոգումները... Բայց հասկանա՞մք իրար. ինչ որ արժանի է պարսաւանքի — դա ոչ թէ այն է, որ Եւրոպայի դիւանագէտները ուզեցին իրենց ձեռքն առնել մի խեղճ ու ջարդուած ժողովրդի դատ, այլ այն՝ որ նրանք այդ արին այնպիսի մի ձեւով, որ հայերը ստիպուեցին իրենց արիւնով վընարել նրանց քաղաքականութեան գինը»...

*Միջազգային իրաւունքի հեղինակաւոր փրոֆեսոր պէլճիքացի Ռոլէն-Ժակլէն իր մի աշխատութեան մէջ («Հայաստան, հայեր եւ դաշնա-*

գիրներ») դեռ 1887 թուին, երբ ոչ մի յեղափոխական շարժման մասին խօսք չկար Եւրոպայում, գրում էր.

«...Հայկական հարցը, շնորհիւ Պերլինի դաշնագրի ճիշտ յօդուածի՝ մտաւ միջագային դրական իրաւունքի շրջանը եւ մտաւ ոչ թէ դիւանագիտութեան քննադատումով, այլ իրրեւ նախընթաց փաստերի եւ դաշինքների տրամաբանական հետեւանք: Նոյն այդ տրամաբանութիւնը պահանջում է այժմ, որ ճիշտ յօդուածը գործադրուի: Եթէ այս պահանջը չիրագործուի, եթէ այս շատ ընդունակ ժողովուրդը, որ *ազգային դիտակցութիւն* ունի եւ որի իրաւունքները հանդիսաւոր կերպով արդէն ընդունուած են, առաջունան պէս անպատիժ հարստահարուի, *եթէ տաճիկ կառավարութիւնը չկամենայ կամ չկարողանայ կատարել իր խոստումները, իսկ Եւրոպան մոռանայ յիշեցնել նրան այդ մասին*, — այն ժամանակ հայկական հարցի հետ՝ առաջին յարմար առիթով կը պատահի նոյնը, ինչ որ պատահեց ռուսական, սերպիական, պուլկարական, ռուս-մէլական հարցերի հետ: Դա կը լինի մէկը այն *անակնկալներից*, որոնք սովորաբար առաջ են գալիս անհետատեւութեան շնորհիւ ինչպէս դիւանագիտութեան, այնպէս էլ բժշկականութեան մէջ: Նրանք նման են այն վառ ու *փոթորկալի տենդերին*, որոնք, — շնորհիւ այն բանի, որ

սկզբում անխնամ են վերաբերում, — յանկարծ բռնկում են լափող և մահաբեր արագութեամբ»:

\* \* \*

Դիմենք այժմ եզրակացութիւններին: Ամփոփելով այդ կարծիքները, մենք տեսնում ենք, որ Մակ-Կոլ, Պրայս եւ Տիլոն Անգլիայում, Գրին Ամերիկայում, Կամարովսկի Ռուսաստանում, Ժորէս Ֆրանսայում, Լեփսոս Գերմանիայում, Ռոյլն-ժակմէն Պելճիքայում — միաձայն պընդում են, որ հայկական կոտորածների բուն պատճառներն են մի կողմից՝ տանիկ կառավարութեան գիտակցօրէն ընդունած վճիռը՝ նուազեցրել հայերի թիւը Հայաստանում (*միանգամայն անկախ յեղափոխական շարժումներից*), եւ միւս կողմից՝ Եւրոպայի քաղաքականութիւնը Հայերի վերաբերմամբ:

Այո՛, այդ բոլոր հեղինակները ո՛չ միայն տարակուսանք չեն թողնում, որ սուլթանական կառավարութիւնը Հայերի ջնջման ձգտելու համար ունէր աւելի խորին շարժառիթներ, քան յեղափոխական ձեռնարկներն են, ինչպէս ենթադրում է ամբոխային տրամաբանութիւնը:

Ահա այդ շարժառիթները.

Առաջին. — Հաւասար եւ ազատ պայմաններում տաճիկները անկարող են մրցել Հայերի հետ, որոնք գերազանցում են նրանցից կուլտուրայով,

իրենց անելութեան ուժով եւ տնտեսական յա-  
ռաջդիմութեամբ :

Երկրորդ. — Հայերի մտաւոր-բարոյական վերածնութիւնը մի կողմից եւ տաճկական զար-  
հուրելի ուժիւմը միւս կողմից՝ անհրաժեշտօրէն  
ստեղծեցին հայկական շարժում, որի հետեւանքը  
եղաւ հայկական հարցը, իրրեւ Հայաստանի ինք-  
նավարութեան ծրագիր կամ առնուազն — պա-  
հանջ՝ բարենորոգումներ մտցնելու հայկական  
նահանգներում, որ ուրիշ ոչ մի կերպ չեն հաս-  
կանում տաճիկները, բայց եթէ Թուրքիայի ջլա-  
տում :

Երրորդ. — Հայկական նահանգները սահմա-  
նակից են Ռուսաստանին — տաճիկների համար  
այդ ամենավտանդաւոր թշնամու խոստացուած  
բարենորոգումները կարող են առիթ տալ ռուս-  
ների միջամտութեան, որ հաւասար կը լինի հայ-  
կական նահանգների զրաւման, մանաւանդ որ  
պատերազմի ժամանակ հայերը կարող են մեծ  
ծառայութիւններ մատուցանել ռուս զօրքերին :

Այդ մէկ: Իսկ ինչ վերաբերում է միւս հիմ-  
նական պատճառին — այն է՝ Եւրոպայի քաղա-  
քականութեան, — նոյն հեղինակները միեւնոյն  
ներդաշնակութեամբ պնդում են, որ Եւրոպան իր  
վրայ վերցնելով հայերի վիճակը բարուքելու  
պարտականութիւնը, դրանով Թուրքիայի ամ-



Ս. Օհանեան, Քրիստափոր, Զաւարեան եւ Ա. Թաղէոսեան

բողջութեան կամ դերիշխանութեան առաջ բացեց  
Երկիւղի մի մեծ դուռ, բայց միտածամանակ ոչ  
միայն որեւէ ազդու քայլ չարաւ յօդուտ հայերի,  
այլեւ շնորհիւ իր հոսմով, նախանձոտ ու ոճրա-  
գործ բնթացքին, միանդամայն ապահովեց Մեծ  
Մարդասպանին՝ իրազորեւելու հայկական կոտո-  
րածների զժոխային ծրագիրը:

\* \* \*

Եթէ մենք ճիշդ ամփոփեցինք օտար հեղի-  
նակների մատնացոյց արած պատճառները, ապա  
հարցնում ենք.— ի՞նչ մաս ունեն այդ պատճառ-  
ների մէջ հայ յեղափոխականները, որոնց մեղա-  
դրում է այսօր ամբոխային տրամաբանութիւնը:

Մի՞թէ նրանց քարոզների շնորհիւ էր, որ  
հայ ժողովուրդը սկսեց պերագանցել տաճիկներից  
իր աճելութեան ուժով, տնտեսական յառաջդի-  
մութեամբ, կուլտուրայով...

Մի՞թէ նրանք ստեղծեցին հայերի մէջ մտա-  
ւոր շարժում, առաջ բերին ազգային ինքնաճա-  
նաչութիւն, ազատեցին Պուլկարիան եւ հիմք դը-  
րեցին «հայկական հարցին»...

Մի՞թէ նրանք թշնամացրին Ռուսաստանը  
Թուրքիայի հետ կամ մօտեցրին դրանց սահման-  
ները, կայցնելով Փոքր Ասիան Կովկասին...

Մի՞թէ նրանք խրախուսեցին Եւրոպայի ան-  
տարբերութիւնը, շահասիրութիւնը, մարդակե-  
րութիւնը...

Կարծում ենք թոյլ կը տրուի մեզ պատասխանել՝ ո՛չ: Բայց այդ բառական չէ: Հայ յեղափոխականները ոչ միայն մաս չունին կոտորածների այդ իսկական պատճառներում, այլև — խորին համոզմունքով պնդում ենք — նրանք իրենք, ամբողջ հայ յեղափոխական շարժումը ոչ այլ ինչ է, եթէ ոչ նոյնպէս մի անհրաժեշտ բնական հետեւանք միեւնոյն տնտեսական, ու պատմական-քաղաքական պատճառների: )

## II

Բայց եթէ յեղափոխական շարժումը չի կարող պատճառ համարուել հայկական կոտորածների, նա դուրսէ այս կամ այն դէպքում ծառայել է իբրև առիթ, իբրև պատրուակ այդ կոտորածները սկսելուն: Ինչո՞ւ ուրեմն տալ առիթ կամ պատրուակ, կարող է ասել ընթերցողը, ինչպէս ասում են շատերը եւ դրանց թւում, — թէ եւ երբեմն շատ ծուռ ու մուռ ձեւերով, — նոյնիսկ մի քանի հայասէր երոպացիներ: Քընենք հարցը եւ այս տեսակէտից:

\* \* \*

Ով սովոր է հասարակական երեւոյթները բնական կանոնաւոր կերպով ընդհանրացնելու, ի հարկէ գիտէ, թէ որքան ուժեղ է իրերի ընդ-

հանուր հոսանքը պատմական առանձին դէպքերի, առանձին անցքերի դէմ. նա գիտէ, որ տարիներն ու տասնեակ տարիները, որոնք կարող են նշանակութիւն ունենալ անհատի կեանքում, պատմութեան մէջ մի-մի վայրկեաններ են լոկ, որոնց հիման վրայ գծուար է որեւէ զուշակութիւն անել. նա գիտէ, թէ ո՛րքան անիմաստ է ամբոխային տրամաբանութեան սովորական ընթացքը. — ամէն երեւոյթ դատել այն անմիջական սպաւորութիւնների համեմատ, որ ստանում է անհատը կեանքի այս կամ այն հարուածներից. նա գիտէ, ի՛նչ է նշանակում խօսել «առիթի» կամ «պատրուակի» մասին այնտեղ, ուր կան ներքին, հիմնական պատճառներ:

Ահա այդպէս վերաբերուելով կեանքի պատմական ելեւէջներին, մենք մեզ համար միանգամայն պարզ ենք համարում հետեւեալ չորս դրութիւնները.

1.— Երբ կան հիմնական պատճառներ ո՛րեւէ երեւոյթի առաջ գալու համար, առանց ակներեւ «առիթի» էլ երեւոյթը զարգանում է:

2.— Երբ չկան հիմնական պատճառներ, նոյնիսկ խոշոր դէպքերն էլ «առիթի» նշանակութիւն չեն ստանում:

3.— Երբ կան հիմնական պատճառներ, հարկաւոր դէպքում «առիթ» կամ «պատրուակ» երբեք չի պակասիլ:

4.— Երբ կան հիմնական պատճառներ, դր-

րանց դէմ կուսող բոլոր միջոցները ոչ միայն վրնասակար չեն կարող լինել, այլևս միանգամայն անհրաժեշտ հակակշիռ պիտի համարուեն:

Այս կէտերի համաձայն էլ մենք կը դասուորենք մեր ասելիքը:

\* \* \*

Բոլորիս յայտնի են այն կատաղի հալածանքները, որ վերջին տարիները ռուս կառավարութիւնը յարուցել է հայերի դէմ: Մեզ համար այդ ամէնը շատ հասկանալի է այն տեսակէտից, որ հայ տարրը վերջին ժամանակներս տնտեսապէս եւ մտաւորապէս ուժեղանում էր Կովկասում, իսկ ռուսական անընդունակ բիւրոկրատիան եթէ շատ բան էլ չի հասկանում, դոնէ այդքան հասկանում է, որ իր սեփական ուժը պահպանելու հիմնաքարը հպատակների թուլութիւնն է: Նոյն տեսակէտից մեզ համար միանգամայն պարզ են նաև հրեաների պարբերական ջարդերը հարաւային Ռուսաստանում եւ մի շարք ուրիշ երեւոյթներ: Բայց հարցնում ենք. ի՞նչը «առիթ» տուեց այդ բոլորին: Որ հրեաները իբրեւ մի ամբողջութիւն, ամէն բանով հետաքրքրուում են, բացի քաղաքական հարցերից, այդ յայտնի է ամբողջ աշխարհին: Որ հայերը Ռուսաստանում ամենախոնարհ կերպով համակերպում են կառավարութեան բոլոր հարուածներին, այդ եւս ստոյգ է.

ռուսաց կառավարութեան բոլոր խուզարկութիւններն ու ձերբակալումները, գաղտնի հսկողութիւններն ու բազմաթիւ քննութիւնները երբեք չկարողացան այդ կառավարութեան դէմ ո՛րեւէ ազդեցութիւն, ո՛րեւէ գաղտնի գործունէութեան հետքեր գտնել: Կարո՞ղ է միթէ խօսք լինել սրանից էլ աւելի «խոհեմութեան», «զղուշութեան», «չրժահայեցութեան» մասին: Եւ սակայն հայերին Կովկասում հալածում են, հալածում են անվերջ, ամենէն անսիրտ, ամենատրիւմար կերպով: Բայց երեւակայեցէ՛ք, ընթերցող, ի՞նչ կը լինէր, եթէ մէկը ձեզինից կովկասեան հայ դպրոցների առաջին փակման միջոցին, այսինքն 1885ին, չտանելով կառավարութեան բարբարոս կարգադրութիւնը՝ վճռէր ռուսահայերի մէջ այդ առթիւ առաջացած ընդհանուր դայրոյթի արտայայտութիւնը լինել եւ հայոց դպրոցներից մէկի կամ միւսի չէմքում տեղնուտեղը փոէր ռուս պաշտօնեաներից ոեւէ Կիրիլլովի կամ Պետրովի դիակը... Կարո՞ղ էր մի վայրկեան անգամ տարակուսել, որ այդ դէպքում յետագայ բոլոր հալածանքների «պատճառ», «առիթ», «պատրուակ» — ինչ կամենում էք — պիտի համարուէր այդ դիմադրութեան դէպքը: Եւ ո՞վ դիտէ, կը բաւականանա՞ր արդեօք ամբոխային տրամաբանութիւնը միմիայն Ռուսաստանով, թէ Լոփանովների քաղաքականութեան (հայոց հարցի վերաբերմամբ) սկզբնապատճառն էլ նոյն այդ «սոսկալի»



դէպքը պիտի համարէր... Նոյնը, ի հարկէ կը լինէր եւ հրեաների մէջ, եթէ այնտեղ էլ որեւէ հակակառավարչական գոյն ունեցող իրողութիւններ տեղի ունենային: Ահա ուրեմն հալածանքների եւ ջարդերի կենդանի օրինակներ, որոնց համար ի դուր կը լինէր որեւէ ակներեւ «առիթ» փնտռելը:

*Բայց անցնենք Թուրքիային:*

1880 թուի Սեպտեմբեր 11ին Բ. Դրանը ներկայացրած ընդհանուր մի ծանուցադրի մէջ վեց պետութիւնները, ի միջի այլոց, պնդում են.

«Հենց այն դարձումները, որոնցով Բ. Դուրը իրեն իրաւունք է համարում խօսել հայաբնակ նահանգներում կատարուած յանցանքների մասին, ապացուցանում են, որ Դուրը չի ընդունում այն անիշխանութիւնը, որ տիրում է այդ նահանգներում, ոչ էլ իրերի դրութեան լրջութիւնը, որը եթէ շարունակուի, հաւանօրէն պիտի առաջացնէ քրիստոնեաների ջնջումը այդ լայնատարած նահանգներում»:

Ռուս սպայակոյտի զննապետ Կարցով՝ ուսաց աշխարհազարական ընկերութեան յիշատակարաններում «Քրտեր» վերնազրով իր մի յօդուածի մէջ բերում է հետեւեալ փաստը.

1880 թուին վանում տեղի ունեցաւ ֆիւրսցեղապետների մի համագումար (գլխաւոր խորհուրդը իսկապէս կայանում է Շամդիմանում): Ասում են, որ տանիկները գաղտնի առաջարկեցին նրանց՝ վերջնականապէս ոչնչացնել Քիւրտիստանում (?) դեռ եւս մնացած հայերին: Ոչ մի անկարելի բան չկայ այսպիսի մի առաջարկութեան մէջ, եթէ ի նկատի առնենք, որ այն ժամանակ նոր էր հրատարակուած հայերին ինքնավարութիւն խոստացող Յուրդ յօդուածը: Զնայելով իրենց ատելութեան եւ արհամարհանքին դէպի հայերը, ֆիւրտերը սակայն չընդունեցին այդ առաջարկը, ինչպէս պատմում են, այն պատճառով, որ պետերից մէկը նկատեց. «Երբ մենք կը ջնջենք հայերին՝ տանիկները մեզ վրայ կը յարձակուեն»:

Փաստը միանգամայն ճիշդ է եւ իր ժամանակին 900 հայեր վանում ընդհանուր ստորագրութեամբ բողոքեցին կառավարութեան այդ ծրագրի դէմ: Բայց, ինչպէս տեսնում է ընթերցողը՝ թէ վեց պետութիւնների հաւաքական ծանուցադիրը, որ նախատեսում էր հայերի ջնջումը առանց սակայն կանգ առնելու համար հարկաւոր որեւէ «առիթի» վրայ եւ թէ հայերին ջնջելու ծրագիրը ու դրա իրագործման համարձակ փորձերը տեղի են ունեցել մի այնպիսի ժամանակ, երբ, որքան մեզ յայտնի է, հրապարակի

վրայ գոյութիւն չունէր ո՛չ մի հայկական յեղափոխական կազմակերպութիւն :

Ո՞ւր մնացին ուրեմն յանցապարտ «առիթները»...

\* \* \*

Անցնենք մեր վերը բերած չորս դրութիւններէց երկրորդին :

Գաղտնիք չէ, որ թուրք ազդարնակութիւնը Կովկասում մի օրրան է ամենասոսկալի աւելակութիւնների, որ թուրք աւաղակների անթիւ խմբերը Կովկասի մէջ կազմում են երկրորդ կառավարութիւն, որ նրանք երբեք չեն խնայում ոռու ոստիկանութեան ներկայացուցիչներին՝ աջ ու ձախ գնդակահարելով նրանց, եւ մինչեւ իսկ փորձեր են արել զերի վերցնելու դաւառապետներ եւ նոյնիսկ նահանգապետ : Յայտնի է նոյնպէս, որ նոյն ոռու կառավարութիւնը կովկասեան ազգերից թուրքերին սիրում է բոլորից աւելի : Չարմանալի չէ՞ : Թուրքերը երկիրը անիշխանութեան են մատնում, կոտորում են իրենց հետեւից գնացող մանր ու խոշոր պաշտօնեաներին, ամէն տեղ իրենց հայրենակիցների մօտ դանում են ապաստան եւ պաշտպանութիւն, սպառնում են մի ղեղեցիկ օր երկիրը թողնել առանց կառավարիչների, բայց եւ այնպէս ոռուները այսօր հոգեզմայլ քնքշութիւն են տածում դէպի թուրքե-

րը, փոխանակ... փոխանակ նրանց ջարդելու, ինչպէս պիտի հետեւէր ամբոխային սովորական աշխարհահայեացքից : Նոյն երեւոյթը տեղի ունի Տաճկաստանում, քրտերի վերարեմամբ : Շատ տեղ եւ շատ վաղուց քիւրտ աշիրէթները թշնամական, անկախ դիրք են բռնել տաճիկ կառավարութեան դէմ . բայց այն օրից, երբ վերջինս համոզուեց, որ քրտական ցեղերը իրենց ներկայ վիճակում եւ սեփական ուժերով միայն՝ անկարող են «Քիւրտխտանը» վերականգնել, նա ո՛չ միայն այլեւս չի հալածում քրտերին, այլ, ինչպէս գիտեն, նրանց վրայ է հիմնում հարկաւոր դէպքերում իր ուժը : Ի՞նչ եղրակացութիւն կարող ենք հանել այս երեւոյթներից . — այն, որ քանի դեռ թուրքերն ու քիւրտերը Կովկասում եւ Տաճկաստանում գտնուում են իրենց այժմեան տնտեսական դրութեան եւ կատարեալ տգիտութեան մէջ, նրանց ներում են եւ դեռ շատ երկար ժամանակ պիտի ներուլին հազար ու մի տեսակ «առիթները»...

\* \* \*

Հարտ Ստրաստֆորտ դը Ռետֆլիֆ, որ համարում է Տաճկաստանի լաւ բարեկամներից մէկը, իր «Արեւելեան խնդիրը» վերնագրով աշխատութեան մէջ ասում է .

«Տաճկաստանը թոյլ է, մոլեռանդ եւ վատ է կառավարում... Արեւելեան հարցը մի փաստ է, մի իրականութիւն, որ ձգձգում է անվերջ... Դա մի հրաքուիս է... որի ժայթքումները կրկնուում են յաճախ, բայց այդ ժայթքումների առիթները անորոշ են եւ ազդեցութիւնը՝ աներիչ... Միթէ 1860 թուին Սուրիայում տեղի ունեցած կոտորածը մեզ համար անապասելի չէ՞ր... Ունե՞նք արդեօք որեւէ լուրջ հաւաստիք, որ չեն կրկնուելու միեւնոյն սարսափները, միեւնոյն անխուսափելիութիւնը եւ նոյնամանի դէպքերը... Տաճկական կայսրութեան արդի դրութիւնը որոշում է նրա դէպի կատարեալ անգորութիւն տանող բնական ընթացքով... Մենք չգիտենք, արդեօք շուտով եւ ո՞րտեղ կրկին կը ժողովեն անգղներին նոր կոտորածները կամ խռովութիւնները»:

«Ժայթքումները կրկնուում են յաճախ», «առիթները անորոշ են», «զէպքերը անապասելի», ասում է Ստրատֆորտ ու անցնում, որովհետեւ այդ ամէնը բխում է Տաճկաստանի դրութեան «բնական ընթացքից», որովհետեւ երբ մի պետութեան կեանքում գոյութիւն ունեն որոշ հիմնական պայմաններ, նրանք անդառնալի կերպով այսօր թէ վաղը պիտի առաջացնեն նաեւ իրենց ճակատադրական հետեւանքները բոլոր հարկա-

ւոր ու ոչ հարկաւոր, բոլոր որոշ ու անորոշ «առիթ-պատրուակներով» հանդերձ:

Եւ իրա՛ւ: Մենք արդէն տեսանք, որ սուլթան Ապտիւլ Համիտ իր հայաջինջ ծրագիրը գործադրելու համար ջանքեր էր անում դեռ 1880 թուին, երբ ըստ երեւոյթին հայերի կողմից «առիթներ» չէին տրուած: Բայց մի՞թէ, եթէ այդ էլ չգիտենայինք, երբեւիցէ տաճիկ կառավարութեան համար պիտի պակասէին «առիթ-պատրուակները»:

1880 թուի Մայիսին, հիւպատոս Էլեքստ հեռագրում էր անգլիական կառավարութեան.

«Եթէ մի տարի առաջ (1879) չկար ոչ կեանքի, ոչ գոյքի ապահովութիւն, այժմ այդպիսի ապահովութիւն անելի քիչ կայ: Եթէ առաջները ազատութիւն կար, այժմ անելի է. արդարադատութեան նշոյլ անգամ չկայ, իսկ յանցանքները, կաշառակերութիւնը եւ բռնութիւնները անելացել են... Ամբողջ ազգաբնակչութիւնը կատարեալ յուսահատութեան մէջ է եւ այժմ անելի յաճախ, քան առաջ, վրդովիչ փաստերը առաջ են բերում անկարգութիւններ եւ տեղական խռովութիւններ, մինչեւ անգամ առանց մասնաւոր փոխադարձ համաձայնութեան եւ նախամտածութեան խեղճ ռայաների կողմից, որոնք համբերութեամբ տանում էին բազմադարեան բռնութեան նշումը»:

Ընթերցողին խնդրում ենք ուշադրութիւն դարձնել այս «առանց փոխադարձ համաձայնութեան եւ նախամտածութեան» դեռ 1880ին տալիս ջացող «տեղական անկարգութիւնների եւ խռովութիւնների» վրայ. հրաւիրում ենք նրան ծանօթանալ հիւպատոս Կլէյտոնի մի հեռագրի հետ, ուր նա նկարագրում է մի ինչ որ պինպաչու հարստահարութիւնների պատճառով ծագած այդ տեսակ խռովութիւններից մէկը (Կապոյտ գիրք, 1881). յիշեցնում ենք նրան, որ Տաճկաստանում լապտերներով պէտք չէ փնտռել «վրդովիչ փաստեր». առաջարկում ենք մտաբերել 1880ի վանի բողոքագիրը. խնդրում ենք ի նկատի առնել, որ հայ ժողովուրդը այնքան ստորնացած չէր, որ միշտ լռութեամբ տանէր իր դժոխային դրութեան ամբողջ ծանրութիւնը, — եւ այս բոլորից յետոյ կրկնում ենք մեր հարցը. — մի՞թէ իրաւ որ հայկական հալածանքների համար «առիթներ» պիտի պահասէին Հայաստանում, եթէ յեղափոխական կազմակերպութիւնների գործունէութիւնը չլինէր:

Վերջապէս, հայկական անօրինակ աղէտների համար անպատճառ «առիթներ» որոնողներին կ'առաջարկէինք փոքր ինչ կանգ առնել նաեւ ուրիշ կարգի մի շարք երեւոյթների վրայ, որոնք հայ ժողովրդի թոյլ ցնցումների դիմաց, զուցէ աւելի մեծ, աւելի նշանաւոր «առիթներ» համարուեն:

Այդպէս՝ հայկական հարցով հետաքրքրուող բոլոր հեղինակները պնդում են, թէ տաճիկ կառավարութիւնը շատ լաւ պիտէր, որ հայ ժողովուրդը ապստամբութեան համար չունի «ոչ փող, ոչ զէնք», եւ այդ պատճառով հայերի յեղափոխական ձգտումներից նա երբեք երկիւղ չունէր: Հայկական հարցը վտանգաւոր էր Տաճկաստանի համար, — ասում են միեւնոյն հեղինակները, — այն տեսակէտից, որ խնդրի հետ կապուած էր երոպպական միջամտութիւն — մի հանդամանք, որ միշտ սոսկում է ազդել թուրքերի վրայ: Եթէ մի բոպէ ընդունենք այդ տեսակէտը, այն ժամանակ պէտք է ընդունենք նաեւ, որ հայ յեղափոխական ձեռնարկների հետ չեն կարող համեմատուել իրենց զրգոյն ազդեցութեամբ ոչ 1879 թուին Անգլիայում ծագած ծովային ցոյց անելու միտքը, ոչ մեծ պետութիւնների բազմաթիւ անգամ կրկնած պահանջները, ոչ Սասունի քննիչ յանձնաժողովը, ոչ բարենորոգումների ծրագիրը եւ ոչ էլ նոյնիսկ Մեծ Ծերունու շանթող լեզուն, որի ուժը սուլթան Համիտ զգացել էր դեռ 1876 թուին:

Ահա թէ ինչ են ասում այդ կարգի երեւոյթների մասին մի քանի հեղինակներ: Դուրսը Լեփսիուսի գրքում կարդում ենք.

«Հայ ազգաբնակչութեան ջնջման այդ ծրագիրը արդէն տարիներից ի վեր պատրաստուած էր:

Եւ այդ ջնջման գործը կատարելու համար նշանակուած գործի՛քները խորի՛ն լռութեան մէջ աշխատում էին, երբ Դուռը հարկադրուեց՝ Հայաստանի մէջ բարեկորոզումներ մտցնելու ստիպողական պահանջի պատճառով՝ արագացնել այդ շարժումը։ Այն ժամանակ նա որոշեց, ամբողջ Եւրոպան իր դէմ ուժի հանելու վտանգի տակ՝ մէկ հարուածով բնաջիւնջ անել հայ ազգը եւ վերջ դնել այդ ատելի ֆրիստոնէութեան, որ անդադար Եւրոպայի համակրութիւններն էր զրկում։ Ջարդերը կատարուեցին մի յայտազրի համաձայն, որի մէջ տեղերը, վայրկեանը, զոհերի զոհութիւնը եւ մինչեւ անգամ սպանութիւնների ու թալանի եղանակը նախատեսնուած էին»։

*Նոյն հեղինակը մի ուրիշ տեղ.*

«Մի բարձր թուրք պաշտօնեայ՝ խօսելով հայկական հարցի մասին՝ հետեւեալ կարծիքն է յայտնել. «Մի՛ խարուի՛ք կառավարութեան այն անմիտ տեղեկագիրներով, որոնք նիզ են քափում՝ կոտորածների մեղքը հայերի վրայ ձգելու։ Կառավարութիւնը հայերին պատժելու համար մի նախագծած ծրագիր ունէր. սուրբանը գայրացած էր, որ իրեն ստիպում էին բարենորոգումներ տալու եւ դրա համար բարեկորոզումների ծրագիրը ստորագրուելուց յետոյ նա հրաման տուեց ջարդել հայերին՝ իր զօրութիւնը ցոյց տալու համար»։

*Ականջ դնենք եւ Տիւրնին.*

«Անկողմնակալ դիտողը, որ ծանօթ է Տանկաստանի եւ նրա բնակիչների սուկալի դուրքեանը... համարձակ պիտի պնդէր, որ հրապարակային ժողովների մէջ համակրութեան արտայայտութիւնները, որոնց հետեւում է կատարեալ անգործութիւն, ոչ միայն անելի վատ են, քան իրական օգնութիւնը, այլ դրականապէս վնասակար են... Աւելի լաւ չէ՞ր՝ լռելիք բոլորովին Սասունի կոտորածների առթիւ եւ աչքներս փակելի՛ք մահու սարսափների առաջ, քան կատարութեան չափ գրգռելի՛ք տանկին (քննիչ մասնաժողով ուղարկելով) եւ ապա թողնելի՛ք նրան կատարելապէս ազատ՝ իր չարութիւնը ֆրիստոնեաների գլխին թափելու»։

*Ահա թէ ինչ է ասում եւ պրն. Լաուէր՝ ամերիկացի միսիոնար Գրինի զրբի առաջարկում.*

«Իմ համոզումնքն է, որ այդպիսի փոփոխութիւններ (բարեփոխում Տանկաստանի) ներկայումս կարող են ձեռք բերուել, եթէ քաղաքակիրթ աշխարհում արդէն առաջ եկած հետաքրքրութիւնը արտայայտուի խելացի եւ վճռական գործողութեամբ։ Յոյսս դրած այդպիսի զործութեան վրայ, եւ հրատարակում եմ այս փոքրիկ զիբը։ Եթէ իմ յայտը չարդարանայ, ապա

այս զիրքը, — ինչպէս եւ տաճկական տիրապետութեան զոհերի օգտին տեղի ունեցող ամբողջ ազգիտացիան, — միայն աւելի կը սաստկացնի ճնշումը»:

Տեղը չէ, ի հարկէ, այստեղ ասելու, թէ որքան իրաւացի է՝ Գրիչի զրքի հրատարակութիւնը «խելացի եւ վճռական գործողութեան» համար աւելի նպաստաւոր հանգամանք նկատել, քան հայ յեղափոխականը կարող էր համարել իր ուումը, որով նա որսուում էր Թուրքիայի սրտում. փաստերը արդէն կատարուել են. զիրքը հրատարակուել է, ուումըն էլ պայթել — երկուսն էլ «յոյսները դրած քաղաքակիրթ աշխարհի խելացի եւ վճռական գործողութեան վրայ»... Տեղը չէ նաեւ քննել, թէ ո՞ր չափով արդար է Տիւրնը, «յնասակար» գտնելով Անգլիայի միջամտութեան փորձերը: Մեզ համար հետաքրքիրն այն է, որ հետեւելով այդ հեղինակներին, մենք պիտի համարենք սուլթանին զրդուելու մի մի խոշոր «առիթներ» նաեւ բարենորոգումների ծրագիրը, դեսպանների դիմումները, փարլամենտական հարցապնդումները, Սասունի քննիչ մասնաժողովը, հայոց դատին նուէրուած բոլոր համակրական միթիւնները, հրատարակութիւնները եւայլն եւայլն: Գուցէ, այդ այդպէս էլ է, — մենք չզիտենք, բայց եւ այնպէս փաստն այն է, — որ մենք դեռ չենք պատահել մի հայի, որ չուզենար



Ռուբէն Զարգարեան,  
Քրիստափոր Միքայէլեան, Է. Ակնունի

հայկական հարցը միշտ յուզուած տեսնել Եւրոպայի մէջ, մենք դեռ չենք լսել եւ ոչ մի ձայն, որ ուղղուած լինէր մեր անբախտ ժողովրդի վիճակին արձագանգ տուող որեւէ քայլի դէմ, որ անհասարակագրար արել են օտարները: Եւ ո՞ւմ բերանը կը բացուէր այդպիսի մի դատապարտութեան համար: Սակայն տեսնո՞ւմ էք, որ շատ յարգելի անձնաւորութիւնների կարծիքով, այդ բոլորը նոյնպէս կարող էր «առիթ» ծառայել... Այո՛, ընթերցող, երբ կան հիմնական պատճառներ, խնդրի հետ կապուած ամէն մի երեւոյթ ինքնըստինքեան «առիթ» կամ «պատրուակ» կարող է համարուել, եւ դրանով չէ, որ չափոււմ է երեւոյթի նշանակութիւնը:

Դա լոկ մեր տեսակէտը չէ, այլ պատմական մի ճշմարտութիւն:

### III

Մենք արդէն ցոյց տուինք հայկական ազատների հիմնական պատճառները եւ այսպէս կոչուած առիթ կամ պատրուակների դերը այդ ազատների մէջ: Ժխտելով միանգամայն, թէ հայ յեղափոխական շարժումը մեր անհամար կուստների հիմնական պատճառների շարքում որեւէ տեղ է բռնում, մենք ցոյց տուինք նաեւ, որ այդ շարժումը նոյնիսկ առիթ կամ պատրուակ

համարուել կարող է միմիայն սահմանափակ, պայմանական մտքով — նոյնչափ, որչափ առհասարակ հայ ժողովրդի աղատութեան խնդրի հետ կապ ունեցող ամէն մի, թէկուզ շատ ցանկալի, թէկուզ բոլորից ջատագովուող երեւոյթ:

Այդպիսով պարզուում է մեզ համար, որ այն բոլոր դանդառները, որոնք այսօր ծանրանում են յեղափոխական շարժման կամ ձեռնարկները վերայ, — իրրեւ կոտորածների պատճառ կամ առիթ, — իսկապէս ոչ այլ ինչ են, եթէ ոչ ամբոխային տրամաբանութեանը յատուկ խառնիճաղանճ ճիշեր, որոնք անխուսափելի են դառնում, երբ մարդիկ կամ անընդունակ են բմբռնելու այդ շարժման ամբողջ նպատակայարմարութիւնը եւ կամ զազափար չունեն նրա զարգացման համար անհրաժեշտ պայմանների մասին: Հազար ու մի տեսակ ձեռնպահութիւններ, պայմանական համաձայնութիւններ, «թէեւ» ու «բայց»երի հետ համեմուած համակրութիւններ կամ հակակրութիւններ. դրանք բոլորը խղճուկ մտքի արտայայտութիւններ են, որոնց տակ թաղնում է կամ փափուկ կեանքի սիրահար հակայեղափոխականի դժգոյն ու անտարբեր դէմքը կամ թէ եսամօլ իմաստակի աղքատիկ հոգին: Հարցերը ուրեմն այդպէս էլ դնենք, այսինքն՝ տեսնենք.

1. Որքա՞ն անխուսափելի, որքա՞ն բնական և միաժամանակ որքա՞ն ցանկալի էր հայ յեղափոխական շարժումը, եւ

2. Որքա՞ն նպատակայարմար էր նրա գործնական ընթացքը կամ ուրիշ խօսքով՝ նրա ընդունած տակտիկան, անմիջական կուռում:

\* \* \*

Սկսենք առաջին կէտից:

Տաճկական կեանքի ի սպառ անբարոյականացած, անսահման տղէտ ու մոլեռանդ մթնոլորտը կապուած այն ընդհանուր ատելութեան եւ մշտական վտանգի զգացմունքների հետ, որոնք միշտ դեր են խաղացել տիրող տաճիկների եւ հրպատակ քրիստոնեաների յարաբերութիւններում, վաղուց դրել էր Թուրքիայի քրիստոնեայ ժողովուրդներին այնպիսի հակակուլտուրական պայմանների մէջ, ուր ամենավայրենի հալածանքներ, անօրինակ հարստահարութիւններ, ստրկական իրաւազրկութիւն, կատարեալ անապահովութիւն, աղքատութիւն, պանդխտութիւն եւ այլն դարձել էին մշտնջենական երեւոյթներ նրանց կեանքում: Եւրոպական պետութիւնների աչքածակութիւնը դէպի քայքայուող Թուրքիան լրացնում էր երկրի խառն, անապահով, տաղնապալից ներքին կեանքը. եւ ահա տաճկահպատակ քրիստոնեաների համար ստեղծուել էր իրերի մի դրութիւն, որի ճնշման տակ նրանք օրէցօր, փամէ-փամ բարոյապէս աւելի եւ աւելի պիտի ընկնէին, սնտեսապէս թշուառութեան հասնէին,



մտաւորապէս յետադիմէին, քաղաքականապէս ջնջման սիստեմի մշտական առարկայ լինէին:

Այդ էր պատճառը, որ տաճկական բռնութեան տակ հեծող Յունաստանը յուզուեմ էր դեռ 18րդ դարից սկսած. այդ էր պատճառը, որ Կրետէ, Լիբանան, Սերպիա, Չերնոգորիա, Ռումանիա, Պոսնիա, Հերցեգովինա, Պուլկարիա, կռուելով, ոմանք հարիւր տարուց աւելի, ոմանք պակաս, իրենց մեծաքանակ զոհերի դնով միանգամայն ապացուցեցին, թէ որքան անտանելի էր տաճկական լուծը «խաղաղ» կեանքով ապրելու համար: Նոյն պատճառն էր, որ դեռ 1774 թուին, ուսաց կայսրուհի Եկատերինա Բ.ի օրով՝ Քիւչիք-Քայնարճիի դաշնագիրը դրեց տաճկահպատակ սլաւոններին ուսաց կառավարութեան պաշտպանութեան տակ: Նոյն այդ պատճառովն էր, որ դեռ 1815 թուին ուս կառավարութեան մի ծանուցադիր եւրոպական պետութիւններին՝ առաջարկում էր Եւրոպայի ընդհանուր հովանաւորութեան տակ զնել տաճկահպատակ քրիստոնեաներին: Նոյն այդ պատճառովն էր, որ Անգլիա, Ճրանսա, Աւստրիա եւ Փրուսիա 1854 Ապրիլ 9/21ին հաւաքական արձանագրութեամբ պահանջում էին «տաճկահպատակ քրիստոնեաների քաղաքական եւ կրօնական իրաւունքների ապահովում» — մի պահանջ, որ քիչ յետոյ, 1856 թուի Մարտ 30ին, Փարիզի դաշնագրում Զրդ յօդուածը դարձաւ, իսկ 1860 թուի Օդոստոսի

Յին իրաւունք տուեց Աւստրիային, Փրուսիային եւ Ռուսաստանին՝ կրկին առանձին արձանագրութեամբ, պարտաւորել Տաճկաստանին՝ «ընդունելու լուրջ վարչական միջոցներ՝ օսմանեան կայսրութեան ամէն դաւանութեան քրիստոնեաների կացութիւնը բարելաւելու համար»: Եւ այդպէս շարունակ՝ մինչեւ աւստրիական մինիստր կոմս Բէյտի առաջարկութիւնը 1867 թուին, — բոլոր տաճկահպատակ քրիստոնեաներին տալ սահմանագրութիւն, — եւ վերջապէս մինչեւ Պերլինի դաշնագիրը:

Նիւթի հանրաժանօթ լինելը ստիպում է մեզ շժանրանալ յատկապէս հայ ժողովրդի նախայեղափոխական «երջանիկ» դրութեան նկարագրութեան վրայ:

Հարիւր հազարաւորների գաղթումներ, սկըսած 18րդ դարից, բռնի գաղթականութիւն ուսաց սահմանակից նահանգներից դէպի Տաճկաստանի խորքերը (Սերգէյ Գլինկա — «Հայերի գաղթականութիւնները»): Հարիւրաւոր զիւղերի ու վանքերի հողերի յափշտակում (1872 եւ 1876 թուի պատրիարքական տեղեկագիրներ): Հարիւրաւոր ուրիշ զիւղերի կատարեալ աւերում (Կապոյտ զիւրք, 1880 թ.) մասնակի կոտորածներ եւ հայերի ջնջման բացայայտ ծրագիր (Բայազետ 1877 թ., Չէյթուն ու Քեամիլ փաշա 1879 թ. եւայլն): բազմաթիւ գաւառների բռնի իսլամացում (մանաւանդ Կարինի եւ Տրապիզոնի նա-

հանդներում) . կամաւոր կրօնափոխութիւն դէպի կաթոլիկութիւն ու բողոքականութիւն՝ նիւթական նպաստներ կամ օտար պետութիւնների հովանաւորութիւն ձեռք բերելու ակնկալութեամբ (ամբողջ թուրքաց Հայաստանը) . պարբերական սով տասնեակ հազարաւոր զոհերով (1880 թ.) հարիւր հազարաւոր շերքէզների, տաճիկների, լազերի, քրտերի եւ թարաքամանների Հայաստան եւ Փոքր Ասիա տեղափոխելը — ահա նախաշնորհափոխական «երջանիկ» դրութեան մեծաքանակ «բարիքները», ահա այդ դժոխային դրութեան սոսկալի արտայայտութիւնները: Եւ այս բոլորի հետ ընթանում էր հայ ժողովրդի առօրեայ կեանքը — մշտական երկիւղի, անպատուութեան ու անվերջ զրկանքների այդ դժբախտ առարկան:

Բայց տեղ տանք օտար հեղինակների մի քանի ընդհանուր դիտողութիւններին եւս:

«Դեռ 1855 թուին, — ասում է Պրայս, — գործը Ֆ. Վիլիելմ գրում էր, որ հայկական նահանգները ըստ ամենայնի տառապում են սիստեմական անարգ հարտահարութիւնների տակ, եւ բնորոշում էր թուրք կառավարութիւնը իբրեւ բռնակալութեան մի այնպիսի մեքենայ, որ իր նմանը չունի ամբողջ աշխարհում»:

Իրլանտացի դոկտոր Ռայտ, Սուրիայում երիցական առաքելութեան մեծաւորը, 1877 թուին

իր հրատարակած մի գրքում ի միջի այլոց ասում է .

«Տանիկները աւերմունք են գործում ոչ միայն վայրագ կատաղութեամբ, այլեւ կատարեալ սառնասրտութեամբ եւ միանգամայն համաձայն իրենց իրաւագիտութեան, օրէնսդրութեան ու հւատին... թուրք կայսրութեան մէջ հազիւ թէ գտնուի մի գիւղ, որ չունենայ իր գարիուրելի յիշողութիւնները, այնքան գարիուրելի, որ անկարելի է մտածել կամ խօսել նրանց մասին»:

Կոտորածները, գրում է Տիլոն, «երկնքի ողորմութիւն են», համեմատած հայերի «ամէնօրեայ» դժոխային դրութեան հետ»:

«Երդմամբ հուատացնում ենք ձեզ, — գրում են խնուցի հայերի 36 ներկայացուցիչները անգլիական ազգին ուղղած խնդրագրում, — որ Սասունի մէջ տեղի ունեցած կատարածը միմիայն մի կաթիլ է հայկական արեան ովկիանոսում, որ հետզհետէ եւ լռելեայն քափուում է ամբողջ օսմանեան կայսրութեան մէջ...»

Կրկին յիշեցնելով, որ Ռուլէն Ժակմէ հրատարակել է իր գիրքը Հայաստանի ազէտներից շատ առաջ, բերում ենք նրանից հետեւեալ տղերը .

«Չի կարելի երեւակայել աւելի սարսափելի դրութիւն, քան թշուառ, ստրկացած, անպատուած եւ կեղեքուած հայ ժողովրդի դրութիւնը... Ամէն տեղ, ամէն քայլափոխում աւերման ու բռնակալութեան ոգին արտայայտուում է հազարաւոր ձեւերով եւ եթէ մեր արեւմտեան նոյնիսկ ամենահամբերատար ժողովուրդներից մէկին վիճակուէր ենթարկուել այդ աղէտներին, թէկուզ միայն մի օրուան ընթացքում, իսկայն դուրս կը թռչէր նրա կրծքից զայրոյթի ազազակ... եւայլն եւայլն»:

Այսպէս են խօսում նախայեղափոխական «երջանիկ» շրջանի մասին փաստերը, այսպէս է խօսում կեանքը, այսպէս են վկայում թուրքաց Հայաստանի կեանքին ծանօթ մարդկանց հարիւրից իննսուն իննը:

Բայց ի՞նչ է ասում մեզ այս բոլորը: Միակ եղրակացութիւնը, որ մենք կարող ենք անել, այդ այն է, որ հայկական կեանքը վաղուց եկել, կանգ էր առել մի խոշոր տիլեմայի առաջ — կամ անպայման բնաջնջում իբրեւ մի ամբողջութիւն, իբրեւ մի ազգութիւն, իբրեւ մի հայրենիքի տէր ժողովուրդ, կամ թէ դիմադրութիւն՝ կեանք, պատիւ, ստացուածք, տուն, հայրենիք, ամէն ինչ բռնարարող ուժի դէմ: Միջին ուղիների սիրահարները, ինչպէս վայել է իրենց, ի հարկէ, այստեղ էլ գտնում էին մի երրորդ ելք, կար-

ծելով, թէ հայ ժողովուրդը իր կուլտուրական հակումների շնորհիւ յաղթող պիտի հանդիսանայ իրեն շրջապատող տխուր մթնոլորտում, առանց գէնքի դիմելու եւ դրանով պիտի աւետէ արարաշխարհին մի նոր սկզբունք, որ մարդկային պատմութիւնը իր ամբողջ տարածութեան վրայ միշտ անտես է արել — այն է, որ կարելի է ազատութիւն ձեռք բերել լոկ «քաղաքակրթական խաղաղ պատերազմով»:

Սակայն օրէցօր աւելի եւ աւելի ծանրացող դառն իրականութիւնը մի կողմից՝ եւ միւս կողմից այդ սոսկալի դրութեան գիտակցութիւնը հայ հասարակութեան այն մասերում, որոնց սթափեցրել էր մեր մտաւոր շարժումը, հետզհետէ զալիս էին համոզելու հայերին, որ նրանք լաւ կ'անեն, եթէ առայժմ հրաժարուեն այդպիսի մի մեծ ծառայութիւնից յօգուտ ընդհանուր մարդկութեան, եւ որ ընդհանրութեան մեծ ծառայութիւններ մատուցանելու համար հարկաւոր է նախ պաշտպանել եւ ապահովել սեփական գոյութիւնը: Եւ երբ դրութիւնը ստանում է այդպիսի սուր կերպարանք, երբ պարզուում է, որ իրերի ընթացքը ինքնըստինքեան դէպի կորուստ է տանում, բնական չէ՞ արդեօք, որ մի ժողովուրդ այդպիսի հանգամանքներում ընտրի այն, թէեւ վտանգաւոր, բայց եւ յուսատու ուղին, որ զոհերի հետ միասին խոստանում է նաեւ որեւէ ապագայ: Առաջին դէպքում անխուսափելի է անպատիւ, տը-

մարզի, ժողովրդի անհուն ստորնութիւնը ապացուցանող անպայման կորուստ. երկրորդը միայն մի վեհ, մի փայլուն, մի սրբազան Ռիսֆ է պայմանական յաջողութեամբ: Ապահով եւ պատուաւոր կեանքի հօր բնազդը՝ այն յաւիտենական, հրաշագործ բնազդը, որով ապրում ու գործում են ժողովուրդները, թէեւ շատ թուլացած, բայց բարեբախտաբար դեռ ի սպառ չէր բթացած հայ ժողովրդի որոշ տարրերի մէջ եւ միմիայն այդ բնազդը բաւական էր արդէն մահարեք տիլեմայի դիմաց՝ ինքնապաշտպանութեան բոլոր զգացմունքները նրանց մէջ լարելու համար: Բայց մենք ունեցանք եւ մի ուրիշ գորեղ նպաստաւոր հանդամանք, որը վերջապէս պիտի որոշէր, արագացնէր հայութեան ելքը այդ տատանման շրջանից: Այդպիսի մի հանդամանք եղաւ Պերլինի դաշնադիրը իր ճշգրտ յօդուածով: Եթէ մինչեւ այդ յօդուածը՝ ջնջման հեռանկարից խուսափել ուղենալով, ջլատուած, տկարացած, եւ իր տըխուր անցեալի բաղմաթիւ բացասական հետքերը կրող հայը՝ կարող էր նաեւ վախենալ Ռիսֆի վրտանդից, — այդ յօդուածով հայութիւնը իրեն արդէն դաշնակից է տեսնում եւրոպական ամբողջ վեց պետութիւններ, եւ յաջողութեան պայմանական յոյսերը ուղղակի հաւատի պիտի փոխարկուէին: «Je m'insurge, donc je suis», գոռում էր Եւրոպան եւ հայերին թիկունք կանգնում: Տատանումը այլեւս անկարելի էր, — եւ ահա ժողո-

վրդի սրտից պայթում է յեղափոխական շարժումը, իր հոսանքի մէջ ընդգրկելով ժողովրդական հերոսների եւ զրական դործիչների մի ամբողջ շղթայ Մայր Երկրում եւ Եւրոպայում:

Հարցնում ենք ուրեմն, բնական էր, ցանկալի՞ էր վերջապէս հայկական յեղափոխական շարժումը, թէ ոչ: Արդեօք յեղափոխական հոսանքը ինքը հարապատ եւ միակ յուսատու դաւա՞կն էր իրական կեանքի, թէ նրա վրայ արուած արհեստական մի պատուաստ:

Եւ ընդհակառակն՝ եթէ կայ մի բան, որի մասին կարելի է աստուալ, արդեօք այն չէ՞, որ շատ ուշ ստեղծուեց այդ շարժումը մեր մէջ եւ որ դեռ մինչ օրս էլ մենք շատ թոյլ ենք այդ միակ յուսատու ճանապարհի վրայ: Գոնէ օտարները եւ նոյնիսկ տաճիկ կառավարութիւնը շատ բնորոշ են խօսում այդ մասին:

Մենք արդէն վերը ցոյց տուինք, որ օտար հեղինակներից ոմանք «հայ յեղափոխական դադափարը» ուղղակի անուանում են «սարսափելի կացութեան հետեանք»:

Բայց լսենք էլի մի քանիսներին եւ ամենից առաջ՝ հեղինակաւոր Թուրք կառավարութեան:

1839 թուին սուլթան Ապտիւլ Մեճիտի ստորագրութեամբ հրատարակուած «Թանդիմաթը» հռչակում էր.

«Ոչ ոք, որքան էլ ի բնէ խաղաղասէր լինի,

չի կարող չդիմել բռնի միջոցների, երբ վտանգ-  
ւում են նրա կեանքն ու պատիւը»:

*Հռչակաւոր կանոնիկոս Մակ-Կոլ.*

«Ես իսկոյն կը նկարագրեմ հայերի ջնջման  
այդ դիւային ծրագրի զարգացումը: Իսկ այժմ  
թոյլ կը տամ ինձ անկեղծօրէն ասել, որ հայերը  
եթէ որեւէ չնչին յոյս ունէին յաջողութեան վը-  
րայ, ոչ միայն իրաւունք պիտի ունենային, այլև  
իրենց սրբազան պարտականութիւնը պիտի հա-  
մարէին ապստամբել եւ տապալել այն դժոխային  
կառավարութիւնը, որ դատապարտում է նրանց՝  
մարդկային տարեգութիւնների մէջ երբեւիցէ  
պատահած ամենաստորնացուցիչ, ամենադաժան  
եւ յուսազուրկ ստրկութեան... Բարձր Դրան նը-  
ման աւագակային կառավարութեան գոհերը պար-  
տաւոր չեն ամենեւին հաւատարիմ լինել նրան եւ  
իրաւունք ունեն խորտակել այդ կառավարութիւ-  
նը առաջին յարմար դէպքում... Ազգերի ամե-  
նամեծ շահը խաղաղութիւնը չէ, որովհետեւ կա-  
րելի է խաղաղութիւն վայելել եւ անարգ վատու-  
թեան մէջ, ուրանալով ամէն սրբութիւն»...

1880 թուի Սեպտեմբեր 23ին բրիտանական  
Հիւպատոս Էւերստ գրում էր Կարինից կոմս  
Դրանվիլին.

«Միմիայն ժողովրդի համբերութեամբ, երկ-  
չոտութեամբ եւ նրա գանազան խաւերի մէջ եղած  
կապերի թուլութեամբ կարելի է բացատրել այն  
հանգամանքը՝ որ արեւելեան սանճաւանները անց-  
եալ տարի (1879) հարկերը բաժանելու միջոցին  
չապստամբեցին կառավարութեան դէմ, ոտքի  
կանգնելով իրբեւ մէկ մարդ»:

*Տաս տարի այս խօսքերից յետոյ, այսինքն  
1890 թուին՝ նոյն տեղից գնդապետ Զարմասյտ  
արդէն հաղորդում էր.*

«Վերջին տարիներս Կարինի եւ ուրիշ գա-  
ւառներում կազմակերպուող գազանի ընկերու-  
թիւններն ու կոմիտէները, զէնք ձեռք բերելու  
դիտաւորութիւններն ու փորձերը, վերջին ժամա-  
նակներս վանում եւ շրջակայքում տեղի ունեցած  
դէպքերը, այդ ամէնը ցոյց են տալիս, որ իսկա-  
պէս գոյութիւն ունի խորին դժգոհութիւն: Եւ ի-  
րաւ, տարօրինակ կը լինէր սպասել ուրիշ բան,  
քան դժգոհութիւն»:

*Լսենք եւ հեղինակաւոր Ռուէն Ժակմէնի կար-  
ծիքը այդ մասին.*

«Պոսնիան, Հերցեկովինան, Պուլկարիան 1856  
թուի դաշնագրում արտօնեալ տեղ չէին բռնում:  
Այնտեղ նրանք մինչեւ անգամ չեն էլ յիշատակ-

ուած, ինչպէս չեն յիշատակուած Կրետէն եւ Լիբանանը: Ինչո՞ւ ուրեմն Եւրոպան եռանդուն կերպով շահագրգռուեց այդ երկրների քրիստոնեայ ազգաբնակչութիւններով դեռ 1878 թուից շատ առաջ եւ ոչ մի պահանջ չներկայացրեց Հայաստանի քրիստոնեաների վերաբերմամբ: Դժբախտաբար, ես ոչ մի բացատրութիւն չեմ գտնում այս տարբեր վերաբերումների համար դէպի զանազան ազգերը, բացի այն, որ հայերը *փոխանակ ապրտամբելու* բաւականացան միայն զանգատներով... Եթէ տանկական հալածանքները ոնշուած հայերի մէջ խոր տեւնչանք են գարթեցնում՝ ստանալ ոչ միայն անձնական ապահովութիւն, այլեւ ընդհանուր ինքնավարութիւն այն հողի վրայ, ուր իշխել են նրանց նախնիքները, եւ դաշնագիրների գծած սահմաններում, — դա ամենեւին արդիւնք չէ սովորական ինտրիկի, այլ մի պատուարեք երեւոյթ մարդկային բնատրութեան համար, որ արիանում է աղէտների մէջ եւ չի բաւականանում գոյութեան լոկ նիւթական գոհացումով»...

*Վերջապէս 1894 թուի Փետրուար 20ին Ֆրանսական դեսպան Կամպոն իր կառավարութեանը տուած մի ղեկուցման մէջ՝ ի միջի այլոց ասում է.*

«Իմ անցեալ տարուան զեկուցումները ծանօթացրին Կեսարիայում, Մարզուանում, Անգարա-

յում տեղի ունեցած դէպքերի հետ... Իր անգրքութեամբ Բարձր Դուռը *սրբապործեց* հայկական շարժումը, որ այժմ արդէն ունի իր նահատակները»...

*Այլպէս ուրեմն, — եթէ ձեւակերպենք նոյնիսկ վերը յիշած մարդկանց բառերով, — տիրող հանգամանքներում հայկական շարժումը ոչ միայն անխուսափելի էր, որովհետեւ այդ էր պահանջում «իրերի կացութիւնը», ոչ միայն իրաւացի էր, որովհետեւ սեւէ ազգ պարտաւոր չէ անպատճառ հաշտուել «ամենադատան ստրկութեան» հետ կամ մնալ «անարգ վատութեան» մէջ, ոչ միայն շատ հասկանալի էր, որովհետեւ «տարօրինակ» կը լինէր դրա փոխարէն տեսնել ուրիշ երեւոյթ, ոչ միայն նպատակայարմար էր, որովհետեւ հայը «առանց ապստամբելու» չէր կարող իր դրութիւնը ուրիշ կերպ բարւոքել, — այլեւ դեռ վաղուց սպասելի էր, որովհետեւ միմիայն «հարկերի բաժանումը բաւական էր հայերին ապրտամբեցնելու համար», այլեւ միանգամայն պատուարեք երեւոյթ էր, որովհետեւ նա ապացուցանում է, թէ հայերի մէջ դեռ չեն մարել «մարդավայել բնաւորութեան» բնազդները, վերջապէս այսօր նա սրբագործուած մի դատ է, որովհետեւ ունի իր բազմաթիւ «նահատակները» — դժբախտ ժողովրդի բարօրութեան գաղափարի համար զոհուած նահատակներ...*

## IV

Դիմենք այժմ գործնական ընթացքին, որ արտայայտուել է հայ յեղափոխական շարժման մէջ:

Կանդ առնելով ամենախոշոր գծերի վրայ, մենք պիտի յիշենք այստեղ Պոլսում կատարուած ցոյցերը, Սասունի, Վանի եւ Զէյթունի շարժումները, ռուս եւ պարսկական սահմաններից արուած արշաւանքները (Կուկունեան եւ Խանասոր), ապա մի ահադին շարք համարեա ամէն տարի կրկնուող կռիւների, որոնք կապուած են եղել զէնքի փոխադրութեան, հրոսակային խրմբերի զործունէութեան կամ կաղմակերպչական այլեւայլ գործերի հետ եւ վերջապէս բաղմաթիւ տեւորական զործողութիւններ, ուղղուած պաշտօնական անձերի եւ մանաւանդ հայ լրտեսների ու դաւաճանների դէմ: Ընդհանրացնելով այս յեղափոխական երեւոյթները, մենք կը տեսնենք, որ հայ յեղափոխական կուսակցութիւնները ցոյցեր ու արշաւանքներ են արել, ժողովրդական շարժումներ են առաջ բերել, զէնքի փոխադրութեամբ են զբաղուել, աշխատել են կաղմակերպել ժողովուրդը կուռի համար, տեւոր են կատարել:

Ո՞րն է սրանից աւելորդը, վնասակարը, կորստաբերը:

Վերը բաղմաթիւ օտար հեղինակների հետ



Քրիստափոր, Ջաւարեան եւ Երիտասարդ գործակիցներ՝

«Դրօշակ»ի խմբագրութեան բակին մէջ:

միասին մենք տեսանք, որ հայկական շարժումը մի բնական, մի շատ հասկանալի եւ միաժամանակ միանգամայն նպատակայարմար երեւոյթ է մեր կեանքում: Եթէ մենք չենք սխալուել այդ եղրակացութեան մէջ, ուրեմն, որոշելով հայկական շարժման էութիւնը եւ նպատակը, մենք կ'ունենանք պատրաստ կրետերիում(\*)՝ դրած հարցումին պատասխանելու համար. անմիտ, պարսաւելի, անպայման բացասական պիտի համարուեն այն ձեռնարկները, որոնք չեն համապատասխանում այդ որոշումից բխող պահանջներին, եւ ընդհակառակն՝ օգտակար, ցանկալի, դրական՝ նրանք, որոնք համապատասխանում են այդ պահանջներին:

Ի՞նչ էր ուրեմն մեր շարժման նպատակը: — Ուրիշ ոչինչ, եթէ ոչ կազմակերպուած ու բռնի ուժով կռուել, բողոքել Տանկաստանում տիրող սպանիչ կարգերի դէմ, մինչեւ որ վեց պետութիւնների երաշխաւորած միջամտութեամբ այդ կարգերը դէպի լաւը կը փոխուեն:

Ինչպէս տեսնում է ընթերցողը, կազմակերպութիւն, բռնի ուժ, բողոք եւ վերջապէս եւրոպական միջամտութիւն առաջ բերելու նկատումները այս որոշման անհրաժեշտ տարրերն են կազմում: Կանգ առնելով այս տեսակէտի վրայ, մենք կարող ենք վերեւ դրած հարցը՝ թէ «ո՞րն է մեր

---

(\*) Դատանիչ, չափանիչ:



յեղափոխական անցեալում տեղի ունեցած ձեռնարկներից աւելորդը, վնասակարը, կորստաբերը» վերածել այս ձեւի. — ո՞րն է դրանցից զուրկ այս տարրերից, ո՞րն է արդեօք զուրս մնում իրեւ չափս ընդունած մեր որոշումից :

Բաւական է ամենաթեթեւ մի հայեացք ձգել յիշեալ գործառնութիւնների վրայ եւ մենք կը տեսնենք, որ նրանցից իւրաքանչիւրը ունի մեր որոշման բոլոր տարրերը :

Յոյցերը, արշաւանգները եւ հրոսակային խմբերը կազմակերպում են կռուող ուժերը, ժողովրդականացնում են բողոքի ճանապարհը, կրթում են ժամանակակից սերունդը, վառ են պահում ժողովրդի դիմադրական տրամադրութիւնը, հարուածում են թշնամու հեղինակութեանը թէ ներսում՝ սեփական հպատակների աչքում, եւ թէ դրսում՝ օտարների առաջ, վնասում են կառավարչական շահերին, զբաղեցնում են եւրոպական հասարակական կարծիքը եւ դիւանատները, այսինքն առաջ են մղում միջամտութեան գործը, առնուազն թոյլ չեն տալիս խնդիրը մոռացութեան մատնելու, թէ իրեւ միջազգային քաղաքական խնդիր եւ թէ իրեւ աշխարհիս բոլոր ծայրերում ցրուած հայերիս համար ընդհանուր ազգային դատ :

Ժողովրդային շարժումները, իրեւ յեղափոխական լայն ձեռնարկներ, իրենց ազդեցութեամբ, ի հարկէ, աւելի նշանաւոր են : Ամէն

տեղ եւ ամէն ժամանակ ապստամբութեան գաղափարը կապուած է եղել այդ տեսակ շարժումների հետ եւ այնքան վճռական դեր են ունեցել դրանք ժողովուրդների պատմական կեանքում, որ ազատութեան անունով սկսուած կռիւների գործնական նպատակն են կազմել միշտ : Պարզ է ուրեմն, որ հայկական շարժումը եւս չէր կարող խուսափել կռուի այդ ամենէն էական տարրից :

Զէնքերի փոխադրութեան, կազմակերպչական հալար ու մի հոգսերի եւ կատարուած տնտրական գործողութիւնների մասին խօսելն արդէն աւելորդ է, որովհետեւ դրանք անհրաժեշտ միջոցներ են վերոյիշեալ գործառնութիւնների համար եւ յեղափոխական ամէն մի ծրագրում անչուշտ տեղ պիտի բռնեն :

Ահա՛ մի քանի խօսքով՝ մեր քննադատութեան ենթակայ ձեռնարկների դրական կողմերը : Ընթերցողին ենք թողնում լրացնել այս ընդհանուր պծերը կենդանի օրինակներով, որոնք կը պարզեն նրան, թէ որքան յեղափոխական յայտնի ձեռնարկները իրենց ժամանակին մեծ ազդեցութիւն են ունեցել մի կողմից՝ հայ հասարակութեան, հայ ժողովրդի տրամադրութեան վրայ, ներչնչելով նրան ոգեւորութիւն եւ հետաքրքրութիւն դէպի մեր դատը, մեր կռիւը, յեղափոխական կուսակցութիւնները եւայլն եւ միւս կողմից՝ եւրոպական դիւանազիտութեան վրայ, ստիպելով նրան որոշ դէպքերում սեղանի վրայ

դնել մոռացութեան մատնուած հայկական խնդիրը եւ ուրիշ զէպքերում՝ յատուկ խորհրդատուութիւններ կազմել այդ խնդիրը արծարծելու համար:

Բայց գուցէ կան յեղափոխական կուռի ուրիշ միջոցներ, որոնք աւելի արդիւնաւէտ կարող էին լինել, քան մեր յիշածները: Թող ցոյց տան մեզ՝ ովքե՛ր գիտեն այդպիսիք: Իսկ մենք կարծում ենք, որ մեր յեղափոխական շարժումը, ի միջի այլոց, հենց նրանով էլ արտայայտեց իր կենսունակութիւնը, իր ճկունութիւնը եւ ամենէն աննպաստ պայմաններին յարմարուելու իր ընդունակութիւնները, որ նա կարճ ժամանակամիջոցում ըմբռնեց կուռի բազմազան միջոցները՝ սկսած համեմատաբար խաղաղ բնաւորութիւն ունեցող բողոքներից մինչեւ ուժանակի գործածութիւնը, սկսած անհատական տեղորոշներից մինչեւ ժողովրդական շարժումները:

Գուցէ, վերջապէս, այս բոլոր միջոցներին դիմելու կարիք չկար. գուցէ պէտք էր հետեւել որեւէ աւելի սահմանափակ ուղղութեան, որպէսզի չվատնելով մեր յեղափոխական ուժերն ու միջոցները բազմատեսակ գործերի վրայ, մենք կենտրոնացնէինք նրանց որոշ խնդիրների շուրջը: Տեսնենք:

Համաձայն այն նպատակին, որ մենք յատկացրինք հայկական շարժման, յեղափոխական գործունէութեան եղանակը պիտի ի նկատի ու-

նենար, ի միջի այլոց, եւրոպական միջամտութիւն առջ բերելու բոլոր հնարաւորութիւնները: Ահա՛ այն պայմանները, որոնք անհրաժեշտ էին դրա համար.— հարկաւոր էր, որ մեր բողոքները տեղի ունենային մեծ պետութիւնների աչքի առաջ. որ այդ բողոքները իրենց խիստ բնաւորութեամբ ընդունակ լինէին արտայայտելու կացութեան ամբողջ ծանրութիւնը. որ դրանք կրէին սիստեմատիկ եւ ոչ թէ պատահական երեւոյթների բնաւորութիւն. որ հայութիւնը երեւար իրբլե մի ուժ, որին արհամարհել չէ կարելի, որի գոյութիւնը կարող է նպաստաւոր լինել եթէ ոչ մարդկային քաղաքակրթութեան, գոնէ այս կամ այն պետութեան համար եւ որի անհանգիստ, յեղափոխականօրէն բորբոքուած տրամադրութիւնը, ընդհակառակն, միանգամայն վնասակար՝ պետութիւնների շահերին: Աւելացրէք այս բոլորին եւ այն պահանջները, որոնց պէտք է գոհացում տայ ամէն-մի կազմակերպութիւն, որ ճշգրտում է որոշ դեր կատարել ընթացիկ կեանքի մէջ, — այն է՝ մոխել իր ուժերն ու միջոցները ըստ կարելւոյն խնայողաբար, գրաւել բոլոր նպաստաւոր տարրերն ու հոսանքները, կանոնաւորել նրանց ընթացքը: Եւ դուք կը հասկանաք, որ մեր յեղափոխական անցեալում գործադրուած կուռի միջոցների ոչ մի մասը ոչ պէտք էր եւ ոչ էլ կարելի էր զոհել յօգուտ միւսների:

Յոյցեր եւ արշաւանքներ կատարելով, յեղա-

փոխականները գործում էին Պոլսում եւ Տաճկաստանի սահմանների վրայ: Պոլսի նշանակութիւնը կռուի գործի մէջ յայտնի է արդէն եւ մենք չենք ծանրանայ այստեղ դրա վրայ: Պոլսում յեղափոխականները ոչ միայն Տաճկաստանի սրտումն էին, այլեւ համաշխարհային նշանակութիւն ունեցող մի կէտում, ամբողջ Եւրոպայի աչքի առաջ, նրա շահերի անմիջական թատերաբեմում. մի ատրճանակի պայթում այնտեղ աւելի է լսելի աշխարհին, քան հարիւրաւոր հրացանների որոտումը երկրի խորքերում: Սահմանների վրայ գործելով, մենք նոյնպէս խուլ անկիւններում չէինք գտնուում, այլ այնպիսի վայրերում, ուր բնականաբար պէտք է շահագրգռէինք առնուազն երկու պետութիւն: Յուցական այդ երկու տեսակի ձեռնարկները բաւարարութիւն են տալիս նաև տնտեսաբար ու սիստեմատիկ, տեւողական կերպով կռիւր տանելու պայմաններին, որովհետեւ դրանք պահանջում են համեմատաբար աւելի քիչ ուժ եւ միջոցներ, իսկ նախապատրաստութեան համար աւելի քիչ ժամանակ. մի հանգամանք, որ ոչ միայն կարեւոր է առհասարակ գաղտնի ձեռնարկների յաջող իրագործման համար, այլեւ ֆական նշանակութիւն ունէր այնպիսի օրերում, երբ վստահ լինելով Եւրոպայի օգնութեան վրայ, յեղափոխական կուսակցութիւնները պարտաւոր էին ձգտել ըստ կարելւոյն շուտ բարւոքել տալու ժողովրդի ծանր դրութիւնը: Հասկանալի է նաև,

որ այդ ձեռնարկները չէին հակասում երկրի գործունէութեան պահանջին. ընդհակառակն՝ նպատակ ունենալով թեթեւացնել երկրի մէջ տիրող ծանր պայմանները, դրանով միայն պէտք է դիւրացնէին եւ բնականաբար առանձին զարկ տալին երկրի գործունէութեան:

Կան սակայն մարդիկ, որոնք ընդունելով ցուցական գործունէութեան կարեւորութիւնը մեր շարժման սկզբնական շրջաններում, հերքում են յետագայ ցոյցերի նշանակութիւնը: «Քանի որ մեր հարցը հերթական էր, պէտք չէր այս կամ այնինչ ժամանակ վերստին գրգռել թշնամուն» — ասում են դրանք համոզուած շեշտով, կարծես թէ երբ մի հարց հերթական է լինում, այդ արդէն նշանակում է, որ նա այդպէս էլ կը մնայ կամ թէ անպատճառ կը լուծուի յաջողութեամբ: Արդեօք այդ մարդիկ հարցրե՞լ են իրենց երբեւիցէ, թէ ժամանակի ընթացքում, շնորհիւ քաղաքական ուժերի եւ շահերի այս կամ այն դասաւորման, քանի՛-քանի՛ հերթական հարցեր դիւրութեամբ ծալուել մի կողմն են դրուել կամ մինչեւ իսկ մարել են յաւիտեան: Եւ հենց վերջին 20 տարուան աննշան ժամանակամիջոցում մի՞թէ քիչ առիթներ ունեցանք մեր սեփական աչքով տեսնելու, թէ որպիսի անգութ խաղերի մատնուեց մեր դատը: Տեղն է յիշատակել այստեղ հետեւեալ բնորոշ փաստը: Տաճիկ կառավարութեան երեք պատուիրակներ մին միւսի ետեւից ժրնեւ

եկան՝ Հենց այդ «աւելորդ» ձեռնարկներից յետոյ, 96, 97 թուականներին, եւ որ գլխաւորն է՝ իրենց առաջարկութիւնների մէջ նրանք միակ պահանջ էին դնում՝ դադարեցնել յեղափոխական գործունէութիւնը Պոլսում, իսկ բուն երկրի մասին ոչ մի պայման, ոչ մի խօսք: Ուրիշ հանդամանք: Կան բոպէներ ժողովուրդների կեանքում, երբ կարելի է հաշտուել ամէն բանի հետ, բայց ոչ լուսթեան: Կան վայրկեաններ, երբ լուսթիւնը բարոյապէս բնորոշում է մի ամբողջ շարժում, մի ամբողջ ժողովուրդ, եւ այդպիսի վայրկեաններից էին այն ժամանակները, որոնց հետ կապուած են ներկայումս դատափետուող ցոյցերը: Երբ 95 եւ 96 թուականներին արեան մի ամբողջ ծով էր պատել Հայաստանին եւ երբ հայութիւնը, եթէ նա ստրկածին արարածների մի դանդուած չէր, պիտի բռնկուած լինէր վրէժի միակ հասկանալի զղացմունքով, պիտի դառնար վրէժի մի անվերջ աղաղակ, — այդպիսի մի վայրկեանում, ասում ենք, — լուսթիւնը պիտի նշանակէր միայն եւ միայն ամբողջ ազգի կատարեալ բարոյական անկումը եւ յեղափոխական դադարի, յեղափոխական շարժման կատարեալ սրնանկութիւնը: Փառք ուրեմն այն հերոսներին, որոնք ոչ միայն այդ վարչելի լուսթիւնը փոթորկեցին ու հայ ժողովրդի ամենէն արդար, ամենէն էական զրացումների թարգմանը եղան, այլեւ միանգամայն ապացուցեցին, որ նոյնիսկ ծանր

օրերում նրանք ընդունակ են հաշուել իրենց քայլերը եւ թշնամուն հարուածելու համար այնպիսի ձեռնարկներ ծրագրել ու իրագործել, որոնք օտար լրագիրներում տեղ-տեղ նոյնիսկ «հանճարեղ» անուան արժանացան:

Սակայն բաւականաճախ միմիայն ցուցական ձեռնարկներով, այսինքն միմիայն երկրից դուրս կատարուող արշաւանքներով ու ցոյցերով, նախ՝ անկարելի էր. իրերի դրութիւնը անտանելի էր հենց երկրի մէջ, ճնշումներն ու հալածանքները զգալի էին հենց այնտեղ, ուր ապրում է ժողովուրդը: Եւ բնականաբար երկրում արդէն դիտուում էին յեղափոխական հոսանքներ, արդէն հանդէս էին եկել հոգւով բարձր եւ ազատութեան կրթակով վառուած ուժեր, որոնք պէտք է կատարէին եւ կատարում էին իրենց գործը — ձգտում էին կազմակերպուել եւ կռուել (Յունոներ, Չաթո-Շերոներ, Արարոներ): Յեղափոխականների կապը դրանց հետ, հետեւաբար, նոր երեւոյթներ չէր ստեղծում, այլ նպատակ ունէր միայն ամբողջացնել ցրուած ուժերը, կանոնաւորել նրանց ընթացքը եւ այս կամ այն ձեւի իր օգնութեամբ դիւրացնել նրանց գործը. մի դեր, որ յեղափոխականների անհրաժեշտ պարտաւորութիւնների շարքն էր մտնում:

Աւելի եւս: Ցուցական գործունէութեամբ ոչ միայն չէր կարելի, այլեւ պէտք էր բաւականաճախալ: Ոչ մի հասարակական շարժում չէ կարող

յարատեւել եւ մանաւանդ յաղթական վախճան ունենալ, եթէ նա ժողովրդականացած չէ ազգի մէջ, նրա ընդարձակ խաւերում: Այնպիսի մի մեծ խնդիր, ինչպիսին է Հալածուող մի ժողովրդի ազատումը ուժեղ բռնակալի ճիրաններից, չէ կարող յաջողութեամբ պատկուել, եթէ նա սահմանափակուի ժողովրդից կտրուած որեւէ Հասարակական դասակարգով: Այդ մէկ: Երկրորդ՝ ոչ մի ազատութիւն զին չէ կարող ունենալ ժողովրդի Համար եւ չէ կարող հետեւաբար պահպանուել, եթէ ինքը ժողովուրդը չէ գիտակցում ազատութեան պահանջը եւ չէ մասնակցում նրանունով յայտարարուած կռուին. օգից ընկած ազատութիւնից՝ անգիտակից ժողովուրդը չէ օգտուում եւ հեշտութեամբ կորցնում է այն առաջին պատահած դէպքում: Երրորդ՝ ոչ մի ժողովուրդ չէ կարող իր անվերջ հեծեծանքներով իրական օգնութիւն սպասել արտաքին աշխարհից. կռուի որոտումները, նուիրական գաղափարով սրբագործուած ռազմի աղաղակներն են, որ արտայայտում են նրա կենսունակութիւնը, նրա հոգեկան արժանիքները. դրանք են, որ ներշնչում են յարգանք դէպի մի ազգ եւ երաշխաւորում են նրա Համար թէ համակրութիւն եւ թէ ինքնուրոյն ապրելու բարոյական իրաւունք: Զորքորդ՝ սոսկ ցուցական գործունէութիւնը կարող էր ընդունել արտաքին աշխարհի կողմից իրրեւ միայն մէկ խմբի, երիտասարդութեան մի որոշ մասի գործ,

որ կապ չունէր ժողովրդի հետ, եւ այդպիսով կարող էր ջնջել հայկական բողոքի ամբողջ նշանակութիւնը: Թուրք կառավարութեան կամ եւրոպական շահերին վնասելու դործը միտք է ստանում այն ժամանակ միայն, երբ նայում են յեղափոխականների վրայ իրրեւ ժողովրդային տրամադրութեան արտայայտիչների վրայ. հակառակ դէպքում՝ վնասուողները, «հայկական հարց» կոչուածը մի կողմ թողնելով, կարող են իրենց նպատակ դնել՝ համերաշխ ուժերով վերջ դնելու իրենց հանդստութիւնն ու շահերը ձեռնահարող մի «վնասակար տարրի»: Այն ինչ՝ երբ Պոլսում պայթող յեղափոխական ձեռնարկի հետ միաժամանակ երկրի մէջ նկատուում է ժողովրդի յուզուած տրամադրութիւնը, այն ժամանակ առաջին երեւոյթը ընդունուում է միայն իրրեւ երկրորդի արձագանգ, եւ բնականաբար «վնասակար տարրի» զաղափարը տեղի է տալիս «հայկական դատի» խնդրին. — մի հանգամանք, ուր արդէն սուլթանը եւ Եւրոպան, յայտնի պատճառներով, չեն կարող համերաշխ լինել, չեն կարող միանալ:

Բայց մենք զգում ենք, որ այս հողի վրայ կանգնելով, չենք կարող գոհացում տալ մեր հակապարզներին: Զգում ենք, որ այս ամէնի դէմ նրանք կարող են առարկել. «Մենք սկզբունքով հակառակ չենք այդ բոլորին: Ընդհանուր առմամբ դրանք անհրաժեշտ են, անխուսափելի են,

դուցէ նոյնիսկ նպատակալարմար են, բայց... բայց ամէն բան իր տեղն ունի, ամէն բան էլ իր չափը պիտի ունենայ: Պէտք է մոռանալ, որ այսօր փոխանակ առաջ գնալու, տեսնում ենք մեր ետեւում հարիւր հազար զոհեր եւ ընդհանուր յուսահատութիւն... Ահա թէ ինչու մենք կարծում ենք, որ հայ յեղափոխական անցեալում շատ բան չէր համապատասխանում ժամանակի քաղաքական հանդամանքներին, որ յեղափոխական կուսակցութիւնները յաւկատրաստից հանդէս եկան, որ նախ քան գործնական քայլերի դիմելը, պէտք էր ժողովուրդը կազմակերպել եւ առհասարակ երիտասարդական յախուռն զգացումների փոխարէն՝ գործի մէջ պէտք էր ղեկավարուել սառն դատողութեամբ»:

Ամենադառն կսկիծով եւ վրէժխնդրութեան կրակով լցուած՝ մենք խոնարհուում ենք այն անհամար կորուստների առաջ, որ ունեցաւ մեր տարաբախտ հայրենիքը եւ որոնք այս առարկութիւնների ծուծն են կազմում: Մակայն թոյլ կը տանք մեզ նկատել, որ մեր ղժգոյն հակայեղափոխականները կամ եսամոլ իմաստակները չեն, որ պէտք է այսօր ժողովրդասիրութեան եւ հայրենասիրութեան դասեր կարդան յեղափոխականներին՝ հայութեան ամենազղայուն տարրին, որ իր կեանքը զրեց նրա դատի յաջողութեան համար: Հակառակորդների այս «խրատները» յիշեցընում են մեզ Շէքսպիրի այն հեգնութիւնը, որ

արտասանում է հմայիչ Համլէթ իր անհաւատարիմ մօր հասցէին.

Պէտք է նոյննիմն առաքինութիւնը ներում ազերսէ գարջ մոլութիւնից, Այո, եւ խոնարհուի, պաղատանք անէ եւ հրաման ինդրէ բարիք գործելու...

Հեշտ է, այո, շատ հեշտ, պատմական բարդ, պատասխանատու, յաճախ աննախատեսելի դէպքերը տեղի ունենալուց յետոյ, «քննադատի» դերի մէջ մտնել եւ սրտացաւի ծիրանի հագած՝ անվերջ կրկնել թէ «այս աշպէս պիտի լինէր» կամ «այն՝ այնպէս»: Ամենասահմանափակ մարդն անգամ այդ դէպքում կարող է այնքան երեւակայութիւն ունենալ, որ կատարուած իրողութիւնը զարդարէ որեւէ փոփոխութիւնով կամ մի նոր գծով, եւ զինուած այդ տեսակէտով՝ դառնայ պախարակէ եղածը: Հաղարաւոր մարդիկ, որոնք մասնակցել են Փրանսական Յեղափոխութեանը կամ զրել են նրա մասին, ժամանակին պնդում էին, որ եթէ այս կամ այն բանը այնպէս չլինէր, ինչպէս եղաւ, աւելի լաւ կը լինէր, յեղափոխութիւնը աւելի խաղաղ ելք կը ստանար, եւայն, եւայն: Եւ եթէ մարդիկ զերծ չեն մնացել այդ տեսակ տարտամ խորհրդածութիւններից մի այնպիսի յեղափոխութեան վերարբերմամբ, որի բարիքները ծաւալուեցին ամբողջ աշխարհի վրայ, զարմանալու ոչինչ չկայ, ի հարկէ, որ

հայկական արիւնալից շարժման մասին խօսողները, այն էլ հայ խօսողները, կարող են աւելի ընդարձակ ասպարէզ ունենալ պատժական հաղաբաւոր կարկատաններ առաջարկելու համար...

Սակայն մեր հակառակորդների ձեռքից այդ վերջին գէնքն էլ խլելու յուսով, մենք կանգ կ'առնենք բերած առարկութիւնների վրայ եւս, չնայած դրանց անսահման անորոշութեան:

## V

Յեղափոխական դործնական ընթացքը քննադատելիս՝ պէտք է իսկապէս յեղափոխական ճանաչուած ձեռնարկները զնահատուեն կոտորածներից դուրս. այսինքն այն եղանակով, որով մենք քննեցինք այդ ընթացքը նախորդ գլխում: Ուրիշ կերպ վարուել՝ կը նշանակէր պարզապէս հերքել շատ ակներեւ ճշմարտութիւններ եւ ի վերջոյ՝ նոյնիսկ մեր շարժման իրաւունքը: Սակայն այդպէս չէ նայում իրերին ամբոխային տրամաբանութիւնը. նա կարելի է համարում գընել իր ասպետների բերանում այնպիսի խօսքեր, որ մենք բերինք քիչ առաջ, այն է՝ «Յեղափոխական անցեալում շատ բան չէր համապատասխանում ժամանակի փառաքանի հանգամանքներին, չկար անհրաժեշտ նախապատրաստութիւն եւ ժողովրդի կազմակերպութիւն, չկար գործի մէջ սառը դատազուրկութիւն»:

Ի՞նչ ասել է՝ «շատ բան չէր համապատասխանում ժամանակի քաղաքական հանգամանքներին»:

Երբ 1878ին Խրիմեան վերադարձաւ Պերլինի վեհաժողովից՝ նա ասում էր իրեն դիմողներին մօտաւորապէս հետեւեալը.

«Հայերս ոչինչ չստացանք: Այնտեղ ապուրը ուտում էին երկաթէ դգալներով, իսկ մեմք ունեինք միայն թղթէ դգալ»:

Այսպէս էր խօսում Խրիմեանի բերանով Պերլին դացած պատգամաւորութիւնը. այս խօսքերի մէջ էին ամփոփուում այն սպաւորութիւնները, որ ստացել էր հայ պատգամաւորութիւնը Պերլինում եւ Եւրոպայի առաջնակարգ քաղաքագէտների հետ շփուելուց յետոյ Պէտօ Է կոուել — ահա այդ խօսքերի իմաստը: Մի տարի յետոյ 1879 թուի Յունիսի 12ին Պոլսի անգլիական դեսպան Լայարտ հեռագրում էր նախարար Սալպարիին.

«Եթէ Բարձրագոյն Դուռը չգգուշանայ, եթէ նա չգործէ հեռատեսութեամբ ու խոհեմութեամբ, Ասիայում մի դեղեցիկ օր կը ծագի հայկական խնդիր, ինչպէս որ Եւրոպայում ծագեց պուլկարական խնդիրը, որ պատճառ եղաւ վերջին պատերազմին»...

Եւ դէնը՝ այդ երկար հեռագրի բովանդակութիւնից երեւում է, որ յիշեալ «դեղեցիկ օրը» կը

գայ այն ժամանակ, երբ կ'արտայայտուի երկրում հայկական դատի առթիւ որեւէ շարժում:

1880 թուի Յունիսի 11ին վեց մեծ պետութիւնների մի համանման յուշագիր՝ ուղղուած արտաքին գործերի նախարար Ապետին փաշային՝ վերջանում էր այս խօսքերով.

«Պարտք եմք համարում ձեր ուշադրութիւնը հրաւիրել այն լուրջ պատասխանատուութեան վերայ, որ իր վրայ է առնում Բարձրագոյն Դուռը, ուշացնելով այն միջոցների իրագործումը (Ճեղ յօդուածի պահանջները), որ պետութիւնները անհրաժեշտ են սեպում ինչպէս տաճկական կայսրութեան, այնպէս եւ ամբողջ Եւրոպայի շահերի համար»:

Չերկարացնենք: «Կապոյտ գրքերից» պատահական կերպով վերցրած այս կտորները ցոյց են տալիս, որ պետութիւնները ամէն կերպ աշխատում էին հայկական որեւէ շարժման տեղիք չըտալ, գտնելով որ դա սպառնում էր պուլկարական հարց դառնալ՝ եւ առաջ բերել այնպիսի միջամտութիւններ յօգուտ հայերի, որոնք կարող էին նոյնիսկ պատերազմ յարուցանել: Եւ երեւի այդ տեսակ վտանդներից խուսափելու համար էր, որ այնուհետեւ համարեա ամբողջ 80ական թուականների ընթացքում եւրոպական պետութիւնները նպաստեցին Թուրքիային՝ հայկական հարցը մոռացութեան մատնելու:

Հարցնում ենք ուրեմն. յեղափոխականների ընթացքը համապատասխանո՞ւմ էր «քաղաքական հանգամանքներին», թէ՞ ոչ: Ի՞նչ կարող էր մեզ համար աւելի ձեռնուտ լինել, քան մեր հարցի պուլկարական հարց դառնալը եւայլն: Եւ մեր բերած վկայութիւնները չե՞ն ապացուցանում արդեօք, որ միմիայն յեղափոխական շարժման հարուածները պիտի ստիպէին հերթական խընդիր դարձնել մեր բազմաչարչար դատը: Եւ որպէսզի չընկնենք որեւէ սխալանքի մէջ, թողնենք որ այս հարցերին պատասխանէ «ժամանակի» յայտնի քաղաքագէտներից մէկը: 1890ին, այսինքն հայկական հարցի համարեա տասնամեայ մոռացութիւնից յետոյ՝ աւստրիացի նախարար Կալմուխի, խօսելով հայոց պահանջների մասին, բացարձակապէս յայտարարում էր.

«Եւրոպա չկայ, եւ մինչեւ որ հայկական հոգը չշագախի արիւնով, թող գիտեման հայերը, որ ոչինչ չեն ստանայ»:

Ի՞նչ էին նշանակում այս խօսքերը, եթէ ոչ՝ Եւրոպա չկայ, բայց նա կը լինի, երբ հայերը բացարձակ կռուի մանապարիը կ'ընտրեն իրենց պահանջներն իրագործելու համար»:

Եթէ յիշում է ընթերցողը, Ռոլէն Ժակմէն եւ 1889ին վերլուծելով եւրոպական դիւանագիտութեան ընթացքը հայկական հարցում, գալիս



էր այն եղբակացութեան, որ Եւրոպան անտար-  
բեր դտնուեց ղէպի հայերը, որովհետեւ հայերը  
չէին ապստամբուել :

Կրկնում ենք ուրեմն.— Համապատասխա-  
նում էր յեղափոխականների բռնած ղիրքը «ժա-  
մանակի քաղաքական պահանջներին», թէ՞ ոչ :  
Ոնդիրը այդպիսով՝ քաղաքական պայմաններն  
արիամարիելու մէջ չէր, — սովորական մեղա-  
դրանք յեղափոխականների հասցէին, — այլ այդ  
քաղաքականութեան վրայ ազդելու միջոցնե-  
րում :

Թող չասեն մեզ, թէ այն, ինչ նպատակալար-  
մար էր, օրինակ, այս ինչ թուականին, կարող էր  
վնասակար լինել յետագայ թուականներին եւն. :  
Հասարակական մի հոսանք, որ հող ունի կեանքի  
մէջ, չէ կարող չառաջանալ, իսկ մի անդամ ա-  
ռաջանալով՝ նա չէ կարող չզարգանալ կամ թէ  
չեղուել իր ընթացքից, ինչպէս ջուրը բնական  
պայմաններում չէ կարող չհոսիլ, երբ նրա առ-  
ջեւ բացում է ճանապարհ : Գործածելով Լատտա-  
լի խօսքերը, ղա «երկաթէ անիրաժեշտութիւն»  
է, որ պայմանաւորում է որոշ հասարակական  
ուժերի փոխադարձ յարաբերութիւններով : Եր-  
կուսից մէկը ուրեմն.— կամ յեղափոխական շար-  
ժումը համապատասխանում էր ժամանակի «քա-  
ղաքական պահանջներին», կամ ոչ : Եւ եթէ հա-  
մապատասխանում էր, ուրեմն՝ յեղափոխական  
ձեռնարկները սխտեմատիկաբար պէտք է չա-



Քրիստափոր Միքայէլեան

րունակուէին, քանի դեռ չէր ապահովուած Եւրոպայի իրական միջամտութիւնը: Այո՛, այդ էր պահանջուած ժողովրդի զրութիւնը, այդ էին մեզ թելադրում եւ ուրիշ ազգերի օրինակները: Եւ երբ մեզ ասում են, որ յեղափոխական ձեռնարկները եղան կոտորածների առիթ կամ պատճառ, մենք չենք հաւատում դրան, այլ՝ արեւելեան հարցին ծանօթ հեղինակներից շատերի հետ միասին՝ մնում ենք այն համոզման, որ դա հետեւանք էր որքան վարհուրելի, այնքան եւ անմիտ, որքան դժբախտ, այնքան եւ անճոռնի, անբնական քաղաքական խաղերի — խաղեր, որոնց քացառիկ այլանդակութիւնը հասկանալու համար՝ պէտք է ի նկատի ունենալ այն սոսկալի, հրէշաւոր անհեթեթութիւնները, որոնք ուղեկից եղան երեւոյթին:

Մի կողմ թողնելով հեռաւոր անցեալը, յիշենք, որ ռուս-տաճկական պատերազմից յետոյ Ռուսաստանը, այս կամ այն միտումներով, միշտ պաշտպանում էր հայկական խնդիրը. նոյն կառավարութիւնը, 1894ի Սասունի Մասնաժողովում ունէր իր ներկայացուցիչը. դրանից յետոյ նա մասնակցում էր բարենորոգումների ծրագրի մըշակման: Աւելի բնական ոչինչ չէր կարելի երեւակայել, քան այն, որ նոյն կառավարութիւնը, թէկուզ միայն ինքզինքը յարգելով, անէր այնուհետեւ հետեւեալ քայլը եւս՝ պահանջէր բարենորոգումների գործադրութիւնը: Այսպէս էր նա-

յում փաստին ամբողջ աշխարհը. այդպէս վերաբերուեց Մայիսեան ծրարքին ե՛ւ ամբողջ հայութիւնը: Բայց ահա այլանդակութիւնը. այս բոլորի հետ միաժամանակ Լուիանովի «ուսու» երեւակայութեան մէջ սկսում է օրէցօր աւելի եւ աւելի նուաճումներ անել այնպիսի մի անհեթեթութիւն՝ թէ հայկական բարենորոգումների խնդիրը «կարող է ստեղծել սահմանակից մի նոր Պուլկարիա Ռուսաստանի համար»: Ինչո՞ւ. — որովհետեւ հայերի փինակը պէտք է փոքր ինչ բարեփոխուի, այսինքն՝ նրանք պիտի դրուին այնպիսի պայմաններում, որ նուազ անպատուուեն, նուազ թալանուեն ու կոտորուեն, կարծես՝ ուսական բոլոր սահմաններում տաճիկահայերից լաւ ապրող եւ քերտերից ու թուրքերից չմորթուող, չթալանուող փոքրիկ ազգութիւնները մի-մի Պուլկարիաներ են Ռուսաստանի համար, կամ կարծես՝ սուլթան Համիտի ստորադրած բարեփոխումները աւելի բնդարձակ էին, քան սուլթան Մեճիտի Հատտի-Հիւմայունում խոստացած կարգերը, որոնց գործադրութիւնը երբեք ոչ մի կառավարութիւն այնքան խստութեամբ չէր պահանջել թուրքիայից, ինչպէս 1856 թուականից սկսած այն պահանջում էր Ռուսաստանը:

Նայենք եւ Ալպիոնին: Այն Սալզպլերին, որ 1879ին տեսնելով, որ Պերլինի դաշնագրի կէտերը մեծ մասամբ իրագործուած են, — բացի Անգլիայի «առանձին երաշխաւորութեան տակ» ա-

ռած Փոքր-Ասիայի վերաբերուող յօդուածը, — հարկաւոր սեպեց Չմիւռնիայի ծոցում մինչեւ իսկ ծովային ցոյց անել Թուրքիայի դէմ, այդ նոյն Սալզպլերին 1896ին իր կառավարութեան բացարձակ դաւաճանութիւնը արդարացնելու համար՝ ապացուցանում էր, թէ «Տաւրոսի լեռները անմատչելի են անգլիական նաւատորմի համար»: Ռ՞վ, քան լորտ Սալզպլերին, աւելի լաւ գիտէ, որ աշխարհիս երեսին չկայ ոչ մի ուրիշ պետութիւն, որի ծովային սահմանները պաշարելը, կամ զրաւելը, մի խօսքով, որին վնասելը այնքան դիւրին լինէր, ինչպէս Թուրքիային, որ ոչ մի նաւատորմ չունի: Թող չասեն մեզ, որ Ռուսաստանի ընդդիմութիւնը պատերազմի վտանգն էր սպառնում Անգլիային: 1895ի Օգոստոս 28ին Պետերբուրգի անգլիական դեսպանից եւ նոյն Օգոստոսի 29ին Պոլսոյ դեսպանից ստացուած հեռագիրները հաղորդում էին անգլիական կառավարութեան, որ Լուիանովը իր կողմից հնարաւոր զիջումների շարքն է դասում նաեւ «համաձայնութիւնը՝ թողնել Անգլիային եւ Տաճկաստանին ճակատ առ ճակատ» (\*): Այս անլուր անհեթեթութիւնների տիպարն է ներկայացնում լորտ Ռոզպերի: Այդ թեթեւամիտ, բայց ջղային եսամոլութեամբ բռնուած լորտը՝ Կլատսթոնի Լիվրփուլում յօդուտ հայերի արտասանած ճառից

(\*) See Turkey, № 1, 1896:

յետոյ՝ դուրս է գալիս Նոյեմբեր ամսին էտին-պուրիում խօսելու եւ բացարձակ դաւաճանութեան այնպիսի մի քայլ է անում, որ անսպասելի էր ոչ միայն կողմնակի դիտողների, այլեւ նոյնիսկ իր ամենամօտ ու ամենաթափանցող քաղաքագէտ-բարեկամների համար, նա հրաժարուով է անգլիական սղատամիտ կուսակցութեան դեկավարի դերից, պատճառաբանելով, որ Կլատրսթոնը եւ ազատամիտ կուսակցութիւնը պահանջելով պահպանողական կառավարութիւնից որեւէ վճռական քայլ անել ի նպաստ հայերի, իբր թէ սխալ ընթացք են բռնում: Բայց լորտի դաւաճանութիւնը չէ վերջանում Կլատսթոնով, իր բոլոր կուսակիցներով ու հայերով: Լորտը միեւնոյն ճառի մէջ դաւաճանում է եւ ինքն իրեն: Այդ ճառից ընդամէնը 8 ամիս առաջ, այն է 1896 Մարտի 3ին, իր մի ուրիշ ճառով նա պահանջում էր անգլիական կառավարութիւնից շատ անգամ աւելին, քան այդ արեց Կլատսթոն իր վերին աստիճանի զգոյշ ճառի մէջ: Նա պահանջում էր անգլիական կառավարութիւնից, թէկուզ հենց առանց միւս պետութիւնների համաձայնութեան, մենակ գործի դիմել յօգուտ հայերի եւ նոյնիսկ պարզ ակնարկում էր, որ այդ առանձին գործողութիւնը կարող է արտայայտել որեւէ տաճկահայ նաւահանգիստի զբաւումով(\*):

(\*) «Սուլթան եւ պետութիւններ», Մակ Կօլի:

Անգլո-ուսական հակամարտութիւն՝ Թու-նաւորուած հրէշաւոր կասկածների ուրուականներով՝ ահա այն սոսկալի հողը, ուր մեր բախտը որոշելու հրաւիրուած «քաղաքագէտները» կորցրին ոչ միայն իրենց խիղճն ու ամօթը, որ չեն էլ ուզում ունենալ, այլեւ իրենց խելքն ու դատելու ընդունակութիւնները: Տեսէք ինչ էր դրում Պոլսոյ անգլիական դեսպանը իր կառավարութեան 1879 թուին.

«Պուլկարական միեւնոյն ինտրիկները այժմ կատարում են Փոքր Ասիայում թէ՛ այն նպատակով, որ վերականգնեն հայկական ազգութիւնը, եւ թէ՛ նրա համար, որ ստեղծեն իրերի այնպիսի մի դրութիւն, որ սարսափի մի աղաղակ յարուցանէր ամբողջ ֆրիստոնեայ ազգաբնակչութեան մէջ եւ եւրոպական միջամտութիւն առաջ բերէր: Ես մի քանի անգամ նախազգուշացրել եմ տանիկ մինիստրներին, որ եթէ նրանք չշտապեն ի կատար ածել Պերլիցի դաշնագրի որոշումը հայերի մասին... այն ժամանակ նրանք կը տեսնեն բայց արդէն շատ ուշ, որ սուլթանը կը զրկուի մի քանի գաւառներից»:

Ո՞վ է «պուլկարական ինտրիկներ» սարքողը, — ոուսը. ո՞վ է ուղում «եւրոպական միջամտութիւն առաջ բերել», — ոուսը. ո՞վ պէտք է «մի քանի գաւառներից զրկէ սուլթանին», — ոուսը:

Այդպէս է մտածում անգլիացին, այդպէս է հականում իրականութիւնը անգլիական «փորձուած» դիւանագէտը: Միեւնոյն ժամանակ հարցրէք ռուսին. ո՞վ է Տաճկաստանում շարունակ «ինտրիկներ» լարում՝ Ռուսաստանի դէմ, — Անգլիան. ո՞վ է անդադար հրաւիրում պետութիւններին «միջմտել» հայկական հարցում, — Անգլիան, որ ուզում է Ռուսաստանի դէմ պատնէշ կանգնել Փոքր-Ասիայում. ո՞վ է խրախուսում հայ յեղափոխական շարժումը, — Անգլիան, որ նպատակ ունի դրանով ձեռք բերել Տաճկաստանում իր կորցրած աղղեցութիւնը — այդպէս կը պատասխանէ ձեզ ռուսը, այդպէս կ'ասէ ձեզ ռուսական «հեռատես» դիւանագէտը:

Եկէ՛ք ու նախատեսէ՛ք: Եկէ՛ք ու գործունէութեան ծրագիր մշակեցէք ոչ թէ մարդկային ամբողջ պատմութեան մէջ ռուսմենասիրուած սկղբունքներն ի նկատի առնելով, այլ այն այլանդակ, անբնական, ոչ մի հետեւողականութեան չենթարկուող քաղաքական կասկածների ցատկոտումները, որոնք ամէն ըրպէ կարող են տեղի ունենալ մի ամենախրթր քաղաքագէտի զըլխում, մի քաղաքական ղեւղեկի երեւակայութեան մէջ կամ մի տխմար «չինովնիկի» հաշիւներում — մի «չինովնիկի», որ նոր պաշտօնի անցած՝ բռնուած է նոր բան հնարելու տենչով եւ անպատճառ իր նախորդներից շնախատեսուած վը-

տանդներ է ուզում հնարել պետութեան համար... Եկէ՛ք ու յարմարուեցէ՛ք քաղաքական «րոպէների» պահանջներին: Եւ ե՞րբ ու որի՞ն յարմարուէին յեղափոխականները — ռուսի՞ն թէ անգլիացուն, ա՞յն Սալզպլերիին, որ խօսում էր Տաւրոսի անմատչելութեան մասին, թէ այն Սալզպլերիին, որ 1896 թուի Սեպտեմբերին սպառնում էր սուլթանին, թէ «եթէ իր կայսրութեան յոռի վարչութիւնը շարունակուի, նա կը գրկուի իր գահից» (\*). ա՞յն Լոփանովի՞ն յարմարուէին, որ դոյութիւն ունէր 1895 թուի առաջին կիսում, թէ՞ այն Լոփանովին, որ պատկերացաւ մեր առջեւ միեւնոյն թուի երկրորդ կիսում. ա՞յն Ռոզպլերիին յարմարուէին, որ Մարտ ամսին էր խօսում, թէ՞ այն միւս Ռոզպլերիին, որ զառանցում էր նոյն տարուան Նոյեմբերին: Կա՞ր նոյնիսկ յարմարուելու կարելիութիւն կամ զոնէ կարելիութեան ստուեր անգամ:

Եւ թող ոչ ոք չկարծէ, թէ մեր յեղափոխական մոլեռանդութիւնն է, որ ստիպում է մեզ Եւրոպայի պատասխանատուութեանը ձգել հայկական կոտորածները: Հազարաւոր հրատարակութիւնների մէջ, հազարաւոր ամպիոններից, երկրպագնդի հազարաւոր անկիւններում ամբողջ մարդկութեան մտածող ու զգացող մասը եւս ու-

(\*) Ed. Driault: «La Question d'Orient», եր. 258:

րիչ կերպ չդնահատեց այն զարհուրելի հովանաւորութիւնը, որ ՅԵՐԳ յօղուածով արին հայերիս եւրոպական պետութիւնները իրենց այլասերուած ու նախատեսելու ընդունակութիւնից զուրկ դիւանագէտներով:

Թո՛ղ դրոշմէ ուրեմն պատմութիւնը ժամանակակից Եւրոպայի ճակատին հրէշաւոր դաւաճանութեան յաւիտենական արատը, որից սակայն միշտ ազատ կը մնայ հայ երիտասարդութեան այն փոքրամասնութիւնը, որ ընտրեց կռուի փշոտ դաշտը՝ տողորուած իր ծնող ժողովրդի բարեկեցութեան զաղափարով, պատրաստ միշտ զոհուելու սուրբ հայրենիքին...

Սակայն, — ասում են ամբոխային տրամաբանութեան ամէն կարգի ներկայացուցիչները, — բոլոր քաղաքական խաղերի եւ անյաջողութիւնների առաջը կարելի էր առնել, եթէ յեղափոխական կազմակերպութիւնները՝ մանր «խլրրտուժների» փոխարէն՝ աշխատէին նախօրօք լաւ պատրաստել, լաւ կազմակերպել ժողովուրդը:

Պէտք չկայ ի հարկէ ծանրանալու այստե՛ս այն խնդրի վրայ, որ «նախապատրաստուելու» երստ կարելոյն լայն ծաւալով «կազմակերպուելու» պահանջը բոլոր գործող յեղափոխականները լստէալն է եղել եւ կը լինի միշտ: Կռուի դաշտը նետուելիս՝ ջանալ ըստ կարելոյն մեծ ուժ ունենալ համախմբուած — դա այնքան բնական,

այնքան տարրական եւ նոյնիսկ այնքան banal(\*) մի պահանջ է, որ միմիայն կրէտինները(\*\*) կարող են տարակուսել, թէ յեղափոխականները կարող էին արհամարհել այդ պահանջը: Բայց եթէ այդպիսի կրէտիններ կան մեր մէջ, թող նրանք ստուգեն մեր կարծիքը ամբաստանուող յեղափոխականների ծրագիրներում, թերթերում, պաշտօնական մարմինների կամ անհատ գործիչների կեանքում եւ այլն: Եւ եթէ դրանից յետոյ էլ դեռ ապացոյցները պակասեն, թող դիմեն վերջապէս հայութեան այն մեծազոյն մասին, որ մի տեղ միանգամայն անտարբեր զտնուեց դէպի ընդհանուր ազդային խնդիրները, միւս տեղ քաղաքացիական արիութիւն չունեցաւ նպաստելու մեր շարժման, երբորդ տեղ հակայեղափոխական յայտնուեց, չորբորդ տեղ հարկ գտաւ մինչեւ իսկ իր յատուկ առփտաներին կտուրները բարձրացրեն՝ գործի կողմնակից յեղափոխականների դէմ սալաւաթ կանչելու համար: Հայութեան այդ մեծազոյն մասը անշուշտ կը հաստատէ, որ արդարեւ, եթէ գործի յեղափոխականները «քշով» հանդէս եկան, դա, յամենայն դէպս, չէ կարող բացատրուել նրանով, որ այդ յեղափոխականները «չատը» չէին ուզում կամ «չատը» ունենալու համար որեւէ ջանք էին խնայում: Այդ «հեղինակաւոր ցուցմունքով էլ հարցը ինքնին կը փակուի՝

(\*) Հասարակ: (\*\*) Crétin:

միանգամ ընդմիջտ պարզելով, որ այն, ինչ քա-  
ցարձակ տեսակէտից մեզ թւում է քիչ, համեմա-  
տական տեսակէտից եղել է ուժերի այն maxi-  
mum-ը (ամենաշատը), որ՝ որոշ ժամանակում  
եւ որոշ տեղի հանդամանքներում՝ կարելի է հա-  
մախմբել յեղափոխական գործի շուրջը:

Չենք ուզում երկարօրէն ծանրանալ եւ այն  
մասին, որ յեղափոխական ձեռնարկները ոչ միայն  
չէին հակասում նախապատրաստութեան պա-  
հանջին, այլեւ նրանք անխուսափելի միջոցներ  
էին այդ պահանջին դոհացում տալու: Մենք  
միայն կ'ամփոփենք այստեղ զանազան առիթնե-  
րով այդ մասին «Իրօշակ»ում յայտնած մեր կար-  
ծիքները:

«Եթէ մարդկային անցեալի նախակարապետ-  
ները իրենց գաղափարներն առաջ մղելու համար  
սպասէին, որ նախապէս ամէն ոք իրենց հետ հա-  
մաձայնէր, մեր քաղաքակրթութիւնը դեռ եւս կը  
լինէր քարի շրջանում», ասել է մի հրատարակա-  
խօս՝ մեզ թողնելով մտաբերել այն բոլոր խաչե-  
րը, խարոյկները, կախաղանները, կիյոթիւնները,  
բանտերը, մի խօսքով՝ արեան ու անհամար  
տանջանքների այն հսկայական հնոցները, որոնց  
միջից անցել են յեղափոխիչ գաղափարները: Ինչ-  
պէս երեխայի համար անհրաժեշտ է սիրող մայ-  
րը, այնպէս էլ յեղափոխական գաղափարի ան-  
ման համար միշտ անհրաժեշտ են եղել բանտերի  
խոնաւ օրօրոցները, երկաթէ շղթաների բաղձա-

լեզու նանինները եւ կարմիր դահիճների մահաբեր  
գուրգուրանքները: Ուրիշ էլք չկայ նոր գաղա-  
փարների յաղթանակի համար, կամ այլ խօսքով՝  
չկայ ուրիշ միջոց յեղափոխական գործը նախա-  
պատրաստելու համար: Այո՛, չկայ այս աշխար-  
հում աւելի կրթիչ օրինակ, քան գործերի կեն-  
դանի օրինակն է. չկայ աշխարհում ոչ մի լսա-  
բան, ուր կարելի լինէր ժողովել այնքան ուն-  
կընդիրներ, որքան ունենում է գործի ասպարէզը  
նետուած յեղափոխական քարոզիչը. չկայ ոչ մի  
ձայն աշխարհումս աւելի հեռու, աւելի մեծ տա-  
րածութեան վրայ լսուող, քան գործերի գոռում-  
գոչիւնն է. չկայ ոչ մի լեզու, որով կարելի լինէր  
խօսել ամբողջ մարդկութեան առաջ հասկանալի  
խօսքերով, բացի գործերի լեզուից:

Եւ իրաւ: Ո՞վ աւելի մեծ համարձակութիւն,  
աւելի մեծ բարոյական իրաւունք կ'ունենար անձ-  
նուիրութեան հրաւիրել ժողովրդի բոլոր կենսու-  
նակ տարրերին, քան ինքը՝ առաջինը արեան  
գաշտ նետուող յեղափոխականը: Ո՞վ արդեօք,  
ի՞նչ մարդ, ի՞նչ քարոզիչ կամ քարոյներ կարող  
էին Պոլսից մինչեւ Վան, Ռուսաստանից մինչեւ  
Ամերիկա ցնցել հայութիւնը՝ բոլորի սրտին  
միեւնոյն զարկը հաղորդելով, բոլորի առջեւ  
պարզ ամփոփելով մեր բնոյհանուր ազգային իդ-  
ձերը, քան այդ անում էին յեղափոխական ձեռ-  
նարկները: Ո՞ր զրոյր արդեօք, ո՞ր լեզուապէտը,  
ո՞ր հարուստը, ո՞ր հոետորը կարող էր հայկա-

կան պահանջների մասին այնքան հրատարակութիւնների մէջ, այնքան լեզուներով, այնքան զբրել, այնքան տպագրել, այնքան սրտեր ու մըքեր յուզել, որքան գրել, տպագրել, զգալ ու մըտածել էր տալիս հայ ժողովրդի ծանր, անձնական դժոխսային կացութեան թարգմանը, — յեղափոխական բողոքը: Ո՛ւր են վերջապէս, — հրոսակային կամ տեռորական, զինատար կամ փարթիզանական խմբերի կոիւններից դուրս, — այն դահլիճները, այն դորանոցները, ուր հայը պիտի վարժուէր արեան գործի մէջ եւ յեղափոխական բանակներ «պատրաստէր» կամ «կազմակերպէր»:

Գժուար չէ, ի հարկէ, գերադրական անկանների մի ամբողջ բեռ շալակած, նկարագրել միամիտների առաջ «լուռ ու մունջ նախապատրաստութիւնների» Փանտաստիկական հեռանկարը՝ անպայման յաղթանակով պսակուած, եւ յետոյ ղէնք դարձնել այդ զառանցանքները նոյն նախապատրաստութեան գործին ամբողջ հոգևով նուիրուածների ղէմ: Բայց «le superlatif est le cachet des sots» (գերադրական ձեւը յիմարների կնիքն է), վաղուց ասել է Մետերնիխ, եւ մեզ թոյլ կը տրուի, ի հարկէ, եթէ ոչ Մետերնիխից աւելի հեռու գնալ, գէթ համաձայնուել նրա հետ: Հասկանանք վերջապէս, որ անմտութիւն է պահանջել մարդկանցից մի բան, որ անկարելի

է իրագործել: Ի՞նչպէս պատրաստուել «տարինների ընթացքում լուռութեան մէջ»: Պէ՞տք է, որ երկիր մտնեն մարդիկ. պէ՞տք է, որ դրանք տեսնուեն, խօսեն, համոզեն, բանակցեն կարեւոր անձանց եւ տեղերի հետ. պէ՞տք է գրագրութիւն ունենան. պէ՞տք է ղէնք տարածեն, ստանան, պնեն, պահպանեն, տեղափոխեն. պէ՞տք է ղէնքի եւ նրա գործածութեանը ծանօթացնեն մարդկանց, թէ՞ ոչ: Փորձեցէք միայն փուռ խօսքերից կենդանարար գործի անցնել. փորձեցէք միայն շատ կարճ ժամանակ, — այո, թէկուզ ամենակարճ ժամանակ, — «նախապատրաստութեամբ» զբաղուել, եւ դուք կը տեսնէք, որ լուռութիւնը ձեր գործում շուտով կը խանգարուի: Թշնամին ոչ ձեզնից թոյլ է, ոչ էլ աւելի վատ կազմակերպուած: Ուր որ ղնաք, նրա ցանցերը, նրա սահմանափակումները, նրա պաշտօնական եւ ոչ պաշտօնական գործակալները կանգնելու են ձեր առջև ղէմ յանդիման, եւ այսօր չէ էգուց՝ դուք պիտի քոնուէք գործի վրայ: Ահա թէ ինչու «լուռութիւն» քարոզողները նրանք են մեծ մասամբ, որոնք ոչ մի աւրնչութիւն չունեն գործնական յեղափոխութեան հետ: Ահա թէ ինչու հսկայական «նախապատրաստութեան» քարոզների հետ նրանք դատապարտուած են «քաղաքակրթական» զարգացման մաշուած երգերը կրկնելու, տեղը եկած ժամանակ հնչեցնելու նաեւ «համբերութեան», «հաւատարմութեան», կամ «տեսական



յեղափոխութեան» քարոզները: Մի թշնամի, — որ ունի դարաւոր կազմակերպութիւն, որ իր ամբողջ քայքայման հետ դեռ ընդունակ է կանոնաւոր պատերազմներ մղել եւ երբեմն յաղթել իր հակառակորդներին, — հեշտ բան չէ այդ թըշնամուն այնքան երկար ժամանակ խարուած պահել, որչափ կը պահանջուի նրա ուժը հակակրօնող ուժ կազմակերպելու համար երկրի մէջ: Այդ ձգտումներում դուք յաջողութիւն չէք կարող ունենալ եւ հետեւաբար՝ թշնամուն սիստեմատիկաբար խաբել ձգտելով՝ դուք սիստեմատիկաբար խաբած կը լինէ՛ք միայն ձեր բարեկամներին ու ընկերներին, որոնք միամտաբար հաւատալով ձեզ՝ թէ դուք կարող էք եւ պէտք է խաբէք թըշնամուն, մի գեղեցիկ օր կը տեսնեն, որ միայն իրենք են ձեզնից խաբուել — աւելի ոչինչ:

Այդպիսի փոխադարձ յարաբերութիւններ, ի հարկէ, միանգամայն վայել յարաբերութիւններ են «սալաւաթ» պրոպագոզ սոֆթաների եւ իրենց բարեկամների միջեւ, եւ մենք դրա դէմ ոչինչ չունենք ասելու. բայց այդ «սալաւաթների» իսկական արժէքը վերջապէս հասկանալու համար մենք մի բոպէ մի կողմ կը թողնենք մեր հայեացքները դործի վրայ եւ կը կանգնենք մեր «քըննադատներին» տեսակէտի վրայ: Հակառակ տրամաբանական ու ընկերաբանական ամէն օրէնքի՝ համաձայնուենք մի բոպէ, որ հնարաւոր էր լրութեան մէջ պատրաստուել եւ այնպէս հրապարակ դուրս գալ: Ենթադրենք, որ — թէկուզ դիւթական զաւազանի մի հարուածով — յեղափոխականները գործի դիմէին՝ բաւական լայն չափերով կազմակերպուած ժողովրդի հետ: Մի՞թէ մենք կարող կը լինէինք հաստատապէս ասել, որ այդ դէպքում մենք արդէն ապահոված կը լինէինք մեր աղատութեան դործը: Ո՞ր է ուժերի այն minimum-ը (ամենաքիչ չափը), որ պահանջուում է դործ սկսելու համար: Վերջին յոյն-տաճկական պատերազմի ժամանակ Յունաստանը, իբրեւ անկախ երկիր, իր նախարարներով, իր զինուորական խորհուրդներով, սեփական խորհուրդներով, սեփական հողի վրայ, իր ազատ զօրանոցներում ժողոված, կրթած եւ կազմակերպած 60-70 հազար զօրք դուրս բերեց Տաճկաստանի դէմ եւ էլի յաղթուեց: Չէ՞ր կարող արդեօք մի այդպիսի դժբախտութիւն մեղ հետ եւս պատահել, թէկուզ կռուի դաշտ դուրս եկած լինէինք «մեծ պատրաստութիւններով»: Մեղ կարող են իրաւամբ նկատել, ի հարկէ, որ զազափարով ոգեւորուած մի յեղափոխականը արժէ ամենապակասը տասը այնպիսի պաշտօնական կռուողներ, ինչպիսին է զինուորը, այն էլ յունական զինուորը, եւ ուրեմն օրինակը համոզեցուցիչ չէ: Դիմենք ուրիշ օրինակների: Պուլկարները ապստամբել են 1828, 1837, 1841, 1862, 1867, 1868, 1872 եւ 1876 թուերին. ազատուել են 1878ին. ուրեմն շարժումը տեսել է 50 տարի, ունենալով 44 տար-

րակ դուրս գալ: Ենթադրենք, որ — թէկուզ դիւթական զաւազանի մի հարուածով — յեղափոխականները գործի դիմէին՝ բաւական լայն չափերով կազմակերպուած ժողովրդի հետ: Մի՞թէ մենք կարող կը լինէինք հաստատապէս ասել, որ այդ դէպքում մենք արդէն ապահոված կը լինէինք մեր աղատութեան դործը: Ո՞ր է ուժերի այն minimum-ը (ամենաքիչ չափը), որ պահանջուում է դործ սկսելու համար: Վերջին յոյն-տաճկական պատերազմի ժամանակ Յունաստանը, իբրեւ անկախ երկիր, իր նախարարներով, իր զինուորական խորհուրդներով, սեփական խորհուրդներով, սեփական հողի վրայ, իր ազատ զօրանոցներում ժողոված, կրթած եւ կազմակերպած 60-70 հազար զօրք դուրս բերեց Տաճկաստանի դէմ եւ էլի յաղթուեց: Չէ՞ր կարող արդեօք մի այդպիսի դժբախտութիւն մեղ հետ եւս պատահել, թէկուզ կռուի դաշտ դուրս եկած լինէինք «մեծ պատրաստութիւններով»: Մեղ կարող են իրաւամբ նկատել, ի հարկէ, որ զազափարով ոգեւորուած մի յեղափոխականը արժէ ամենապակասը տասը այնպիսի պաշտօնական կռուողներ, ինչպիսին է զինուորը, այն էլ յունական զինուորը, եւ ուրեմն օրինակը համոզեցուցիչ չէ: Դիմենք ուրիշ օրինակների: Պուլկարները ապստամբել են 1828, 1837, 1841, 1862, 1867, 1868, 1872 եւ 1876 թուերին. ազատուել են 1878ին. ուրեմն շարժումը տեսել է 50 տարի, ունենալով 44 տար-

ուան ընթացքում անընդհատ անյաջողութիւն: Յոյները ապստամբուեւ են 1770, 1798, 1801, 1812, 1820–1829 թուերին. ապստուութիւն գտան 1829–1830 թուին, այսինքն 60 տարուց յետոյ, շատ անգամ տեղիք տալով զարհուրելի կոտորածների եւ ամբողջ Պելոպոնէսի ու Մորէայի կատարեալ աւերման: Մի՞թէ պուլկարները եւ մանաւանդ յոյները միշտ «անպատրաստ» են կրուի դուրս եկել, որ տասնեակ տարիների ընթացքում միմիայն սոսկալի ձախորդութիւններ են ունեցել: Այսօրուան ազատ Կրետէն, որ իր կռիւ սկսեց դեռ Յունաստանի հետ միասին, ապստամբուեւ է աւելի քան տասն անգամ՝ պաշտպանելով իր դատը ամբողջ 128 տարի: Սերպերը կռուեւ են 40 տարու չափ եւ նախ քան ազատուիլը՝ պարտութիւններ են կրել շատ անգամ: Ռումանական շարժումը, նոյնպէս արիւնով ներկրւած, տեւել է ոչ պակաս 100 տարուց: Պոսնիա եւ Հերցեգովինա կռուեւ են 1830 թուից մինչեւ 1870ը: Իրլանտան 600 տարի է չէ ընկճուում իր ազատութեան տենչանքների մէջ, չնայած իր միլիոնաւոր զոհերին: Դեռ երէկ մարտնչող, հերոսական Քուպան միմիայն մեր դարում երեք խոշոր ապստամբութիւններ է ունեցել՝ միմիայն վերջին ապստամբութեան ժամանակ 200 հզար զոհ տալով: Իտալական յեղափոխութիւնը 60 տարի պահանջեց յաղթանակը տանելու համար: Հարցնում ենք. մի՞թէ սրանք բոլորն էլ ամէն

անգամ «անպատրաստ» են պատմական բեմ դուրս եկել, որ չեն կարողացել մի անգամից իրենց ապստութիւնը ապահովել...

\* \* \*

Ընթերցողը տեսնում է ուրեմն, որ «լուրջ» նախապատրաստութեան պահանջները, — որքան էլ շեշտակի ձեւերով կրկնեն նրանց հայ դպիրներն ու դպրիկները, — իսկապէս զուրկ են լըրջութեան որեւէ յատկութիւնից եւ ուրիշ կերպ չէ կարելի հասկանալ այդ պահանջները, բայց եթէ այն մտքով միայն, որ «յեղափոխական կռիւր այնպէս պիտի մղուէր, որ արդէն անպայման յաղթանակած լինէր»: Բայց եթէ պատմական երեւոյթները պէտք է քննուեն ոչ թէ իրենց ժամանակի եւ տեղի հետ սերտ կապուած պայմաններում, այլ ցանկութիւնների տեսակէտից, ո՞ր կարող են վերջանալ այս տեսակ գանդատների սահմանները: Երեւակայեցէք մի բոպէ, որ մենք այնքան բախտաւոր լինէինք, որ մինչեւ օրս մի միայն յեղափոխական շարքերից լինէինք զոհեր տուած, բայց եւ այնպէս՝ դեռ եւս ապարդիւն, չէ՞ր կարելի միթէ այդ դէպքում եւս ցանկութիւնների հարուստ աշխարհից պոկել բաղձանքների մի նոր փունջ եւ կրկին դատափետել յեղափոխականներին, որ դրանք, — շնորհիւ իրենց «անպատրաստութեան», «սառն դատողութեան»

բացակայութեան, «քաղաքական անփորձութեան» եւայլն, — միայն ծծում են սերնդի ամենալաւ ուժերը եւ վատնում ահագին միջոցներ առանց որեւէ «արդիւնքի»: Ենթադրենք այնուհետեւ, որ յեղափոխականներին յաջողուած լինէր որոշ զոհերով այս կամ այն բարեփոխումները ձեռք բերել Հայաստանում, մի՞թէ դժուար կը լինէր այստեղ էլ մեղադրել նրանց, որ — շնորհիւ իրենց «անպատրաստութեան» եւայլն — չկարողացան գործը այնպէս տանել, որ զոհեր քիչ տային կամ միեւնոյն զոհերով աւելի մեծ փոփոխութիւններ ձեռք բերէին: Չէ՞ր կարելի միթէ մի փոքր էլ դէնը զնալ եւ հիմնուելով նոյն «անպատրաստութեան», «սառն դատողութեան» բացակայութեան, «քաղաքական փորձառութեան» վրայ՝ պահանջել մինչեւ իսկ, որ ամենեւին զոհ չտային, այլ այնպէս՝ միմիայն քաղաքական յաջող խաղերի եւ մեծամեծ կապերի միջոցով՝ ուղղակի առաջ քրչէին եւրոպական միջամտութեան գործը եւ ապահովէին հայկական հարցի նպաստաւոր լուծումը: Եւ այդպէս շարունակելով՝ չէ՞ր կարելի միթէ հասցնել վերջապէս Գամառ-Քաթիպայի «Հայի բաղձանք»ին.

Ա՛խ, ինչպէս կ'ուզեմ տեսնել մեր հային Ազատ, ապահով, կրթեալ, ինքնագոհ, Ամէն հայի տուն-դրախտ երկնային... Լոկ այդ բանն ինձից չուզեցար մէկ գոհ...

Ա՛խ, ինչպէս կ'ուզեմ տեսնել Հայաստան Մի օր ազատուած քշմամու ձեռքէն, Հայի երկիրը-հայի սեփական... Լոկ այդ չբաժանէր ինձ իմ կոպէկէն»...

Բայց, — բարեբախտաբար թէ դժբախտաբար, չգիտենք, — բաղձանքները չեն, որ ընթացք են տալիս կեանքին: Ռուսերէն մի առած ասում է, որ «դժոխքի ճանապարհն էլ բարի ցանկութիւններով է սփռուած», բայց եւ այնպէս մենք գիտենք, որ այդ ճանապարհը առհասարակ հրապուրէչ է մարդկանց համար: Սակայն, ընթերցող, ոչ դարմանք եւ ոչ էլ դայրանք: Ամբոխային տրամաբանութեան մատնուած բոլոր գլուխների ընդհանուր ճակատագիրն է այդ. — մի ճակատագիր, որ միշտ իր անցթութեան դադաթնակէտին է հասնում մանաւանդ մեծ ձախտողութիւնների դէպքերում: Դա մարդկային ամբողջ պատմութեան մէջ դիտուած մի ընդհանուր երեւոյթ է, որ չեչտուժ են բոլոր ուղղութիւնների ընկերարանները:

«Ամենագարգացած հասարակութիւնների մէջ, — ասում է, օրինակ, Վորմս իր «Organisme et Société» աշխատութեան մէջ, — հանրային դժբախտութիւնների միջոցին, մինչեւ իսկ միմիայն երեւակայական դժբախտութիւններից ծնուած երկհիւղի ազդեցութեան տակ, երբեմն վերածնունդ են հին ժամանակների ամենասարսափելի, յաճախ ամենաբարբարոս սովորութիւնները»:

Ուրիշ խօսքով եւ մեր նիւթին յարմարեցնելով՝ դա նշանակում է, որ ընդհանուր ազգային դժբախտութեան ժամանակ՝ մարդկային կորուստների, մարդկային կոտորածների հետ անմիջապէս կապում են նաեւ մտքերի անխնայ կոտորածներ: Ահա թէ ինչու հասկանալի է, որ յաջողութեան օրերում դժգոհ «խոհեմների» թիւը ոչ այնքան մեծ կը լինէր եւ ոչ էլ այդ «խելօքները» կը կարողանային այնքան ունկնդիրներ գտնել, որքան այժմ: Յաջողութեան օրերում ընդհանուր յոյսերի պայծառ ալիքները իրենց բուն հոսանքի մէջ կ'առնէին այսօրուան նոյնիսկ հոգեպէս սնանկ դժգոհներին, եւ դրանք այն ժամանակ ոչ մի առիթ չէին բաց թողնի՝ նոյն կտուրների վրայից, որտեղից այսօր արշաւանքներ են քարոզում գործի յեղափոխականների դէմ, պոռալ արար-աշխարհին, որ նրանք միշտ էլ հաւանել ու օգնել են ամէն կարգի յեղափոխական ձեռնարկներին, որ միշտ էլ համոզուած յեղափոխականների շարքումն են եղել, որ նոյնիսկ առանց իրենց մասնակցութեան ոչ մի յաջողութիւն ձեռք բերուած չէր լինի եւայլն, եւայլն: Բայց ներկայ սեւ օրերում դրանք, — «խելօքներին» յատուկ տրամաբանութեամբ, նաեւ «հոտուութեամբ», — յարմարում են միջավայրին եւ ստուարացնում «քննադատների» շարքերը՝ մինչեւ որ վաղը միւս օր երբ պատմական անիւր որեւէ ձեւով կը թեքուի յօգուտ հայութեան, կրկին նր-

րանք յախուռն հոսանքով կը շտապեն ամենակատարի յեղափոխականների աթոռները գրաւել, մոռանալով եւ նոյնիսկ հերքելով, որ հենց այն ըրպէին՝ երբ պատմական անիւր թեքում էր, նրանք դեռ եւս քափ ու քրտինք էին թափում՝ ամբոխի առաջ իրենց «քննադատութիւններին» աւելի եւ աւելի համոզիչ ձեւ տալու...

\* \* \*

Ամփոփենք մեր կարծիքները:

Ասել՝ թէ յեղափոխականները նախ քան գործնական քայլերի դիմելը՝ պէտք է վաղօրօք լաւ «կազմակերպուէին» եւայլն — դա միեւնոյն է թէ ասել, որ գործը պէտք է լաւ տանուէր: Պարզ է, որ այդ տեսակ «խորհուրդները» ոչ ոքի համար արժէք չեն կարող ունենալ: Գործը, յեղափոխական գործը, լաւ տանելը մեր իտէպլն է արդէն. բայց ի՞նչպէս պիտի տանուէր այդ գործը կամ ի՞նչպէս պիտի տանուի, որ լաւ լինի, որ լաւ կազմակերպուած լինենք եւայլն, — ահա՛ ամբողջ հարցը, որի դիմաց իրար խառնում, իրար հակասում, իրար ոչնչացնում են մեր «խոհեմների» խորհուրդները, մեր «սոփոսա-դպիրների» սալաւաթները, մեր «քննադատող» դատարկ կարասների՝ ներդաշնակցութիւնից զուրկ, անմիտ ու միապաղաղ ձայները:

«Պատրաստութեան» կամ «վաղաժամութեան»

անմիտ ողբերի մէջ չէ կայանում մեր շարժման յաջողութիւնը (որովհետեւ իսկապէս երբ յեղափոխական նախաձեռնութեան մէջ մի բան կատարուում է կամ կարելի է կատարել, դա ինքնըստինքեան արդէն նշանակում է, որ «ժամը» հասել է), այլ կուրի յարատեւութեան մէջ: Մեր դատը վաղուց է հայերիս համար սոսկալի մի վէրքի նշանակութիւն ստացել: Ենորհիւ թուրք կառավարութեան կատարեալ կուրութեան՝ նա նոյն վէրքի նշանակութիւնն է ստացել թուրքիայի համար եւս: Թէ մենք եւ թէ թուրքիան բնորել ենք այդ վէրքի դէմ վիրաբուժական միջոց մենք զիմել ենք յեղափոխութեան, թուրքիան՝ մեզ կոտորելու միջոցին: Մեզ մնում է ուրեմն երկուսից մէկը.— կամ սեփական ձեռքով թաղել մեր դատը, կամ թէ շարունակել մեր կռիւը այնքան, որ նա՝ թուրքերի դէմ մինչեւ այժմ ուղղուած դժգոհութիւնների, պաշտօնական բողոքների եւ թղթի սպառնալիքների շրջանը անցնելով, վերջապէս մի վերք դառնայ նաեւ այն ազդութիւնների ու պետութիւնների համար, որոնք կապ ունեն թուրքիայի եւ մեր հարցի հետ: Այն օրը, երբ զրանք եւս կը համոզուին, որ այդ վէրքի դէմ պէտք է զիմել վիրաբուժութեան, մեր դատը ապահովուած կը լինի. այդ օրը կը լինի եւ մեր յաջողութեան օրը:

Չմոռանանք, որ մեր մօտիկ անցեալը, — որքան եւ ծանր լինի դա մեզ՝ ժամանակակիցներիս

համար, — պատմութեան մէջ շատ աննշան չըրջան պիտի համարուի, որպէսզի կարելի լինի նրանից որեւէ համարձակ եղբակացութիւնների յանդէլ: Մի թոյլ, անդէն, ցիրուցան, բաւականաչափ անհատական եւ ռազմական բնազդներով աղքատ ժողովրդի ազատագրական շարժումը այնպիսի մի հասարակական երեւոյթ չէ, որ իր առաջին բողբոջները ձգելուն պէս՝ հասունութեան հասնէր: Այդպիսի մի յաջողութիւն, ինչպէս վերելք տեսանք, չեն ունեցել նոյնիսկ մեզնից աւելի նպաստաւոր պայմաններում գտնուող ազգերը.— ո՞ր մնաց նոյնը պահանջել ընդամէնը տասը տարուան հասակ ունեցող մանուկ հայ յեղափոխութիւնից:

Այո՛, անցեալի կորուստները ճնշում, ճմլում են մեր սրտերն ու մտքերը, բայց չնմանուենք թուղիղիտէսի այն հերոսին, որ կուրի միջոցին փոխանակ իր հակառակորդի հարուածներին դիմադրելու, փոխանակ աշխատելու նրա մարմնի ամենազգայուն կէտերին հարուածներ տեղալու, ձեռքերը սեղմում էր մարմնի այն տեղերին, ուր ընկնում էին հակառակորդի հարուածները: Կասկած չկայ, որ այդպիսի մի ընթացք մեզ կը տանէր միայն դէպի անպայման կորուստ, այն ինչ՝ յարատեւ կռիւր դեռ շատ բան կարող է խոստանալ մեզ: Եւ ո՞վ դիտէ՝ թէ ինչ գոյնով պիտի լուսաբանուեն այսօրուան մեր կորուստները 50-100 տարուց յետոյ, երբ զրանք կը կապուեն հետեւո-

ղականութեամբ՝ մեր կեանքում տեղի ունենալիք յետագայ երեւոյթներէ հետ: Ո՞ր ազգը արդեօք, — երբեմն ստրուկ, իսկ այժմ ազատ, — չէ մոռացել իր կրած զարհուրելի կորուստները: Ո՞րը արդեօք դրանցից կը փոխէր այսօրուան իր ազատութիւնը նախկին միջակի հետ եւ անցեալ կեանքի այնպիսի մի ընթացքի հետ, ուր ոչ մի զոհողութիւն, ոչ մի աւերում չլինէր կատարուած: «Ձկայ մարդկութեան համար աւելի գեղեցիկ յոյս, քան մի ճնշուած ազգի յարութիւն առնելը» — ստիպուած է եղել խոստովանել նոյնիսկ այնպիսի մի հրէշ, որպիսին էր Տիգրայէլի:

Յարատեւ կռիւ, — յաճախ եւ երկար ժամանակ գուցէ անյաջող՝ չնայած երբեմն նոյնիսկ իր լայն ծաւալին, — ահա՛ թէ ուր է մեր փրկութեան բանալին: Պահպանե՛նք, շարունակե՛նք կրօնը, որպէս զի լայնանայ, ընդարձակուի, եւ ընդարձակուելով՝ յարատեւի. — ահա՛ դէպի մեր նպատակը տանող միակ ճանապարհը: Չչեղուե՛նք այդ ճանապարհից, որ պատճառների եւ հետեւանքների կապակցութեամբ ունի պատմութեան մէջ հաստատուած օրէնքի ուժ. չչեղուե՛նք այդ միակ ճանապարհից, որ սփռուած է յուսատու ապագայի գրաւիչ ծաղիկներով...

1900



Քրիստափոր Միքայէլեան եւ Ռուբինա Արէշեան

# ՊԱՏՄԱԿԱՆ ԶԱՐԻՔ

## I

Մենք թոյլ էինք անցեալ յեղափոխական կրոնի ընթացքում, մենք զօրեղ չենք եւ այժմ: Զանազան կարգի, զանազան բնագոյնների հայեր, ընդունելով միեւնոյն երեւոյթը իրր փաստ, տարբեր բացատրութիւններ են տալիս զրան:

«Ամբոխային տրամաբանութիւն» վերնազիբը կրող յօղուածների մէջ մենք արդէն խօսել ենք այդ բացատրութիւններից մի քանիսի մասին: Նոյն յօղուածներում ցոյց ենք տուել նաեւ երկու տեսակի պատճառներ, որոնք կարող են որոշ չափով լուսարանել մեր ներկայ թուլութիւնը:

Բայց այս երկու պայմաններից զուրս՝ կան եւ ուրիշ պատճառներ, որոնք նոյնպէս ի նկատի պէտք է առնուեն ներկայ հարցը աւելի լաւ լուսարանելու համար: Դրանցից մէկը, որի վրայ այժմ մանաւանդ մենք մտադիր ենք կանդ առնել, դա միջավայրի անհրաժեշտ խնդիրն է, որի չնորհիւ ամէն-մի հոսանք միշտ իր արտայայտութիւններում այլափոխուում, այս կամ այն ուժը,

այս կամ այն դոյնն է ստանում : Համամարդկային ընդհանուր օրէնքները անկարող են դեռ բացատրել բոլոր այն երեւոյթները, որոնք տեղի ունեցան կամ դժբախտարար տեղի չունեցան մեր շարժման մէջ : Այդ նպատակին հասնելու համար մենք պէտք է վերցնենք նաեւ հայկական այն ուրոյն մթնոլորտը, զուտ ազգային մեր այն նկարագիրը, որի պայմաններում պէտք է դարգանար մեր շարժումը :

Չկայ մարդկային պատմութեան մէջ չըջան, որ նախապատրաստուած չլինէր նախորդ շրջանում կամ շրջաններում : Լաւր կամ վատր յայտնի ժամանակում, մանաւանդ երբ դրանք արտայայտում են աչքի ընկնող, խոշոր ծաւախներով, անշուշտ ունեն նախորդ անցեալում իրենց որոշ արժատները, եւ որքան լաւը, դրականը պէտք է նկատուի անհրաժեշտ արդիւնք-վարձատրութիւն արժանաւոր անցեալի, նոյնքան էլ վատը, բացասականը պէտք է համարուի բնական արդիւնք-պատիժ յանցաւոր անցեալի : Այդպէս, օրինակ, միապետական ռեժիմի սահմանափակում կամ կատարեալ կործանում, ստրուկների ազատութիւն, բնորոշական սկզբունք, ընդհանուր ժողովրդական ձայնատուութիւն, գիտութիւնների ծաղկում եւ այլ բարեբեր քաղաքակրթական երեւոյթները պատրաստուել են երկար ժամանակների ընթացքում : Նոյնպէս եւ բացասականները : Հոռմէական կայսրութիւնը վերջացաւ 475 թուին,

բայց ամենքին յայտնի է, որ նրա անկումը արդէն փաստ էր Թէոդորոսի օրերից, իսկ այդ օրերը իրենց ծնունդն առին դեռ քրիստոնէութեան առաջին տարիներում՝ Կալիզուլաների եւ Ներոնների հետ : Բիւզանդիոնը ընկաւ 1453 թուին, Կոստանդին Պալէօլոզի օրով, բայց ով չգիտէ, որ այս կայսրութիւնը արդէն իր կեանքի կէսից թեքուած էր շարունակ դէպի անկում : Ֆրանսական միապետութիւնը խորտակուեց Լուդովիկոս ԺԶ-ի օրով, բայց մենք գիտենք, որ Լուդովիկոսը անձամբ ոչ մի մեղք չունէր նախկին ռեժիմի վատութեան մէջ եւ նոյնիսկ, իբրեւ անձնաւորութիւն, ինչպէս եւ Կոստանդին Պալէօլոզը, վատ մարդ չէր :

Չունենք եւ մենք մեր անցեալում այնպիսի գործօններ, որոնք կարող էին մեծ նշանակութիւն ունենալ այսօրուան մեր թուրութեան, այսօրուան մեր դժբախտութեան փաստում :

«Հայ հեղինակի պարտականութիւնն է, — ստում էր Ստեփանոս Նազարեանցը 1860 թուին, — այսօր ցուցանել անաչառապէս, թէ հայոց ներկայ, այժմեան դրութիւնը չէ մի պատահական բան, մի անիրաւ ընթացք բախտի կոզմից դէպի Հայկի որդիքը, այլ մի հարկաւոր հետեւանք նոցա թոյլ եւ աննշան պատմական կեանքի, նոցա անբազաբազտ կառավարութեան... , նոցա կործանիչ անմիաբանութեան... , անմիտ,



մասնաւոր անձնասիրութեան այնպիսի միջոցներում, երբ հայրենիքը պահպանելու համար պիտոյ է լռելին եւ պապանձելին առանձնական ախտերը, եւ հայրենիքի պահպանութիւն պիտոյ է լինէր միակ օրէնստու առաջնորդը եւ միակ նպատակը իւրաքանչիւր մասնաւորի առանձնապէս եւ ամենեցուն ընդհանրապէս: Ուր հարկաւոր է եղել միաբանութեամբ գործ դնելու թշնամու դէմ ֆառակական առաքինութիւններ, հայերը՝ անձնական շահը վերադասելով ընդհանուրից, կործանուել են ինքեանք իւրեանց մէջ... Եթէ կան ազգի հոգու մէջ մի ֆանի կայծեր կենդանութեան, թող ազգի *բարեմիտքը*, *ձեռք ու սիրտ տուած միմեանց*, *զարթեցնեն ու բորբոքեն զբանց (կայծերը)*։ ապա թէ ոչ, անտարակոյս է, որ շատակեր կռոնոսը կ'ուտէ եւ կը մաշէ մեզ իբրեւ անպիտանացած որդիք ժամանակի»:

Եւ սկսեցին «այդի բարեմիտքը զարթեցնել եւ բորբոքել ազգի հոգու մէջ եղած կենդանութեան կայծերը»: Այդ «բարեմիտներն» էին՝ ինքը Նազարեանց, Միքայէլ Նալբանդեանց, Գամառ-Քաթիպա, Բաֆֆի, Արծրունի, — մեր վերջին երկու սերունդի ամենախոշոր աստղերը: Սակայն, ինչպէս հրեղէն խօսքերի այդ տիտանները իրենց գործունէութեան շրջանում երբեք չմոռացան այն միջավայրը, որի հետ գործ ունէին, նոյնպէս եւ նրանց հարազատ յաջորդ՝ հրեղէն

գործերի հեղինակ յեղափոխական երիտասարդութիւնը՝ պէտք չէ անտես առնէ այն որոշ պահասութիւնները, որոնց կնիքը կրում է մեր տըխուր անցեալը:

1862 թուին՝ նոյն Նազարեանցը գրում էր.

«Մեր հայերը ասիական բռնակալութեան տակ, — ինչպէս նոյն պայմանների մէջ սովոր է պատահել նոյն բանը ամենայն ազգերի, — ուսել են միմիայն խորամանկութիւն եւ խարդախութիւն... երբեք մտաբերել չեն դոքա թէ միաբանութեամբ կարողացած կը լինէին իւրեանց հասարակաց թշուառութիւնը թեթեւացնել: Այսպէս յառաջացել է մեր մէջ այն առանձնութեան հոգին, այն անէր բարքը, այն կոպիտ անձնապաշտութիւնը, որ չէ թողում հայերի մէջ գոյանալու մի ընկերական բան, մի հասարակօգուտ ձեռնարկութիւն:

«Լեւոնի վշտի» հեղինակ Սմբատ Շահապիզեանը՝ բերելով Նազարեանցի այս խօսքերը իր «Հրապարակախօս Ձայն»-ի մէջ (Երես 218), անկացնում է իր կողմից:

«Եթէ մինին զարկում են, միւսը փոխանակ օգնական լինելու իւր ընկերներին, փախչում է»... Երեւի, մեր ազգը, երկար տարութեան լով ասիական լծի տակ, կորցրել է եւ իր գեղե-

ցիկ յատկութիւններից շատերը. հայոց ազգի որդիքը, սկզբում հանդիսացած հերոսական փառքեամբ եւ հայրենասիրական օրինակներով, այնքան նեղութիւն են փաշել օտարից, որ այժմ այլեւս չեն կարող արծարծել իրենց սրտում առաջի աշխոյժը ու արիականութիւնը: Այդ անբնական դրութիւնը, որի մէջ գտնուում է հայը, յառաջ է բերել նրա համար եւ շատ չարայաջող հանգամանակներ, որպիսի են, մտերմաբար ծառայել օտարին, օտարի առաջ երկչոտ նապաստակ դառնալ, իսկ իւր խեղճ եղբօր համար հայակերպ գազան. օտարինը պաշտպանել եւ իւրը կործանել: Եթէ այդ տեսակ դատադութիւնը միայն իմ գրչի պտուղը լինէր, ես վերջ ի վերջոյ կը փռմանէի եւ կը ճղէի գրած տողերս. բայց տարաբախտաբար բոլոր ազգագէտ հեղինակները նոյն բանն են վկայում եւ սարսափելի իրողութիւններով իրենց ասածը հաստատում»:

*Բաֆֆին, ի հարկէ անկախ Նազարեանցի շեւտած «կայծերից», — նոյնիսկ «կայծեր» էլ անուանեց իր հռչակաւոր պրուածքներից մէկը. բայց ահա ինչ ենք կարդում այդ վէպի 323-325 երեսներում.*

«Տխուր է մեր անցեալը, եւ մեր ներկայ կեանքը անցեալի շարունակութիւնն է: Ես շատ տեղեր եմ ման եկել, շատ երկիրներ եմ տեսել,

բայց ոչ մի ազգ չեմ տեսել, որ հայի նման լինէր... Որտեղ երկու տուն հայեր կան, նրանց մէջ չորս կուսակցութիւն կայ: Անմիաբանութիւնը վաղեմի ժամանակներից մեր ազգի կեանքի մէջ այն ուտող, մաշող ցեղն է եղել, որ ժառանգաբար անցել է մեզ, եւ որ սպառել է ազգային մարմինը: Մեր պատմութեան մէջ կարող էք տեսնել հազարաւոր օրինակներ, մանաւանդ այն դարերում, երբ պարսիկները, յոյները, արաբացիները, սելուկները եւ մոնղոլական զանազան ցեղեր կրակով եւ արիւնով ոչնչացնում էին Հայաստանը... Թուրքերի մէջ արդէն առած է դարձել ասել՝ «կեաւորների գլուխները չեն միանայ», որ կը նշանակէ, թէ հայերի մէջ միաբանութիւն չէ կարող կազմուել: Ցաւալի է մի այդպիսի կարծիք, եւ ւսելի ցաւալի է, որ նա ուղիղ է... Հայը ռիսերիմ է՝ մատնիչ է, վրէժխնդիր է այն անարգանքի դէմ, որ նա կրում է մի այլ հայից: Բայց եթէ նոյն անարգանքը նա ստանում է տանկից, ֆուրտից, մի խօսքով՝ օտարից, նա ամենայն խոնարհութեամբ համբերում է»:

*Գամառ-Քաթիպայի, — այդ հայկական Աղամանտո Կորայիսի, — խոշոր ամբաստանութիւնները հայերի հասարակական ախտերի մասին ոչ միայն ծանօթ են բոլորին, այլեւ յաճախ մեր «ազգասիրութեան» բողոքներին երկուում են առանց խղճահարութեան:*

Գրիգոր Արծրունու հայեացքները հայի ցեղական յատկութիւնների վրայ նոյնպէս յայտնի են ամենքին: Մենք բերենք այդ հայեացքների մի ամենամեղմ նմուշը, որ կարգում ենք նրա «Տանկահայերի տնտեսական դրութիւնը» գրքոյի մէջ.

«Հայը ունի եւ խոշոր պակասութիւններ իր մեծ արժանատութիւնների հետ միասին — անմիաբանութիւն, անհաշտ ոգի, ռիս, փախանձ, բայց դրանք բոլորն էլ դարեւոր ստրկութեան հետեւանք են մահմետական տիրապետութեան տակ: Ազատութիւնը չէ կարելի սովորել ստրկութեան մէջ. միայն ազատութիւնն է վարժեցնում ազատութեան»:

«Հայերի առաքիւնութիւնները խաղաղ ժամանակի առաքիւնութիւններ են, իսկ ախտերը հետեւանք՝ այն ֆիշման, որին նրանք ենթակայ են».  
— ասել է Պայրրընը, կարծես ուզենալով չեչտել, որ հայերը զուրկ են անխաղաղ օրերում պահանջուող առաքիւնութիւններից:

Այս վերջին միտքը աւելի որոշ կերպով արտայայտուած ենք գտնում երկու գրքոյիցներում, որոնք պատկանում են մէկը՝ հրէատեաց եւ իսլամատեաց մի Փրանսացու, Կիմոն անունով, իսկ միւսը Փրանսական մի սպայի՝ կոմս Շոլէ անունով:

Կիմոնը իր «La pathologie de l'Islam» գրքի 205 էրեսում ասում է.

«Այսօր երկար շրջանի այն ֆիշումներից յետոյ, որոնց ենթակայ են եղել հայերը, այն ծանր ստրկական տանջանքներից յետոյ, որոնց նրանք բռնադատուած են եղել, հայերի հին յատկութիւններից մի քանիսը կորչել, ոչնչացել, անհետացել են: Օրինակ, նրանց համար օտար են՝ ռազմական զգացում, պատերազմական հակումներ, մարտական ոգի, զինավարժութեան սովորութիւն, յարձակման բնագոյ, յաղթութեան բերկրանք: Նրանք կորցրել են, — ինչ որ շատ վրտանգաւոր է, — նոյնիսկ ինքնապաշտպանութեան զգացումները»:

Շոլէն «Arménie, Kurdistan et Mésopotamie» իր ճանապարհորդական նկատողութիւններում յաճախ վիրաւորիչ լեզուով է խօսում հայերի մասին, եւ մենք կը բաւականանք մի քաղուածքով միայն (էրես 86): Յիշելով, որ նեստորականները, սուրբիացիք եւ Լիբանանի մարոնիտները՝ աւելի սակաւաթիւ լինելով, կէս-անկախութիւն են ձեռք բերել, Շոլէն շարունակում է.

«Հայերը աւելի բազմաթիւ են, աւելի հարուստ, աւելի նեցուկներ ունին, բայց չեն հասել... ոչ մի բանի: Նրանց պակասում է պատե-

րազմական ոգին, ապստամբական գգացմունքը, որ կարող էին պահպանել նրանց»:

\* \* \*

Հայ յեղափոխական շարժումը իր զիտակցական գոհերով, իր հերոսական կռիւներով, իր նահատակներով, ի հարկէ մաքրեց հայի ճակատից մի խոշոր մասը այն սարսափելի անարդանքի, զոր դրոշմել էր նրա վրայ բարոյապէս մաշող, քայքայող, անողորմ պատմական անցեալը: Այդ ճիշդ է եւ դրա մասին այլեւս խօսք չէ կարող լինել: Բայց արդարադատ լինելու համար չմոռանանք նաեւ, որ վերոյիշեալ հեղինակները, շեշտելով հայի ցեղական կորստաբեր պակասութիւնները, չեն մոռանում նաեւ նրա արժանաւորութիւնները. — նրա կուլտուրական հակումները, նրա մշտաւոր ընդունակութիւնները եւ տոկունութիւնը, որոնց շնորհիւ՝ դարերի ընթացքում մի բռնակալից միւսի ճանկը ընկնելով, տանելով իր վրայ յոյների եւ պարսիկների փոխադարձ կռիւների ամբողջ ծանրութիւնը, յօշոտելով հոռոմայեցիներին, արաբներին, թաթարներին եւ տաճիկներին, — հայ ժողովուրդը այնուամենայնիւ կարողացել է պահպանել իր ազգային ինքնուրոյնութիւնը: Ինչ վերաբերում է յատկապէս հայ հեղինակներին՝ չէ՞ որ թէկուզ միայն հենց իրենց՝ այդ հեղինակների գոյութիւնը, նրանց մաքուր

գործունէութիւնը, նրանց բարոյական բարձր գիտակցութիւնը, նրանց հրաբխային հոգիները արդէն մի-մի խոշոր ապացոյցներ էին, որ հայութիւնը դեռ եւս բոլորովին ընկած չէ: Չէ՞ որ եթէ նրանք արժանի չհամարէին հայ ժողովուրդը մի աւելի լաւ դրութեան, եթէ չպաշտէին այդ ազգը իրենց սրտի խորքում եւ որ զլիսաւորն է, չհաւատային հայութեան լաւագոյն ապագային, նրանք չէին էլ այրուի-տանջուի նրա ցաւերով, չէին էլ տալ իրենց ամբողջ հոգին այդ ժողովուրդի վերածնման գործին, չէին էլ ամենայն ժամ հրաւիրի՝ «թող այսօր — ինչպէս ասում էր Նազարեհիւր — մեր ազնիւ եղբայրքը, իւրեանց անձնական ախտերը վեհաանձնութեամբ գոհ բերելով հայրենիքի սուրբ սեղանի վրայ, դառնան մի կամք, մի հոգի, մի սիրտ հայկական աւերակ տունը շինելու համար»:

Նոյն դրութեան մէջ պէտք է զգան իրենց ներկայումս եւ հայ յեղափոխականները, որոնց գործը այսօր դժուարացնում է սաստկապէս ոչ միայն ահարկու թշնամին, որի օրերը սակայն հաշուած են, ոչ նոյնիսկ քաղաքական դաւաճան հանգամանքները, որոնք տեւական չեն կարող լինել, — այլ պակասութիւնը, թուլութիւնը այն ազգային ճիգերի, որոնք հարկաւոր են «հայկական աւերակ տունը շինելու համար»: Չմոռանանք, որ այն օրից, երբ «Հիւսիսափայլը» հնչեցնում էր հայերի ականջին միութեան իր կոչը,

չատ ժամանակ անցաւ եւ թէ եւ հայութեան հաւաքական դիտակցութիւնը յառաջդիմեց ու ծաւալուեց, բայց զրա՛մ համեմատ՝ անողոք պայմանների շնորհիւ՝ շատացան, խստացան նաեւ մեր օրերի պահանջները...

Եւ երբ ստանարիւնութեամբ դիտում էք դուք՝ թէ ինչ է ներկայացնում բնդհանուր առմամբ հայկական կեանքը մի այնպիսի կրիտիկական բողոքով, ուր մեզ կոտորում են շտեմնուած ու շլուած շափերով, երբ տեսնում էք, քանի՛ք անի՛ր՝ զործեր, — նոյնիսկ անպայման ապահով իրենց անմիջական արդիւնքների տեսակէտից, — չեն ձեռնարկուել եւ չեն ձեռնարկում այսպիսի մի ճշմարտութիւն միմիայն միջոցների կամ մարդկանց պակասութեան պատճառով, երբ միաժամանակ նկատում էք, թէ որքան վնասակար, այլանդակ, քայքայիչ երեւոյթներ են տեղի ունեցել եւ ունենում են շուրջներդ. երբ վերջապէս պատկերացնում էք ձեր աչքի առաջ այն պարզ ճանապարհները, որոնց վրայ մի քանի իրար յարակից բուռն ջանքեր զուցէ բաւական լինէին մեր ապագան յաւիտեան ապահովելու համար, — այն ժամանակ կամայ-ակամայ անդրադառնում էք անիծեալ մեր անցեալին, որի պատուաստած սեւ արիւնք անկասկած դեռ ամբողջովին չէ կորցրել իր աւերիչ ուժը մեր երակներում:

## II

Առաջ բերելով հայկական միջավայրի, ազգային մեր առանձնայատկութիւնների խնդիրը, մենք չենք գնում մի մետաֆիզիքական հարց: Եթէ հիմնովին մերժենք անպամ ցեղական ուրոյն, հիմնական տարբերութիւնների մասին զոյութիւն ունեցող յայտնի տեսութիւնները (Մոնթեսքիօ, Կիլոս, Թէն, Ռիման եւ այլն), յամենայն դէպս պէտք է բնդունել առնուազն, որ կայ առանձնայատկութիւնների մի որոշ զանգուած, որ այս կամ այն ազգութիւնը ստանում է երկար ժամանակ միեւնոյն պայմանների ազդեցութեան ենթարկուելով եւ այդ առանձնայատկութիւնները, — ժառանգական օրէնքի համեմատ, — սերունդից սերունդ փոխադրելով: Երբի աշխարհագրութիւն, կլիմայ, միջազգային դրութիւն, կառավարութեան ձեւ, օրէնքներ, պատմական անցեալ իր դժբախտութիւններով, յիշողութիւններով եւ փորձերով, դրականութիւն, լեզու, կրօն, եւ այլն, — ահա այն պայմանները, որ կարող են կրթել մի ժողովրդի մէջ այս կամ այն հակումները, որոնք իրենց տեսակով կամ շափով չեն կրկնում ուրիշ ժողովուրդների մէջ:

Ահա ինչպէս է «յառաջացել մեր մէջ այն անանուրբեան հոգին, այն անխէր բարքը, այն կոպիտ անմնապաշտութիւնը, որ չէ թողնում հա-

յերի մէջ գոյանալու մի ընկերական գործ, մի հասարակօգուտ հիմնարկութիւն»։ Ահա ինչպէս են զարգացել մեր մէջ այն բնագոյնները, որոնց համեմատ՝ «ուր հարկաւոր է եղել միաբանութեամբ գործ դնելու թշնամու դէմ քաղաքական առաքինութիւններ, հայերը՝ անձնական շահը գերադասելով ընդհանուրից, կործանուել են իրենք իրենց մէջ»։

Թողնենք մօտիկ անցեալը։ Թողնենք այն զարմանալի տեսարանները, երբ Պերլինի զաւնագրից յետոյ հայ մտաւորականութիւնը, ընդհանրապէս վերցրած, առանց տեղիցը շարժուելու, առանց մատը մատին խփելու՝ Եւրոպայից բացարձակապէս պահանջում էր «հայկական անկախութիւն» (տես 1878-79 թուերի պարբերական հրատարակութիւնները), ո՛չ աւել, ո՛չ պակաս, իսկ հայ բուրժուազիան, հաւատարիմ իր մշտական սկզբունքներին, նորոյթի հարցի չափ անգամ կարեւորութիւն չէր տալիս այնպիսի մի հսկայական խնդրի, ինչպէս էր հայկական դատը։ Դիմենք վերջին տասնամեակին միայն, երբ հայ-թրքական յարաբերութիւնները արդէն ստացան ամենասուր կերպարանք, կեանքի եւ մահու խնդիր ստեղծեցին մեզի համար եւ առաջ բերին մի տալանապալից, մի բացառիկ, մի անօրինակ ծանրագոյն վիճակ։ Ի՞նչ կարող է աւելի պարզ լինել քան այն, որ բացառիկ դրութիւնը պահանջում էր նաեւ բացառիկ եռանդ, բացառիկ

գործունէութիւն, բացառիկ նիզեր։ Բայց ո՞վ հետեւեց այդ պահանջին՝ բացի մտաւորական կամ զուտ ժողովրդական երիտասարդութեան համեմատաբար մի աննշան փոքրամասնութիւնից։

\* \* \*

Ահա մի քանի գծեր։

Հազարաւոր անհատներ կարելի է գտնել հայերի մէջ, որոնցից իւրաքանչիւրը կարող էր ամբողջ նահանգներ ղինել Տաճկահայաստանի մէջ։ Դուրս եկա՞ւ գոնէ մէկը։ 1895 թուին, պատմում է Մակ Կօլը («Սուլթան եւ Պետութիւններ») հայկական կոտորածների տպաւորութեան տակ.

«Մի անգլիացի, իր քաղաքական համոզմունքներով պահպանողական, յայտարարեց, որ եթէ մեծ պետութիւնները, իրենց մեծագոր սկզբունքներով, արիութիւն չունեն սուլթանի ոմրագործ կատաղութիւնը սանձահարելու, ուրեմն Հայաստանում դիւանագիտութիւնը առնուազն կարող է փոխարինուել ինքնաշօժար ջանքերով, ինչպէս այդ եղաւ յունական անկախութեան կռուի ժամանակ, եւ իր կողմից նա առաջարկեց 5000 ֆ. ստ. (25,000 ֆրանկ), որ գէնք գնուի անօգնական քրիստոնեաներին բաժանելու համար Տանկաստանի այն տեղերում, որոնք մատչելի են ծովի կողմից»։

Իսկ մե՞նք, հայե՞րս... Բաւական է յիշել, որ ամենախոշոր պումարը, որ ամբողջ հայութեան մէջ մի հատիկ մարդ նուիրել է ղէնքի գործին, այդ եղել է ընդամէնը 25.000 Փրանկի չափ մի ծախս... Բայց միաժամանակ քանի՛-քանի՛ անձնուէր եւ փորձուած գործիչներ, քանի՛-քանի՛ պաւառներ կորան, հայուեցին միմիայն եւ մի միայն տարիների ընթացքում եւ ամենաբարեկաջող հանդամանքներում ղէ՛նք, ղէ՛նք ու ղէ՛նք սպասելու եւ վերջ ի վերջոյ շատանալու պատճառով...

Հազարաւոր նիւթապէս ապահով հայեր Հնդկաստան, Անգլիա, Ամերիկա, Ափրիկէ, Չհանամ են գնում ու գիտէ ինչ գծիւային միջոցներով՝ իրենց ունեցածը աւելացնելու համար, բայց եւ ոչ մէկը չգտնուեց, որ այսպիսի մի անսովոր պատմական դժբախտութեան օրերում տեղիքը շարժուէր հասարակօրուտ որեւէ ձեռնարկի համար: Եւ այս ոչ միայն հին սերունդի ներկայացուցիչների մէջ, այլեւ երիտասարդ գրամատէրերի շրջանում, որոնք ունեն ե՛ւ ուսում, ե՛ւ զարգացում ու երբ սկսում են խօսել հասարակական գործունէութեան եւ ժողովրդի շահերին ծառայելու անհրաժեշտութեան վրայ, Կլատսթոններ ու Լաստալներ պէտք է գերեզմաններից կանչուեն նրանց հետ մրցելու համար...

Քաղաքակիրթ աշխարհում էլ ժողովուրդ չմնաց, որ այս կամ այն չափով արձագանգ չտար

հայկական թշուառ միճակին: 1894 թուականից սկսած՝ անգլիացիք, ֆրանսացիք, հոլանդացիք, ամերիկացիք, դուիցերիացիք, նոյնիսկ գերմանացիք հայերին օչնութեան ձեռք մեկնեցին, երկրի մէջ հայ ժողովրդին դրամ, հաց եւ երկրագործական անասուններ բաժանելու կամ որրացած մանուկներին խնամելու եւ կրթութիւն տալու համար: Իսկ ի՞նչ արին իրենք հայերը: Մենք ունենք հազարաւոր հայեր, որոնցից իւրաքանչիւրը կարող էր նոյնքան մարդ կերակրել, նոյնքան որրանոցներ հիմնել, որքան այդ արուեստի քանի ազգերից ժողովուած գրամներով. բայց դուրս եկա՞ւ այդպիսի մէկը: Յայտնի է, որ միակ մի Չանչեան, ծաղումով միայն հայ, իսկ կրթութեամբ կէս վրացի, կէս ուս, իր անձնական աշխատանքով աւելին արեց հայ մանուկների համար, քան մեր «ազգասէր» հարուստները:

Ո՞վ չէ յիշում 1890-91 թուականների ազմուկը հայ մտաւորականութեան մէջ՝ Տաճկաստանում թէ Տաճկաստանից դուրս, կանանց թէ տրդամարդկանց, երիտասարդների թէ հասակաւորների մէջ: Իսկ ո՞ւր են դրանք 1891-92ից սկսած: Արժան զնով ազատութիւն ձեռք բերելու յոյսերով հարբած՝ դրանք մօտեցան յեղափոխական գործին, կարծես վախենալով, որ կուց-միւս օրը յանկարծ առանց իրենց անմեղ ազմուկին էլ Հայաստանը առկախ երկիր կը հռչակուի եւ յետոյ այդ հանդիսւոր օրը իրենք կը մնան առանց

դափնիններէ: Բայց հենց որ իրականութիւնը պարզեց, որ զործը անորոշ ժամանակով՝ բացի զոհոգութիւններէց, ոչ մի տեսակ դափնիններ չէ կարող խոստանալ ոչ ոքի, զրանք չքացան, ինչպէս քամու մի շնչով ստեղծուած ալիք: Դիցուք թէ հասարակ կամ մտաւորական ամբոխի մէջ դառնդհանրապէս հասկանալի մի երեւոյթ է: Բայց ո՞ւր մնացին նաեւ երբեմն յեղափոխական կենտրոններում բազմելու համար զլուխ պատառող մեր պարոնները. ո՞ւր են երբեմն զլխաւոր վարիչ անդամներէ մեծագոյն մասը. ո՞ւր են զիշեր ցերեկ զրանց շուրջը պտտող «համոզուած» յեղափոխականները. ո՞ւր են յեղափոխական ամբողջ շարժման տօն տալու յաւակնութիւնը տածող կամ իրենցից հարիւր անգամ աւելի զոհոգութեան ընդունակ տարրերի զլխին «անձնանուիրութեան» եւ «նոր արշալոյսներէ» մասին ճառող կարմիր դրօշակակիրները: Հաւատարիմ իրենց «խելօք» հայրերին, նրանք իրենց համար այժմ նոյնպէս աւելի ձեռնադրու պայմաններէ եւ հասարակական զիրքէ են ձգտում, ինչպէս ձեռնադրու կերպով այն ժամանակ կարող էին յեղափոխութիւնով զրադուել...

Նոյն 1890-91 թուականներին էր, որ ռուսահայ եւ տաճկահայ մտաւորականութիւնը իրար հետ մրցում էին հայ ժողովրդի ազատագրութեան նուիրուելու փառաւոր խոստումներով: Իսկ յետո՞յ... Յետոյ տաճկահայ մտաւորականի ի-

տէալը դարձաւ ամբողջ երկրագունդը՝ մինչեւ տուարներէ հայրենիք Ամերիկան, իսկ ռուսահայինը՝ Բապու, ուր մարդիկ երբեք զէպի վերը, զէպի բարձրը, զէպի իրենցից հեռուն չեն նայում, այլ միշտ զէպի ներքեւ, զէպի երկրի տակը, զէպի զժոխային այն խաւարը, ուր 150-200 սաթէնի խորութեան անդունդներում թաղնում է նաւթաջրի կախարդիչ փայլը... Ընդհանուր դրութիւնը ծանր է. Տաճկաստանում կոտորում են, Ռուսաստանում հալածում. — եւ ահա հայ մտաւորականը հաւատարիմ իր մօր կաթի հետ ծծած ստրկական բնազդներին, զգում է իրեն ինչպէս մի ժանտախտի օրերում «ազատուի՛ր, ով կարող է». «փախի՛ր՝ ով ոտքեր ունի», — եւ փախչում են՝ ոտի տակ տալով բոլոր այն տարրական պարտաւորութիւնները, որ ծանրանում են նրանց վրայ այսպիսի մի զժուար պատմական բոպէում:

Ամբողջ իննսնական թուականներում հայ ուսանողների թիւը, մանաւանդ Եւրոպայում, աճում է: Նահատակուած յեղափոխականների ընկերները անգամ դրանց անուշով վրէժ չեն կոչում, այլ այդ նահատակների հետ իրենց ունեցած մօտիկութիւնը պատուանդան են շինում նրանց յիշատակը յարգողների առաջ, որպէսզի իրենց համար թոշակ գտնեն եւ Եւրոպա գան՝ այստեղ «զեղեցկի եւ բարւոյ» իրենց ճաշակները նըրբացնելու համար... Ուսման զէմ ի հարկէ մենք



ուշինչ չունենք: Բայց երբ մենք յիշում ենք, որ պիտութեան եւ արուեստին, որ հասարակական բարոյականութեան եւ զբաղանութեան ոչ մի ազդ այնքան հանձարներ չէ տուել, որքան հրէական ազգը, որ սակայն՝ ամենքից արհամարհուած՝ այսօր ծեծուած եւ արտաքուսում է աշխարհիս բոլոր անկիւններում, երբ ի նկատի ենք առնում, թէ ինչ սիրով են մեր վաշխառու հայերը, որոնք երէկ իրենց որդոց բազազխանա էին ուղարկում, այսօր ամէն գոհողութիւններով ուսման տալիս զրանց, երբ մի փոքր էլ մօտիկից նայելով այդ ուսանողներին՝ տեսնում ենք, թէ որքան մեծ տոկոսը զրանցից զանազան կարգի բճիճներից, թթուատաներից եւ այլն միայն վկայականների զբրահներ են սրտում իրենցից աւելի փափուկ սպորողների հետ յաջող մրցելու համար, — այն ժամանակ ահամայ սկսում ենք կասկածել՝ թէ արդեօք ներկայ ճգնաժամում այդ ամէնը համապատասխանօ՞ւմ է մեր ժողովրդական պահանջներին...

Եւրոպայում այնպիսի յայտնի անձնաւորութիւններ, ինչպէս Ռիչիտտոտի Կարիպալտի, Ամիլիար Զիպրիանի, Ֆրանսիս տը Փրեսանսէ, Ժերօմիշար, Ժորժ Փաւսն եւ Ուրբէն Գոյէէ, ինչպէս յայտնի է ընթերցողներին, «Իրօշակ»ի խմբագրութեան ղիմումներին պատասխանեցին հրապարակաւ, հենց «Իրօշակ»ի մէջ, արտայայտելով իրենց բոլոր համակրութիւնը դէպի մեր կոիւր

և տալով իրենց անունները մեր ձեռքը, — նրանց համար անյայտ անձնաւորութիւնների ձեռքը, — իսկ հարիւրաւոր հայ պատանիներ, որոնց բերանին դեռ չէ ցամաքել իրենց մօր կաթը, այնքան խելօք, այնքան շրջահայեաց, այնքան բարձր են այդ բոլոր անձնաւորութիւններից, որ իրենց համար, նոյնիսկ նեղ շրջաններում, անպատուարեր են համարում յեղափոխութեան կամ որեւէ յեղափոխական կազմակերպութեան համակիր անուանել եւ անել այն բոլորը, ինչ կարող են:

Իսկ ժողովօ՞րդը: Կոմս Շոլէն անունով Ֆրանսացի զինուորականը՝ Հայաստանում զործած իր մի ճանապարհորդութիւնից յետոյ՝ 1892 թվին զրում էր .

«...Եւ երբոր հայկական գիւղերում, ուր քազաւորում էր ամենասեւ քշուառութիւն, մեմք հարցնում էինք հայերին՝ թէ ի՞նչ են նրանք մըտածում անել, նրանք՝ փոխանակ մոնչալով իրենց գէմքերի վրայ ցոյց տալու, փոխանակ մտածելու, որ կարելի է նրանք կարող կը լինէին մի օր բոլորը միասին ուժի կանգնել քրտերի դէմ, որոնք նրանց տանջում են, եւ ձեռք բերել, եթէ հարկաւոր լինի՝ իրենց արեան գնով, իրենց ցաւերին մի հանգստութիւն, ինչպէս նաեւ մի որոշ անգատութիւն, նրանք պատասխանում էին սարսափած եւ անհամարձակ, որ Աստուած իրենց քողել է, որ այլեւս որեւէ յոյս չունեն, որ սա-

կայն եթէ շարունակեն իրենց հետ այսպէս վարուել, իրենք մի օր կը գաղթեն Ռուսաստան՝ այնտեղ աւելի լաւ կեանք եւ որեւէ հանգստութիւն գտնելու համար»:

1897 թուին մի ուրիշ Ֆրանսացի, պ. Կիմոն, գրում էր.

«Ի՞նչուա՞ծ է, ի գարմանս ամբողջ աշխարհի, որ վերջին կոտորածների ժամանակ՝ Պոլսում եւ Հայաստանում որեւէ բանի անպէտք ջանքերը յարձակում էին յաղթանդամ հայերի վերայ, որոնք՝ եթէ ընդունակ լինէին իրենց ձեռքերը գործածելու, բռնակցի մի հարուածով կարող էին լուերի նման ջախջախել իրենց վրայ եկող թշուառականներին: Այդ հայերը տեսնելով փրտեցին, նրանց ոտքի տակն էին ընկնում, ծածկում էին երեսները եւ թոյլ էին տալիս զլուխները կտրել կամ պատռել իրենց գանկերը»:

Իսկ Ուրբէն Գոյիէն «Դրօշակ»ի մէջ (1900 Օգոստոս) գրած իր յօդուածում ասում է.

«Հայերը իրենցից 300 հազար հոգի կորցրին՝ պարանոցները դանակի տակ դնելով: Եւրոպան դարձեց նոց ի՞նչ անաւոր պատերազմներ կարող էին մղել՝ հրացանները ձեռքերին, տասնապատիկ աւելի աժան գնով»...

Հարիւր հազարաւոր նահատակներ, այդքան էլ գաղթականներ եւ կրօնափոխ եղած հայեր, ի հարկէ, եթէ դուրս բերէին թշնամու դէմ իրենց մի տասներորդ մասը անգամ, գուցէ քարով ու կացիններով էլ կարողանային «ահաւոր պատերազմներ մղել» եւ, «դղրդեցնելով ամբողջ Եւրոպան», աւելի քիչ զոհեր տային... Բայց դարեւոր ստրկութեան եւ հալածանքի յաւիտենական գերի հայ ժողովուրդը, որին ամբողջ պատմութիւնը զերազանցապէս միայն մէջք ծռել էր սովորեցրել, ընդունա՞կ էր «ինքնապաշտպանութեան» ուրիշ ձեւերի, քան ամենակրաւորականները...

\* \* \*

Ահա ուրեմն, ի միջի այլ պայմանների, որպիսի ներքին, վերին աստիճանի աննպաստ հանդամանքներում պիտի զարգանար Հայկական խընդիրը եւ նրա արտայայտութիւն՝ Հայ յեղափոխական շարժումը:

Մենք ի հարկէ կարող ենք, ինչքան թելադրում է մեզ մեր անձնապաշտ արիւնը, մեղադրել յեղափոխականներին, որ նրանք 10 տարուան ընթացքում չկարողացան հիմնադրուել աւել տաճկական պետութիւնը եւ նրա աւերակները վրայ պարզել Հայկական ազատութեան դրօշակը: Մենք կարող ենք, ի հարկէ, նոյն մեր

անձնապաշտ արեանը հետեւելով, անիծել երկրադնդիս բոլոր քաղաքակիրթ ազգերին էլ, որ այն ժամանակ, երբ մենք անասնական թէ սրկալական, վաշխառուական թէ ստրկական ժրպիտներով վերաբերուեցինք դէպի օրաուեր մեր առաջը գտնուող խնդիրները, նրանք, — այդ ժողովուրդները, — զլխապատառ ոտի տակ չտուին իրենց բոլոր շահերը եւ հայկական կոուի զաշտը չզրաւեցին... Այո, կարող ենք այդ էլ անել, ուրիշ շատ բաներ էլ անել, բայց ե՞րբ պիտի քաղաքացիական համարձակութիւն ունենանք մի փոքր էլ մեզ վրայ անդրադառնալու եւ մեր բարոյական պահասութիւններին, մեր վատառողջ բնազդներին, մեր ազգային ախտերին՝ «պատմական այդ չարիքին» եւս՝ որոշ տեղ տալու մեր կրած տառապանքների ու մեր ներկայ ծանր կացութեան մէջ...

### III

Ազգային մեր առանձնատկութիւնները պայմանը, — բացի իր տեսական նշանակութիւնից, որով, ի միջի այլ պատճառների, լուսարանոււմ է հայ յեղափոխական շարժման ներկայ դրութիւնը, — կարեւորութիւն է ստանում եւ որոշ գործնական տեսակէտերից:

Այդ խնդիրը պէտք է պարզեն իրենց համար

բոլոր մեր բնկերները, որպէսզի ամէնօրեայ այն բազմաթիւ խոչընդոտները, որ նրանք պատահում են իրենց գործունէութեան ընթացքում, չնսեմացնեն նրանց աչքում յեղափոխական գաղափարի կամ յեղափոխական տակտիկի նպատակայարմարութիւնը եւ այդպիսով չթուլացնեն նրանց հաւատն ու եռանդը:

Դա պէտք է պարզեն իրենց համար մեր բոլոր գաղափարակիցները, որովհետեւ ներկայ ծանրագոյն պատմական շրջանը ունի հայութեան բարոյական ու ռազմական բնազդներին աւելի եւս վնասելու բոլոր թունաւոր յատկութիւնները:

Դա պէտք է իմանան յեղափոխական կոուի բոլոր համակիր տարրերը, որովհետեւ չկայ լաւագոյն աւազան մեր պատմական կեդտերից մաքրուելու համար՝ քան զոհի եւ անձնուիրութեան այն ուղին, որի վրայ կանոնաւոր են իրենք, ինչպէս եւ չկայ աւելի դրական միջոց չարիքը իր արմատում խեղդելու համար՝ քան կարող են լինել ազատ կեանքի նոր, փրկարար պայմանները, այսինքն յեղափոխական կոուի նպատակը:

Պարզենք մի քանի խօսքերով այս կէտերը:

Ահա հայ յեղափոխականի դէմ առ դէմ կանոնաւոր է մի ուրիշ հայ, որն անտարբեր է դէպի առաջինին այրող հոգսերը: Ահա միւսը, որ չէ աշակցում նրան, պատճառաբանելով, որ ծանօթ է նրա կազմակերպութեան ընթացքին: Ահա մի

երրորդը, որ իր բռնած դիրքը բացատրում է յեղափոխական հայեացքների տարբերութեամբ: Ահա մի չորրորդը, որ հակառակ է նրան իր «հիմնական համոզմունքներով»... Շատ բարեմիտ պէտք է լինէինք, ընդունելով, որ այդ բոլոր դէպքերը ունեն իրենց աւելի կամ պակաս չափով բանաւոր պատճառներ:

Եւ իրաւ: Եթէ մարդիկ իրենց անտարբերութիւնը արդարացնելու համար բերաններն են առնում՝ «ի՞նչ կարող եմ անել» այն ժամանակ, երբ բնաւ փորձ չեն արել իմանալու՝ թէ ի՞նչ կարելի է առհասարակ անել կամ երբեք նոյնիսկ ամենատարրական պարտականութիւնները յիշեցնող խորհուրդների չեն հետեւել, եթէ մարդիկ իրենց բռնած դիրքը բացատրում են նրանով, որ «ձեր գործերի հետ ծանօթ չեն» այն ժամանակ, երբ ոչ մի քայլ չեն արել եւ չեն էլ ուզում անել այդ գործերի հետ ծանօթանալու համար. եթէ մարդիկ հակառակում են ձեզ՝ պնդելով, որ «ձեր ընթացքը նրանք նպատակաւորմար չեն համարում» այն ժամանակ, երբ դադափար չունեն կուռի ձեր եղանակի վրայ եւ յաճախ չեն էլ կարող ունենալ, որովհետեւ նախ՝ ժամանակի ընթացքում փոխում է կուռի ձեր տակտիկը եւ երկրորդ՝ միշտ նա մնում է ներքին դադանիք. եթէ մարդիկ ուզում են ձեզ հաւատացնել՝ թէ իրենք «ուրիշ համոզմունքներ են դաւանում» այն ժամանակ, երբ կամ ոչինչ չեն անում ոչ մի տեսակ հա-

մոզմունքների համաձայն կամ յանուն «գերագոյն շահերի» միայն թունաւորում են հասարակական կարծիքը եւ կամ օր ու գիշեր օդը թնդացնում յանուն բանուորական «յաւելեալ աշխատանքի», բայց մնում են ստոյիկեան սառնասիրտներ մի ամբողջ ժողովրդի «յաւելեալ արեան» դիմաց. եթէ մարդիկ խելագարների յամուկ ապշութեամբ շարունակ հերքում են ուրիշների բացայայտ արժանաւորութիւններն այն ժամանակ, երբ իրանք ամենայանդուզն լրբութեամբ անպայման յարկանք են պահանջում դէպի իրենց ակներեւ ախտերը, շառլաթանութիւնները եւ ամբարտաւան, տգեղ մտքի եսամոլ ցատկուտումներն անգամ, — մենք, թո՛ղ ներուշի այդ մեզ, չենք կարող այս դէպքերից եւ ոչ մէկում զգալ մեզ՝ ուշադրութեան արժանի հակառակորդների դիմաց: Այն բնականուր, համամարդկային բնաւորութիւն կրող պատճառներից դուրս, որոնք առհասարակ ազգերի կեանքում պայմանաւորում են որոշ չափի անտարբերութիւն եւ ձեռնպահութիւն դէպի հասարակական գործերը կամ բացատրում են իրար հակասող, իրար հետ մրցող հասարակական հոսանքները, — այստեղ, մեր կեանքում, եւ մանաւանդ ներկայ ճգնաժամի օրերում, կենդանի զգացմունքներով աղքատ, բայց կենտրոնախոյս, ինքնապաշտ բնադրներով հարուստ հայի հոգեկան կազմն է, որ յաճախ հանդէս է գալիս իր վատ կողմերով: Եւ հասկանա-

լի է, եթէ մեր պատմութիւնը զգալի չափերով զուրկ է եղել բարոյական առողջ բնազդներ կրթութելու, անձնական գիտումների առաջ կանգ չառնելու, միաբանութեամբ ընդհանուր պէտքերին հետեւելու, կռուից շփոխնալու, գէնքը գնահատելու վարժութիւններից, շատ բնական է, որ յեղափոխական շարժումը չէր կարող ո՛չ ըստ քանակի եւ ո՛չ էլ ըստ որակի այնպիսի հող գրտնել մեր մէջ, որպիսին կարող էր լինել մի ուրիշ ժողովրդի մէջ, որի պատմութիւնը, — միւս հաւասար պայմաններում, — այդպիսի վարժութիւնների համար նրան ասպարէզ էր տուել: Ահա ինչու յիշեալ դէպքերի ամենամեծ մասում կարելի է տեսնել ինչ ուղում էք, բայց ոչ որեւէ ապացոյց յեղափոխական զաղափարի կամ յեղափոխական միջոցների աննպատակայարմարութեան:

Ի՞նչպէս վարուել այդ կարգի բազմազան հակառակորդների հետ. — դա անհատական խնդիր է ի հարկէ: Մէկը կարող է արտայայտել արդար վրդովմունք, երբ տեսնում է, որ մարդիկ, — ըստ Վոլթերի, — «օգտուում են մտքից միայն նրա համար, որ արդարացին իրենց անարդարութիւնները, եւ դործ են ածում խօսքեր մի միայն նրա համար, որ ծածկեն իրենց մտքերը»: միւսը կարող է բաւականանալ սոսկ արհամարհանքով, որովհետեւ կան դէպքեր, երբ անարժան հակառակորդների հետ լուրջ խօսելը միայն

անպատուութիւն է բերում ձեր դաւանած զաղափարին. երբորդը կարող է նոյնիսկ ներողամիտ լինել՝ ի նկատի ունենալով, որ մարդիկ շատ յաճախ կարող են իրենք էլ չիմանալ՝ թէ իրենց եւ ձեր մէջ նկատուող զանազանութիւնները բխում են ոչ թէ պարզ գիտակցութիւնից կամ բարեխիղճ վերաբերմունքից դէպի ձեզ, այլ այն կոյր բրնազդներից, որոնց արմատները շատ հեռու են թաղուած, որպէսզի նրանց անյիտակից դոհերը կարողանան հասկանալ իրենց թշուառութիւնը: Բայց մի բան, որ պէտք է անկասկած արտայայտուի բոլոր դէպքերում եւ բոլոր ընկերների մէջ, դա վերջ ի վերջոյ այն արիութիւնն է, որով նրանք երբեք պէտք չէ ազդուեն այդպիսի երեւոյթներից, որովհետեւ դրանց մէջ չկայ ոչ մի բանաւոր հիմք մեզ ոգեւորող գաւանանքի դէմ: Մենք մնում ենք փոքրամասնութիւն, բայց այդ փոքրամասնութիւնը չէ, որ պիտի ենթարկուի անտարբերների, ձեռնպահների եւ ամէն կարգի ճիգութիւնների, իմաստակների կամ շառլաթանների բազմութեանը: «Այս կամ այն ընթացքը, որին հետեւում են (որոշ հասարակական պայմաններում ի հարկէ, աւելացնենք մեր կողմից) մի քանի, բայց միշտ աւելի եռանդուն մարդիկ, դառնում է ընդհանուր կարգ, ընդհանուր սովորութիւն՝ շնորհիւ այն հանգամանքի, որ ուրիշներն էլ ընտելանում են նոյն ընթացքին: Առաջընթաց մարդկանց օրինակին հետեւելով՝

կազմում է վերջապէս ընդհանուր համոզմունք,  
որ բոլորեքեան էլ անհրաժեշտաբար պէտք է ըն-  
թանաւ այնպէս եւ ոչ ուրիշ կերպ», — ասում է  
յայտնի փրոֆեսոր Սերգէեւիչ իր դասախօսու-  
թիւններում ուսաց իրաւունքի մասին: Մեզ վա-  
րանումներ չեն հարկաւոր, այլ հաւատ, մեզ  
խօսքեր չեն հարկաւոր, այլ զործեր, մեզ թերա-  
հաւատութիւն չէ հարկաւոր, այլ եռանդ, մեզ  
սատանումներ չեն հարկաւոր, այլ վճռողականու-  
թիւն եւ յանդգնութիւն: Կրկնենք անմահ Տանթո-  
նի խօսքերը. «Il nous faut de l'audace, et encore  
de l'audace, et toujours de l'audace!» (մեզ հար-  
կաւոր է յանդգնութիւն, կրկին յանդգնութիւն եւ  
միշտ յանդգնութիւն):

Բաւական է, որ հայ ժողովրդի ազատութեան  
զաղափարը նուիրական է, որ յեղափոխական  
կռիւր թելադրում, ըխում է ինքնըստինքեան այն  
սոսկալի իրականութիւնից, որի հրէշաւոր ծան-  
րութիւնը այս կամ այն չափով զգացել եւ զգում  
է ամէն մի հայ մարդ: Հետեւողներ եւ զինակից-  
ներ, համամիտներ եւ զաղափարակիցներ, հա-  
մակիրներ եւ ամէն կարգի ընկերներ անշուշտ  
կ'ունենանք, անշուշտ կը գտնենք:

\* \* \*

Այո', թողնենք մեռելներին թաղեն իրենց  
մեռելները եւ ամենայն արթնութեամբ առաջ տա-

նենք մեր արդար կռիւր: Չմոռանանք երբեք, որ  
եթէ հայը իր տխուր անցեալում ժառանգել է  
չառ բացասական յատկութիւններ, ապա այսօր  
նա արդէն այն բացառիկ զրութիւններից մէկումն  
է, երբ շարիքը կարող է զարգանալ շտեմուած  
չափերով եւ վերջապէս հարուածել մեր ազգային  
ամբողջ մարմինը, եթէ թուլանայ մեր դատի հա-  
մար բողոքող ձայնը: Երկրում, ուր այսօր յարա-  
բերութիւնները այնքան սրուել են թշնամու հետ,  
որ հայր ապահով չէ կեանքի ամենատարրական  
պահանջներում եւ իւրաքանչիւր բոլի կարող է  
անպատուուել, թալանուել, մորթուել կամ սո-  
վամահ լինել, կռուից հետո մնացող ժողովրդի  
մասը ստիպուած է իր գոյութիւնը պահպանելու  
համար դիմել ամենասպանիչ միջոցների, — զաղ-  
թականութեան կամ դժոխային հանցամասնե-  
րին յարմարուելու ամենաստորնացուցիչ ձեւերի:  
Ընկնելով օտար երկիրներ, առանց տեղական  
պայմաններին ծանօթ լինելու, առանց տեղական  
լեզուները իմանալու, զուրկ որեւէ նպաստաւոր  
միջավայրից, հայ զաղթականը հարկադրում է  
ամբողջ խելքը լարել դժուար պայմաններում իր  
ապրուստը ապահովելու համար: Եւ այդտեղ ա-  
մէն միջոց սրբապորժում է նպատակի առաջ, ո-  
րովհետեւ սկզբունքները կարող են վիճելի լինել  
եւ յամենայն դէպս առանց զրանց կարելի է ապ-  
րել, իսկ առանց հացի՝ ոչ: Երեւակայեցէք ու-  
րեմն խղճի այն ճկունութիւնը, սրտի եւ հոգու

այն այլանդակութիւնները, որ այդպիսի պայմաններում օրէցօր պիտի զարգանան դադթական հայ տարրի մէջ: Իսկ երկրում մնացողները: Հայր պիտի ապրի այնտեղ, ուր ամէն ինչ կադակերպուած է միայն նրան հարստահարելու, ուտելու, մորթելու, ջնջելու համար: Անկարող, այս կամ այն պատճառներով, ուժին հաւասար կամ դերակշռող ուժով դիմադրել, նրա ձեռքի տակ մնում են միայն ինքնապաշտպանութեան ամենակրաւորական ձեւերը, եւ ի հարկէ արագօրէն նա սայթաքում է «պատմական շարքի» թեք մակերեւոյթով: Կրօնափոխութիւն, որ Տաճկաստանում հոմանիչ է ազդուրացութեան, ամէն սրբութիւնների ոտնակոխում, խարդախութիւն, կեղծիք, անվերջ ստորութիւններ — բնականաբար հաւատոյ հանդանակ են դառնում երկրում եւ ապականում ժողովրդի ողին, բթացնում նրա մէջ անձնական արժանապատուութեան, ազնուութեան, վեհանձնութեան, արդար գայրոյթի եւ համարձակ վրէժխնդրութեան ամէն-մի կենդանի զգացմունքը: Բացարձակ եւ անդարձ այլասեւերում, դարչելի հակումների մի «հրէական» խառնուածք, մի այլանդակ, մի հրէչաւոր տիպ, որի առաջ միայն զղուանք պիտի զգայ ամէն մի օրինաւոր արարած, — ահա այն սոսկալի հեռանկարը, որ այսօր սպառնում է մեր ազգութեան դուցէ աւելի՛ քան երբեւիցէ: Եւ մենք, որ այնքան խորապէս զղում ենք պատմութիւնից ժա-

ռանդած մեր ազգային թերութիւնները, մենք, որ այսօր բողոքում ենք զրանց դէմ բարձրաձայն, — մենք չենք ի հարկէ, որ պիտի անտարբեր լինենք դէպի մեր ազգային բարոյական նկարագրին աւելի եւս սպառնացող ժամանակակից մեծ վտանգը:

\* \* \*

Սակայն, ի՞նչ միջոց կարող է ներկայ պայմաններում լինել աւելի նպատակայարմար այդ բարոյական այլասեւուման դէմ կռուելու համար, քան յեղափոխական ուղին, որ մի կողմից պահանջում ու փոս է պահում սերնդի մէջ անձնականը հասարակականին ենթարկելու ամենամեծ առաքինութիւնը եւ միւս կողմից՝ ձգտում է մի ապագայի, ուր կարիք պիտի չլինի այն պակասութիւնների, որոնք անհրաժեշտ են դառնում այժմ իրրեւ զոյութեան համար նպաստաւոր առաւելութիւններ: Այս՛, յեղափոխական դժուար կռիւն է, որի ընթացքում թշնամու դէմ կուրծքը կրծքին դիմադրաւող, իր կեանքը հայրենիքի սեղանին զոհող հայր անձնութիւնների սուրբ կրակով տաքացնում է ժամանակակից աճող սերնդի սիրտը եւ ժողովրդի ամենաթանկագին այդ մասի մէջ կենդանի պահում ազգային ոյու պայծառ հակումները: Դա, այդ կռիւն է նաեւ, որ նպատակ ունենալով տապալել Տաճկահայաստանում

տիրող կործանիչ կարգերը, պիտի բերէ մարդավայել կեանքի համար պահանջուող այն մաքուր մթնոլորտը, որի մէջ միայն կարող են ճոխ կերպով ծաղկել ժողովրդի ղրական հակումները: Բարոյախօսական քարոզները չեն, որ կարող են բարձրացնել մի ժողովուրդ: «Սոված մարդը ահանջ չունի», ասում է առածը: Հայր Տաճկաստանում այսօր աւելի է դժբախտ՝ քան մի սովեալ, եւ եթէ նա կարող է փրկուել, դա կը լինի միմիայն այդ անսահման դժբախտի ազազակներին արձագանդ տուող կենդանի օրինակների կախարդիչ ուժով եւ որ գլխաւորն է՝ շնորհիւ այն նոր կարգերի, որոնք կը տան նրան ե՛ւ հաց, ե՛ւ ահանջ, ե՛ւ ուրիշ շատ բաներ էլ, որոնցում նրա պահանջները այսօր այնքան օրհասական են:

«Սփեմները, — ասում է ամերիկացի ընկերաբան Ուորտը, — որոնելով այն պատճառները, որոնք պայմանաւորում են ցեղերի համեմատական ճշմարտասիրութիւնը, գալիս է այն եզրակացութեան, որ բռնակալ կառավարութեան գոյութիւնը կամ բացակայութիւնը առաջացնում է կեղծիքի կամ ճշմարտասիրութեան գերակշռութիւն», եւ այնուհետեւ բաւական համոզիչ կերպով բացատրում է, որ խաբերայութիւնը բնական հետեւանք է երկիւղի եւ հարստահարութիւնների... «Ոչ մի կասկած չկայ, որ ազատութիւնը ներշնչում է անկեղծութիւն, ինչպէս եւ

ուրիշ առնական յատկութիւններ, իսկ ստրկութիւնը եւ բռնակալութիւնը սովորաբար անբարոյականացնում են... Խաբերայութեան բոլոր տեսակներին մարդիկ դիմում են իբրեւ վտանգից պաշտպանուելու մի գործիքի»...

Եւ մենք կը գտնուենք մեր բարոյական հակումների մէջ, կը խեղդենք իր արմատում՝ մեզ վրայ այնչափ թանգ նստած եւ այսօր ահաւոր շափերով մեզ սպառնացող բարոյական ապականութեան մեծ շարիքը, երբ կարիք չենք ունենալ անվերջ «վտանգներից պաշտպանուելու գործիքին», երբ յախուռն եւ անդարձ վճռողականութեամբ օր առաջ կը հասնենք մեր շարժման նպատակին:

1901





Քրիստափոր Միքայելեան,  
Ռուբինա Արեշեան եւ Ռուբինայի քոյրը

## ՄԻՈՒԹԻՒՆ ԹՈՒՐՔԵՐԻ ՀԵՏ

Ներկայ խնդրի մասին խօսելու մեղ առիթ է տալիս «Իրօշակ»ի մէջ (1900 Սեպտեմբեր) տպագրած՝ Տամատ Մահմուտ փաշայի նամակը, որ Հայերին ուղղած մի ընդհանուր կոչ է՝ միանալու թուրքերի հետ: Մենք յարմար ենք համարում այդ նամակի առիթով յայտնել մեր կարծիքները նաև ընդհանրապէս բոլոր թուրք հակա-սուլթանական կամ՝ աւելի ճիշդն ասած՝ հակահամիտական տարրերի մասին, որովհետեւ՝ շնայելով այն բոլոր տարրերութիւններին եւ երբեմն նոյնիսկ փոխադարձ թշնամական յարաբերութիւններին, որ դիտուում են դրանց մէջ, այդ տարրերը բոլորն էլ, վերջին ժամանակներս, մեծ համերաշխութիւն են արտայայտում, երբ հարցը գալիս է Հայերի հետ միանալու խնդրին:

Կար ժամանակ, որ մենք էինք թուրքերին անդադար միացած կռուի հրաւիրում եւ զարմանում նրանց անտարրերութեան վրայ դէպի Տաճկաստանի ընդհանուր ողբալի վիճակը: Կար ժամանակ, որ մենք էինք նրանց բացատրում մարդկային ամենալայն գաղափարներով ներշնչուած մեր ծրագիրը, որպէս զի նրանք աներկիւղ մօտենան, հասկանան մեզ եւ աջակցեն ընդհանուր

գործին: Կար վերջապէս ժամանակ, որ ամէն ան-  
ցամ, երբ մեր կոչերին արձազանց տուող որեւէ  
անկեղծ ձայն էինք լսում մեր թուրք հայրենա-  
կիցներէ թանակից, մենք ամբողջ յօգուածներ  
էինք նուիրում «Իրօջակ»ում՝ այդ առիթներով  
մեր հրճուանքը արտայայտելու համար: Իսկ այ-  
ժամ... այժմ գերերը փոխուել են. այժմ «միու-  
թեան» հրաւերները անցազրում կերպով տեղում  
են թուրքերի կողմից, եւ մենք ենք, որ՝ շնայե-  
լով մեր ամենաբառուն համակրանքի դէպի սկզբ-  
բունքը, այսօր տարաբախտաբար ստիպուած ենք  
անվճարական դիրքի մէջ մնալ:

Պատճառը պարզ է: Ձայները այնտեղից չեն  
լսուում, որտեղից մենք վաղուց ի վեր շարունակ  
սպասում ենք, եւ այն դիւթիչ ձայները չեն զը-  
րանք, որոնք ուժեր են կազդուրում, սրտեր են  
վառում, եղբայր եղբորը ճանաչեցնում... Ինչ-  
պէս միութեան գաղափարը, — այն գաղափարը,  
որ դեռ 10 տարի առաջ Դաշնակցութիւնը բնտրել  
է իրրեւ հիմնական կէտ իր ծրագրում, — պա-  
հանջեց այսքան տարիներ երիտասարդ թուրքերի  
չբջաններում եւս համակրութիւն գտնելու հա-  
մար, երեւի նոյնպէս տարիներ կը պահանջեն՝  
մինչեւ որ կ'իրազորուի այդ միութիւնը՝ ազ-  
գով տարբեր, բայց միեւնոյն թշնամու դէմ կրու-  
ուող տարբերի մէջ:

«Միանա՛նք» — գեղեցիկ միտք. բայց ո՞ւմ  
հետ եւ ի՞նչպէս:

Հայ յեղափոխականները վաղուց են հրապա-  
րակի վրայ եւ վարում են արդէն այն կռիւր, ո-  
րի անունով մեզ հրաւիրում են միանալ: Իսկ ո՞ւր  
են թուրք-կոռուզները... Մինչեւ այժմ մենք տե-  
սանք անհատներ, խմբեր, թղթի փրփականտա-  
յով պարապողներ, բայց չտեսանք գործով կրու-  
ուողներ, գործի փրփականտիստներ: Կտրուած  
բուն տաճիկ ժողովրդից եւ յենուած սակաւթիւ  
թուրք մտաւորականութեան մի աննշան մասի  
վրայ, Երիտասարդ թուրքերը մնում են գեռ եւս  
«յեղափոխութիւնը ի վերուստ» հասկացող քաղա-  
քագէտներ, թոյլ, անկազմ եւ հետեւաբար դեռ  
եւս անգործ, խօսքի մարդիկ...

Պօսելու համար միանա՞նք:

Եւ երանի թէ գտնէ խօսքի փրփականտը տա-  
նէին զրանք այն ճշմարիտ ուղղութեամբ, որ հա-  
մապատասխանում է տաճիկ ժողովրդի ժամա-  
նակակից կուլտուրական պահանջներին: Թերթե-  
ցէք Երիտասարդ թուրքերի հրատարակութիւննե-  
րը, եւ դուք չէք գտնի նրանց մէջ ոչ մի կռիւ  
տաճկական կեանքի այն ներքին կաշկանդիչ գոր-  
ծօնների դէմ, որ մենք՝ հայ ժողովրդի կեանքում  
չենք խնայել երբեք եւ հարուածել ենք ոչ պակաս  
քան արտաքին թշնամուն: — «Մեր պատմութիւ-  
նը եւրոպականից բարձր է, մեր հաւատախամբե-  
րութիւնը աւելի» — գրում է մէկը: «Չկայ Տան-  
կաստանում ոչ մի չարիք, որ աւելի մեծ չափե-  
րով գոյութիւն չունենար լուսաւորուած կոչուող

Եւրոպայում» — լրբարար կրկնում է անդադար միւսը(\*) : Միակ չարիքը սուլթան Համիտի անձնաւորութիւնն է եւ քառորդ դարուան ամբողջ տաղնապը՝ միայն նրա քմահաճոյքների արդիւնք : Զլինի Համիտը, եւ Տաճկաստանը կը զառնայ օ-

(\*) Օրինակի համար յիշեմք այստեղ քէկուզ միմիայն ապագայ սուլթանական սենեկապետացուների բոյն՝ «Մեշ-վերէք» լրագրի Սեպտեմբեր ամսուան համարի երկու յօդուածները — «Ինչո՞ւ» եւ «Մեղաւոր են թէ՞ ոչ» : Այդ յօդուածներից առաջինում լրագիրը, իրեն յատուկ երկդիմի, ճիզութիւնով անկողնու, գայրանում է այն բողոքի դէմ, որ բարձրացնում են եւրոպացիք ու եւրոպական լրագիրները Սպաղանֆի կոտորածի առիթով եւ արդարացնում է իրողութիւնը հարցնելով՝ ինչո՞ւ Անգլիա եւ Ֆրանսա կարող են Աֆրիկայում սպանութիւններ անել, իսկ Բիւրսը կամ տաֆիլը իրենց երկրներում չեն կարող իրենց հասկացած անել դատաստան կապել հայ աւագկնների հետ : Երկրորդ յօդուածում «Մեշլերէք»ը կրակ է քափում եւրոպացոց վերայ, որոնք բողոքեցին քէ Տիարպեֆիի հերոս Էմին փաշայի չալէպ նահանգապետ նշանակելու դէմ եւ քէ Պիրլիսի գինուորական հրամանատար Ալի փաշայի դէմ. որ հեղինակ եղաւ Սպաղանֆի եւ ուրիշ գիւղերի կոտորածին : «Սուլթանի եւ մանաւանդ ներքին գործոց նախարարի պարտքն է՝ պաշտպանել իր պաշտօնեաների պատիւը եւ օրինաւոր վարմունքը», — քեխաղրում է լրագիրը եւ շարունակում. — «Սպաղանֆի դէպքը տեղի ունեցաւ այն ժամանակ, երբ գերմանական կայսրը հրամայում էր Զինաստան գնացող իր զինուորներին ոչ մի գթութիւն ցոյց չտալ դէպի նրանց, որոնք կը դիմադրեն զէնքով : Եթէ Վիլհելմի այս խօսքերը ուղղուած լինէին Ալի փաշային, նա իր կերտական դործերի համար վարձատրութիւն կը ստանար» :

րինակելի երկիր, — ահա ինչ են միաբերան կրկնում բոլոր Երիտասարդ Թուրքերը, ահա զանազան ձեւերով համեմած ինչ հողեւոր սնունդ են մատակարարում նրանք իրենց ժողովրդին, ընկճելով նրա անսահման տղտութեան առաջ, խոնարհուելով նրա կոյր աւանդութիւնների, կրօնական եւ այլ սպանիչ նախապաշարումների դիմաց ու կամայ-ակամայ շոյելով նրա հակա-կուլտուրական հակումները...

Սրանց հետ միանա՞նք :

Անկասկած, հենց այդ նախնական աշխարհապայտեցում է բացատրուում եւ այն երեւոյթը, որ Երիտասարդ Թուրքերը, մեծից սկսած մինչեւ փոքրը, հայկական հարցի վերաբերմամբ միշտ ներշնչուած են միեւնոյն ոգով, այսինքն՝ հայկական հարցի համար, իրրեւ միջազգային խնդրի համար, ոչ մի արդարացուցիչ հանդամանք չտեսնելու հակումներով, հայերի կրած սարսափները նրանց թշուառ գլխին փաթաթելու պատրաստականութեամբ, հայկական կոտորածները անուղղակի ձեւերով արդարացնելու տրամադրութիւններով եւ վերջապէս մի այնպիսի պահանջկոտութեամբ դէպի մեզ, որ կարծես Թուրք ժողովուրդն է մեծապէս միասուել հայերից եւ վերջիններս են, որ դեռ մի բան պարտական են նրան : Սա արդէն չարիքի վիտակցութիւն չէ, սա մեր սպասած թարմ, դաղափարական հոսանքը չէ, սա «առանց խտրութեան կրօնի եւ ազգի» խնդիրներ դնող եւ

այդ խնդիրներով տանջուող գործիչների ընթացք չէ, այլ միմիայն թուլացող տաճկական պետութեան քաղաքական արտաքին դիրքը պահպանելու ճիգեր, ճիգեր՝ որոնք իրրեւ թէ անպատճառ պահանջում են հայկական եւ ուրիշ հարցերի կատարեալ չէզոքացումը Տաճկաստանում: Ահա սրանք, այս մարդիկն են, որ այսօր միութեան ձեռք են մեկնում մեզ: Եւ եթէ մենք միշտ պատրաստ ենք ընդունել այնպիսի ձեռքեր, որոնք րնդունակ կը լինեն հայերին դիմելիս զգալ իրենց պատմական հրէշաւոր յանցանքը, ամաչել եւ սուկալի այն անօրինակ սճիւրի դիմաց, որ կատարուեց հայերիս վերաբերմամբ իրենց դժոխք երկրում եւ իրենց ժողովրդի աչքի առաջ, եթէ մենք պատրաստ ենք ձեռք մեկնելու այնպիսի թուրքերին, որոնք ամէն բոլոր կը զխտակեն հայ ժողովրդի անօրինակ դժբախտութիւնը եւ քաղաքացիական համարձակութիւն կ'ունենան թէկուզ արար-աշխարհի առաջ եւ ամէն հանդամոնքներում բարձրաձայն զօշելու՝ թէ այնպիսի մի սատանայական կատալորութեան դէմ, ինչպիսին տաճկականն է, հայերը իրաւունք ունէին եւ ունեն ինչ միջոցների կ'առես զիմելու, — ապա այդ զխտակցութիւնից եւ քաղաքացիական այդ զպացմունքից զուրկ ձեռք մեկնողների դիմաց մենք կարող ենք միայն բացականչել՝

Ի՞նչպէս ընդունել այս ձեռքերը, որ ուզում են միայն մեր ձայները խեղդել...

Եւ յետոյ: Երիտասարդ թուրքերը կարո՞ղ են ցոյց տալ մի խումբ, որ ընդունակ լինէր մեզ հաւատ ներշնչել զէպի իր բարոյականը նոյնիսկ այն փոքրիկ գործերում, ուր մենք միշտ կարող էինք համբերաշխարհը ընթանալ: Քանի-քանի՞ շանտաժիստներ տեսնք մենք ներկայումս գոյութիւն ունեցող բոլոր կուսակցութիւնների, բոլոր խմբերի մէջ: Անուններ չտանք. դրանք շատ լաւ յայտնի են մանաւանդ իրենց՝ թուրքերին: Միակ յայտնի են մանաւանդ իրենց՝ թուրքերին: Միակ հայր, Անմեղեան անունով, որ ստով-գլխով յարեւ էր «Մեչերէթ»ի խմբակին, նա էլ իր կարծատեւ թղթեայ գործունէութիւնը «Մեչերէթ»ի միջոցառում վերջացրեց կաշառուելով սուլթանից եւ վերադարձաւ Պոլիս պաշտօնի: Ծանր է խոստովանել, որ «Երիտասարդ թուրքեր» այժմ սպրտաւոր ճարելու, անձնական ասպարէզ ստեղծելու մի հոմանիշ է դարձել Եւրոպայում: Չկան համոզուած մարդիկ, չկան անձնուրաց գործիչներ, չկան բարոյական մաքուր բնազդների տիրաներ, որոնց հետ միայն կարելի է կապուել յեղափոխական կռուի տատակոտ ճանապարհին...

Ո՞ւմ հետ միանանք:

Իսկ ո՞րն է այն ծրագիրը, որ պէտք է համախմբէ տաճկահպատակ բոլոր նեղուող, բոլոր զժգոհ ու բողբոջ տարրերին. ի՞նչ պէտք է ընդունուի բոլորիս համար պարտաւորեցուցիչ նը-

պատակ եւ որո՞նք են այն միջոցները, որ պէտք է հասցնեն մեզ մեր նպատակին:

«Հայ Յեղափոխական Դաշնակցութիւնը», — որի անունից միայն ի հարկէ մենք իրաւունք ունենք խօսելու, — ընդհանրացնելով Տաճկահաստանի վերաբերեալ իր ծրագիրը, կարող է առաջարկել համայն Տաճկաստանի համար մի կազմակերպութիւն, որ, — միւս հաւասար պայմաններում, — անշուշտ ընդունակ է միացնել բոլորին: Դա Փետերաքիլ (դաշնակցային) ռաւիկավարական կազմակերպութիւնն է, որի համաձայն տաճկահայտակ բոլոր ժողովուրդները կազմում են մի անխախտ ամբողջութիւն, բայց իւրաքանչիւրը իր ներքին, տեղական ինքնավարութեամբ: Երիտասարդ թուրքերը դրա տեղ դնում են Միտհաթ փաշայի սահմանադրութիւնը՝ կարծելով, որ դա միանգամայն բաւարարութիւն կը տայ բոլոր տարրերի կուլտուրական պահանջներին:

Մենք ի հարկէ այն տեսակ մտածողներիցը չենք, որոնք դանդաճութիւն չեն գտնում սահմանադրական եւ միապետական կարգերի մէջ: Ոչ. մենք ընդունում ենք առաջինի բոլոր բարեբեր առաւելութիւնները երկրորդի դիմաց: Բայց Տաճկաստանին հարկաւոր են not measures, but men (ոչ թէ միջոցներ, այլ մարդիկ), ասել են Տաճկաստանը ճանաչող մարդիկ, եւ Հատտի-Շերիֆ-Գիւլիսանէն 1839 թուին, տաճիկ կառավարութեան արած «ընդհանուր բարենորոգումների»

անվերջ խոստումները 1844 ու 1850 թուերին, Հատտի-Հիւմայունը 1856 թուին եւ Սահմանադրութիւնը 1876 թուին, իբրեւ կենդանի օրինակներ՝ զալիս են հաստատելու այդ հայեացքը: Այո, ամբողջ մի դարի ընթացքում բոլոր վերանորոգիչ փորձերը անցան Տաճկաստանի պատմութեան էջերով իբրեւ մեռած խօսքեր, իբրեւ կեանքի չվերածուելու համար ստեղծուած անընական շրջաններ, որովհետեւ Տաճկաստանը կուլտուրաօրէնքներ, որովհետեւ Տաճկաստանը կուլտուրական կեանքի համար անապատ է, որովհետեւ նրա ժողովուրդը դեռ եւս տպւած է, իսկ տաճկական իշխող բիւրոկրատ-մտաւորականութեան եւ հոգեւորականութեան մէջ տիրում է արեւելեան սպանիչ մթնոլորտը: Ահա ինչու մեր թուրք հայրենակիցները մեզ որեւէ յոյս ներշնչելու համար պէտք է մօտենան մեզի, թողնելով «ընդհանուր բարենորոգումները» չին երգերը, որոնք վաղուց արդէն խլացնում են մեր ականջները եւ որոնք սակայն մարդավայել կեանքի ձգտող տաճկահայ պատակ ժողովուրդներին մինչեւ այսօր ուրիշ ոչինչ չեն տուել բացի սիստեմատիկ կոտորածներէ:

Համաձայն վերոյիշեալ not measures, but men բանաձեւին, Տաճկաստանում այն ժամանակ կը լինի որեւէ իրական փոփոխութիւն, երբ երկրում կը կազմուի մի համեմատաբար ֆազաֆակիթթ ուժ, որ ընդունակ լինէր այս կամ այն կարգերը հաստատելու եւ պահպանելու: Ընդունելով Փե-

տերաթիվ պետական կազմակերպութեան նպատակը միայն՝ կարելի է ներկայումս կազմել մի այդպիսի ուժ : Այսօր կենդանի փաստեր են՝ Հայկական, մակեդոնական, արլայնական, յունական, արարական եւ ձեր շարժումները : Պարզենք բուրբի առաջ Օթոմանեան Դաշնակցութեան եղբայրական դրօշակը . խրախուսենք այդ շարժումները բոլոր կարելի միջոցներով, անկեղծ պորձակցութեամբ փոխադարձ վստահութիւն ներշնչենք, որ խրաքանչիւր ժողովրդի էական պահանջները գոհացում կը ստանան . տենդային ջանքերով պատենք եւ ձեր ժողովրդի դիտակցութիւնը պատող խաւարը, — եւ մեզ կը յաջողուի համախմբել բոլոր տաճկահասպտակ ժողովուրդներին առաջադէմ, օրինապահ եւ ազնիւ տարրերը, որոնք՝ միասին վերցրած՝ ե՛ւ կը տան երկրին այն ուժը, որի կարիքը զգացում է : Եւ եթէ վերջապէս դուք հաւատում էք սահմանադրութեան բարեբեր հետեւանքներին, թողէք նախ՝ ընդհանուր նպատակի առաջ միանան, ի մի ձուլուեն բոլոր տարրերը, իսկ նրանից յետոյ կեանքի ընթացքը, ժամանակի պահանջները ինքնըստինքեան ցոյց կը տան՝ թէ որքան անհրաժեշտ է մինչեւ Օթոմանեան Դաշնակցութեան հաստատուելը՝ ընդունել իրրեւելջեան, իրրեւ անցողական մի շրջան, ձեր փայփայած սահմանադրութիւնը : Բայց դուք, Երիտասարդ Թուրքերդ, հակառակ էք դրան, եւ մէկ

սուլթանին խփելով՝ պատրաստ էք մեզ էլ շինսիւնել :

Ի՞նչպէս հետեւենք ձեզ . . .

Գալով միջոցների խնդրին, այստեղ եւս դրութիւնը անորոշ է : «Օսմանլին» միակ խումբն է, որ յայտարարել է իրեն յեղափոխական, իսկ «Երիտասարդ Թուրքեր» են իրենց անուանում բուրբ բողոքողները, բուրբ դժգոհները : «Մեւլերէթ» իրեն «կարդի եւ յոռաճողիմութեան» կողմնակից համարելով՝ հանում է իր ծրարից յեղափոխական միջոցները : Տամատ-Մահմուտ փաշան պարզ չի խօսում այն ձեւերի մասին, որոնցով կարելի է «ջնջել Հայրենիքը կեղեքող բոնակալութիւնը» եւ՝ եթէ ներելի լինէր ենթադրութիւնների մէջ մտնել, միայն կարող էինք ասել, որ յամենայն դէպս նա «յոռաճողիմութեան» կուսակցութիւնից շատ աւելի է յոռաճողէմ :

Ո՞ր միջոցների վրայ պէտք է կայանայ միութիւնը :

Հայրենակիցներ, մենք խօսեցինք ամենայն անկեղծութեամբ, այնպէս, ինչպէս խօսում ենք ինքներս մեզ հետ եւ ինչպէս վայել է լուրջ հարցերի դիմաց : Եթէ տեղ-տեղ մենք ստիպուած եղանք խիստ լեզու բանեցնել, դա բացատրուում է ոչ թէ մեր կոշտութեամբ, այլ միակ ցանկութեամբ՝ չթողնել ոչ ներկայի եւ ոչ ապագայի համար մութ, անորոշ կէտեր : Իսկ մի անգամ էլ ձեր

առաջ մեր տրամադրութիւնները շեշտելու համար՝ աւելացնում ենք ե՛ւ հետեւեալը.

Թուրքի՛ր, մենք չենք ձգտում ոչ հայ թագաւորութեան վերականգման, ոչ թէկուզ 100 մարդուց միայն բաղկացած սեւէ ազգութեան սպառնող գերիշխանութեան, ոչ էլ անպատճառ ձեր պետութիւնից անջատուելուն: Մեր դրութիւնը պարզ է. ինչպէս ձեզ վիճակուած է գործել ձեր ժողովրդի մէջ, նոյնպէս էլ մեզ համար աւելի յարմար է մեր ժողովրդի պէտքերին հետեւել: Եթէ մենք այսօր կոչում ենք բարձրաձայն՝ «Կեցցէ՛ հայկական շարժումը», «Կեցցէ՛ հայ յեղափոխութիւնը», դա չի նշանակում, որ մենք միշտ պատրաստ չենք նոյն ոգեւորութեամբ նաեւ կոչելու՝ «Կեցցէ՛ ընդհանուր օթոմանեան յեղափոխութիւնը», «Կեցցէ՛ ընդհանուր օթոմանեան անկախութիւնը»: «Աշխատաւոր դասակարգերը իրենց բնական եւ բաղձալիցմանի զարգացման համար կարիք ունեն իրենց ազգերի անկախութեան ոչ պակաս, քան ընդհանուր ձայնտուութեան, կապակցութիւնների եւ մամուլի ազատութեան». «միջազգայնութիւնը չէ հերքում ազգայնութիւնը, այլ նշանակում է միայն ազգերի ազատութիւն եւ հաւասարութիւն», ասում է յայտնի Կառլեյկին: «Միջազգայնութիւնը նոյնքան հակառակ չէ ազգայնութեան, որքան ընկերվարութիւնը՝ անհատականութեան, այսինքն անհատի վարդացման». «սոսանձին ազգերի անհատականու-

թիւնը մարդկութեան համար նոյնն է, ինչ որ հասարակութեան համար անձնաւորութիւնների անհատականութիւնը», — պնդում է Լիփկնեխտ, եւ մենք, ինչպէս տեսնում էք, չենք հակասում եւ պիտի չհակասենք միջազգայնութեան զաղափարին:

Այո՛, լինելով հայեր, գործելով հայերի մէջ, մենք մնում ենք մարդիկ եւ չենք կարող ուրիշներին պակասը ցանկանալ, քան ուզում ենք մեզ համար: Ուրիշի հաշուով ապրողների կամ նրանց իրաւունքների սահմանափակման վրայ իրենց իրաւունքները հիմնողների վատութիւնը եթէ մենք չիմանայինք, սուլթանների տիրապետութիւնը միայն բաւական կը լինէր դրանում մեզ համոզելու համար: Տուէք մեզ որեւէ հաւաստիք, որ միանալով ձեր հետ՝ դրանով մենք չենք ապահովի միայն ձեր հանդստութիւնը՝ թէ հայկական հարցը յաջողաբար խեղդեցիք եւ որ այդ հարցից այլեւս վտանգ չկայ օսմանեան դերիշխանութեան եւ նրա վաղեմի աշխարհակալ փառքին, այլ դրանով ձեռք կը բերենք թուրք մտաւորականութեան մի արժանահաւատ ուժը, որ կարող է բարեփոխել մեր ժողովրդի դրութիւնը, — եւ մենք յեղափոխականին վայել աւելինով կը վազենք ձեր շարքերը ամբապնդելու:

Բայց ե՞րբ կը լինի այդ...

1900



## ՀԱՅ - ՔՐՏԱԿԱՆ ՅԱՐԱԲԵՐՈՒԹԻՒՆՆԵՐ

Պետիր խանի որդի Ապտիւլուհաման բէյի կողմէն քրտերին, որ տպագրուած է «Իրօշակ»ի ներկայ համարում(\*), թելադրում է մեզ մի քանի խորհրդածութիւններ հայ-քրտական յարաբերութիւնների մասին:

Քիւրտ-հայկական համերաշխութեան հարցը նոր երեւոյթ չէ մեր կեանքում: Ներսէս Վարժապետեանի, Մկրտիչ Խրիմեանի հայեացքները եւ նրանց որոշ գործնական քայլերը այդ սահմաններում՝ յայտնի են շատերին: ԲաՖՖիի մշտական քարոզները, Սրուանձտեանի կարծիքները եւ զրահեո շատ ուրիշների երբեմն մոլեռանդ հաւատը, երբեմն բաւականաչափ հիմնաւորուած համոզումները՝ վաղուց են շրջում մեր հասարակութեան մէջ: Վերջապէս, անցեալ տասնամեակում

---

(\*) 1901, № 4:

քրտերի հետ դաշնակցելու նպատակով հայ յեղա-  
փոխականների տեղ-տեղ արած փորձերը՝ նոյն-  
պէս արդէն դուրս են գաղտնիքի շրջանից :

Մենք ոչ միայն տրամադիր չենք ժխտելու  
անցեալից արդէն մեզ ժառանգուած այդ ուղղու-  
թիւնը, այլևս պատրաստ ենք այսօր ընդունելու,  
— եթէ կամենում էք, — այդ ուղղութեան յաղ-  
թանակի մի նոր արտայայտութիւն : Այն ինչ մին-  
չեւ այժմ քրտերի հետ համերաշխութիւն հաս-  
տատելու միտքը յղացուել եւ հետաքրքրութեան  
առարկայ է եղել միայն հայերի մէջ, վերջին տա-  
րիներում տեղի ունեցած մի քանի փաստեր — օ-  
րինակ, 1898 թուի «Իրօշակ»ի № 6ում ու 1900  
թուի № մէկում տպած յօդուածները, — ինչպէս  
նաեւ Ապտիւլուահաման բէյի ներկայ կոչը, ցոյց  
են տալիս, որ նոյն միտքը հող է գտել եւ արդէն  
կեանքի վերածուելու ճիգեր է անում նաեւ քիւրտ  
մտաւորականների մէջ : Միեւնոյն դաղափարի  
վրայ աշխատողները ուրեմն երեւան են գալիս  
երկու կողմից՝ փոխանակ մի կողմի, եւ ինքըս-  
տինքեան հաւանական է դառնում այն ենթադրու-  
թիւնը, որ այսուհետեւ հայ-քրտական համերաշ-  
խութեան խնդիրը կարող է զարգանալ համեմա-  
տարար աւելի նպաստաւոր, աւելի յաջող պայ-  
մաններում :

Սակայն՝ չնայելով երեւոյթի բոլոր ուրախա-  
լի բնաւորութեան, մենք չենք կարող ծածկել մե-  
զանից, որ քրտա-հայկական դաշնակցութեան

խնդիրը ամէն անգամ, երբ նա հրապարակ է գա-  
լիս, մեզ դնում է մի դրութեան մէջ, որ Ֆրան-  
սական ժողովուրդը բնորոշում է իր մի առածով,  
այն է՝ «parler de la corde dans la maison d'un  
pendu» (խօսել պարանի մասին մի կախուածի  
տան մէջ) :

Եւ իսկապէս, եթէ հարցնելու լինենք մեզ՝  
թէ ո՞ւմնից է հայ ժողովուրդը, — դոնէ 19րդ  
դարի քսանական թուականներից, — օրէ օր, ամ-  
սէ ամիս, տարէց տարի աւելի տուժել, այնչափ  
տուժել, որչափ նա չէ տուժել անմիջապէս ոչ մի  
ուրիշ աղբութիւնից, դժուար թէ գտնուի մէկը,  
որ չպատասխանէր՝ քրտից : Եւ ահա այդ մշտա-  
կան մեր թշնամու, մշտական մեր աւերողի, մոր-  
թողի, անպատուողի, տանջողի, մեր հայրենի-  
քից մեզ ցիրուցան անողի, մեր արիւնը ծծողի,  
մի խօսքով հայութիւնը կախ տուող այդ պարա-  
նի մասին է, որ մենք հայերս պէտք է խօսենք  
լսենք : Դրութիւնը աւելի քան անողորմ է, եւ  
ի հարկէ պահանջում է ամենայն զգուշութիւն  
խնդիրը ըստ կարելոյն սառնասրտութեամբ լու-  
սարանելու համար :

Միանգամայն անհրաժեշտ է պարզել, որտե՞ղ  
են այն պայմանները, այն պատճառները, որ հիմ-  
նաւորում են քիւրտ-հայկական հակառակութիւն-  
ները, եւ կարելի՞ է արդեօք դրանց առաջն առնել  
եւ ի՞նչ միջոցներով :

Ապրելով լեռներում եւ սարահարթներում,

ուր երկրի բնական հարստութիւնները եւ կիսա-  
թափառական-խաշնարած կենցաղին յատուկ սահ-  
մանափակ արդիւնաբերութիւնը չեն պայմանա-  
ւորում քրտերի համար ապահով կեանք, նրանք  
ներկայանում են դոյութեան կուում իրրեւ թոյլ  
տարր: Կաթ, պանիր, միս, բուրդ, քրտի գործը-  
ւածքներ եւ քիչ քանակութեամբ հաց, — ահա  
այն մթերքները, որ արդիւնաբերում են քրտերը:  
Արհեստի բազմազան արտադրութիւններ, բրինձ,  
աղ, շատ յաճախ հաց, մրգեր եւ այլն, — այսինքն  
մի շարք առաջնակարգ կենսական պիտոյքներ, —  
նրանք պէտք է ստանան դրսից, ուրիշ ժողովուրդ-  
ներից, եւ դրա համար նրանք չունեն ուրիշ մի-  
ջոց քան կողոպուտ եւ սպանութիւններ, որոնք  
տարիների ընթացքում դարձել են «քրտական ար-  
դիւնաբերութեան» մի անհրաժեշտ, համարեա մի  
«բնական» մաս: Իր զարգացման շաւղում քիւրտը  
հազիւ է բարձրացել մինչեւ նահապետական ցե-  
ղական սկզբունքը: Յեղի շահը՝ ահա ինքն է դե-  
կավարում նրա կեանքը: Չկայ այդտեղ ազգային  
գաղափար, ժողովրդական մի ամբողջութեան  
հասկացողութիւն: Չկան այդտեղ վերացական  
ընդհանուր սկզբունքներ ո՛չ՝ սպանութիւնների,  
ո՛չ յափշտակութիւնների մասին թէ՛ հասարակա-  
կան եւ թէ՛ մասնաւոր կեանքում, ճիշդ այնպէս,  
ինչպէս քաղաքակիրթ ազգերի մէջ պետական ինք-  
նապաշտպանութեան տեսակէտից ընդունւում են  
պատերազմի սպանութիւններ, յափշտակութիւն-

ներ եւ այլն: Այն ամէնը, ինչ պահպանում է ցե-  
ղը, յաճախ նոյնիսկ անհատը — լաւ է, եւ ինչ  
կարող է վնասել նրանց՝ վատ: «Յեղակից» եւ  
«այլացեղ» հոմանիշ են «բարեկամ» եւ «թշամի»  
խօսքերին, թէկուզ այլացեղը լինէր նոյն քրտա-  
կան ազգութիւնից: Ու հասկանալի է, որ յան-  
ցանք չկայ, որ քիւրտը չարարացնէր, եթէ դա  
կատարւում է այլացեղի վրայ: Այդ բաւական  
չէ: Կողոպուտն ու սպանութիւնները, իրրեւ ցեղի  
եւ անհատի բարեկեցութեան նպաստաւոր միջոց-  
ներ, նոյնիսկ առաքինութիւն են համարւում եւ  
զովասանւում, փառաբանւում, երգւում են իրրեւ  
կտրիճի վայել յատկութիւններ:

«Ո՛չ բալուջները, ո՛չ բէդուիները, ո՛չ հա-  
պէշները եւ ո՛չ էլ պատագոնները չեն գերազան-  
ցում ֆիւլտ պատերազմատէր ցեղերին իրենց ա-  
ւազակաբարոյութեամբ եւ այդ բնագդմամբ բա-  
ւականութիւն տալու արուեստով», — ասում է  
էլիզէ Ռեկլին:

Այդպիսով քաղաքակրթութեան պատմութեան  
մէջ ինչ տեսակի բաժանումների էլ հետե-  
ւելու լինենք — ընդունենք Տայլլրի, Մորկանի  
թէ Լիպերտի սիստեմները՝ այդ միեւնոյն է —  
քրտերը, իրրեւ մեծ մասամբ դեռ թափառական-  
խաշնարած եւ ցեղական սկզբունքով ապրող ժո-  
ղովուրդ, պէտք է դասաւորուեն մարդկային քա-

ղաքակրթութեան յայտնի շրջաններից՝ բարբա-  
րոսական շրջաններում: Բարբարոսական կենցա-  
ղի մի ժողովրդի հետ է ուրեմն, որ պէտք է ապ-  
րեն հայերը, նրանց անմիջական հարեւանները,  
որոնք սակայն վաղուց են ոտ կոխել փաղափակըր-  
թական կենցաղի շրջանը: Այս անբախտ գուգա-  
դիպութիւնը մի երկրում երկու տարբեր քաղա-  
քակրթական կենցաղների. — ահա մէկը այն հիմ-  
նական պատճառներից, որոնք պայմանաւորում  
են քրտական ու հայկական շահերի եւ տեսակէտ-  
ների ահադին տարբերութիւնը:

\* \* \*

Միւս նշանաւոր պայմանը, որի շնորհիւ անօ-  
րինակ կերպով սրւում են քիւրտ-հայկական յա-  
րաբերութիւնները եւ որի ահռելի ապացոյցը  
մենք տեսանք մեր օրերում, — դա այն տակտիկն  
է, որին հետեւում է քուրք կառավարութիւնը  
հնուց ի վեր:

«Որպէս զի քրտերը հետու մնան անկախու-  
թեան ձգտումից, կառավարութիւնը աշխատում  
է նրանց գրաղեցնել ուրիշ խնդիրներով: Այդպէս,  
օրինակ, նա դրդում է քրտերին Քիւրտիստանում  
ապրող նեստրականների դէմ, ինչպէս նաև մահ-  
մետականներին զինում է ֆաղդէացիների դէմ,  
իսկ վերջիններս՝ եզդիների եւ քրտերի դէմ:

Եւ այդպիսով առաջ է բերում խռովութիւններ  
այն միակ նպատակով, որ իրեն պահի գերագոյն  
իշխանութիւնը... Եւ կատակ ազանդները չմիա-  
նան ընդհանուր թշնամու դէմ»:

Այս դիտողութիւնները մենք գտնում ենք  
գերմանացի Շուայկեր Լերխենֆելտի մի աշխա-  
տութեան մէջ, որ հրատարակուած է 1875 թուին  
այն հետախուզութիւնների հիման վրայ, որ 1872-  
1873 թուականներին երկրաչափ Չերնիկի ղեկա-  
վարութեամբ արուել են բուն Քիւրտիստանում  
(Հիւսիսային Միջագետք): Ում յայտնի են զըր-  
տերի ձեռքով կատարուած եզդիների ջարդը  
1830 թուին կամ 1846 եւ 1849 թուականներին  
Մուհամէտ փաշայի (Կիրիտլի) զրդամբ նեստր-  
ականների կոտորածը, ինչպէս նաև 1860 թուին  
առհասարակ քրտոտնեաների ջարդը, երբ, —  
ըստ միեւնոյն հեղինակի — «քուրքերը գործում  
էին տրիւգների հետ միասին, գրգռելով նրանց  
մոլեռանդութիւնը եւ արտայայտելով վերին աս-  
տիանի նեկզամութիւն ու կեղծաւորութիւն»ում  
այս յայտնի են, ասում ենք, այս փաստերը, նրանց  
մէջ տարակոյս չէ կարող լինել երկրաչափ Չեր-  
նիկի իրաւացի դիտողութիւնների մասին: Յատ-  
կապէս հայերիս վերաբերմամբ՝ տաճկական նոյն  
տակտիկը, ի հարկէ, արտայայտուեց աւելի սուս-  
կալի չափերով: Բոլորիս յայտնի են այն ներդոր-  
ծական խրախուսանքները քրտական բոլոր խըժ-

դժուրիւններին, որոնք ուզողւած են եղել հայերի դէմ: Պատկերը լրացնելու համար միայն յիշատակենք 1829, 1855 եւ 1877 թուերի հայկական մեծ աւերումները քրտերի ձեռքով եւ վերջապէս «համիտիէ» կազմակերպութիւնը, որի կոչումը այնքան աղետարեր կերպով արտայայտուեց 1895 եւ 1896 թուերին:

Միեւնոյն «վերին աստիճանի նենկամտութեան եւ կեղծիքի» սխտեմին են հետեւում եւ պիտի հետեւեն նաեւ ռուսները, լուսաբանելով հայկական շարժումը ճիշդ եւ ճիշդ թուրքերի պէս, այսինքն իբրեւ մի ձգտում, որ նպատակ ունի եւրոպական պետութիւնների միջնորդութեամբ ստեղծել սեփական հայկական թաղաւորութիւն եւ քրտերին ենթարկել ստրկական վիճակի: Այդպէս, օրինակ, ռուս սպայակոյտի զնդապետ Կարցովը, որի ատելութիւնը դէպի հայկական խնդիրը հասնում է կուրուքեան նոյնիսկ ակներեւ փաստերի առաջ, Կովկասի կայսերական աշխարհազորական ընկերութեանը տուած իր զեկուցման մէջ ասում է.

«Օտար, մեծ մասամբ անգլիական դրդումների (?) ազդեցութեան տակ, վերջին տարիներում, քաղաքների հայերի եւ հոգեւորականութեան մէջ սկսուել է շարժում հայկական անկախութեան վերանորոգման եւ վաղուց չփացած Հայաստանի վերածնութեան համար... Հասկա-

նալի է ատելութեան այն զգացումնքը, որ ծագեց քրտերի մէջ դէպի հայերը, այն միտքը, թէ նրանք, որ կազմում են երկրի (?) ազգաբնակչութեան մեծամասնութիւնը, կը լինեն ենթարկուած (?) խորապէս արհամարհուող եւ ոչ-պատերազմաւէր փոքրամասնութեան (?), բոլորովին անտանելի է ամէն մի մահմետականի, մանաւանդ քրտի համար:

Բայց հայկական խնդիրը իր արժատում խեղճելու կողմնակից զնդապետ քրտասիրութիւնից չէ, որ խօսում է հայերի դէմ: Ահա բառ առ բառ նրա խօսքերը քրտերի մասին, որոնց վրայ նա նայում է լոկ միմիայն ռուսական տիրապետական դիտումների տեսակէտից, ինչպէս տաճիկները տաճկական գերիշխանութեան տեսակէտից:

«Քիւրտերի պատմութեան տեսութիւնից կարելի է հանել մի եզրակացութիւն, որ շատ կարեւոր է գնահատելու համար այս կամ այն կարելի գործողութիւնները Քիւրտիստանին մօտիկ երկիրներում ծագած քաղաքական բարդութիւնների ժամանակ: Քրտին շատ էր է ծանօթ հայրենասիրութեան զգացումնքը այն մտքով, ինչ մտքով հասկանում ենք մենք. հաւատարմութիւն տանիկ կառավարութեան ամենեւին չունեն, բայց բաւական գորեղ է զգացումնքը դէպի ցեղը եւ նրա գլխաւորը:

Եւ էլի՛ .

«Քրտերը շուտափոյժ գէնֆի դիմելով՝ նոյն արագութեամբ էլ սառչում են, հենց որ դիմադրութեան են հանդիպում: Կոզոպուտի հոգսը նրանց մէջ գերազանցում է նոյնիսկ հաւատարմութիւնից դէպի շէյխը . ջալալի ֆրդերը հետեւում են շիա Թէյմուր ազայի նկղդէմ իրենց ցեղակցի, որ բացի դրանից՝ շրջապատուած է կրօնական հմայֆով: Մի խօսֆով՝ ֆրտերի բոլոր գործողութիւններում երեւում է ոչ թէ դիմացկուն եւ համարձակ մի ժողովուրդ, այլ վայրենի կոզոպուտիներ, որոնք անընդունակ են որեւէ երկարատեւ ջանքերի եւ պատրաստ են ամէն բան գոհել վայրկեանական, գրօշային շահին»:

Եւ ի հարկէ այդ «վայրկեանական, պրօշային շահին» բաւարարութիւն տալու համար էր, որ 1829 թուին ռուս-տաճկական պատերազմի ժամանակ կոմս Պասկեւիչը, համարելով Քիւրտիստանի խաղաղութիւնը պատերազմի յաջողութեան գլխաւոր պայմաններից մէկը, թոյլտուութիւն ստացաւ 100 հազար ռուբլի ծախսելու քրտերին ընծաներ բաժանելու նպատակով:

\* \* \*

Վերջապէս չէ կարելի անտես առնել մեզ հետաքրքրող հարցում նաեւ կրօնի նշանակութիւնը: Շատերն են ժխտում կրօնի դերը քիւրտ-հայ-

կական յարաբերութիւններում . բայց մեզ թւում է, որ մի կրօն՝ որի մէջ դարերի ընթացքում ամփոփուել է մահմետական աշխարհի համարեա բոլոր մտաւոր-բարոյական կեանքը, մի կրօն՝ որ գերադոյն ղեկավար է հանդիսացել մահմետական պետութիւնների ամբողջ քաղաքական կազմի մէջ, մի կրօն՝ որ «կեաւուր» խօսքով այնքան խստօրէն բաժանում է ամբողջ երկրագնդի այլակրօն տարրերը «միւսիւլմաններէց» . մի կրօն՝ որ մարդարէի անունով կոչում է իր հօտին՝ «պատերազմեցէ՛ք անհաւատների հետ մինչեւ կը վերանայ ամենայն մի դիմադրութիւն, մինչեւ Ալլահի հատար կը դառնայ միակ կրօն աշխարհիս վրայ», մի կրօն՝ որ «հալալ» է անում իր հետեւողներին այլակրօնների արիւնը եւ աւար-կողոպուտը, մի կրօն՝ որի պատգամները այնքան համապատասխանում են մանաւանդ քրտերի բոլոր վայրենի բնազդներին, մեզ թւում է, ասում ենք, որ այդպիսի մի կրօն չէ կարող չունենալ իր սրտը դերը քիւրտ-հայկական հակառակութիւնների խրնդրում: Այդպէս են նայում հարցին նաեւ Տաճկաստանը ու իսլամը մօտից ռուսմանսիրած բոլոր հեղինակները, սկսած մեր անմահ Բաֆֆիից մինչեւ Էնդելհարտ (Տանկաստան եւ Թանգիւմաք), Գրին (Հայկական ձգնաժամը) ու շատ ուրիշներ:

Ահա, մեր կարծիքով, այն գլխաւոր գործօնները, — քրտերի բարբարոսական կենցաղը, տաճիկ ու ռուս կառավարութիւնների տակտիկը եւ

մահմետական կրօնը, — որոնք սաստկապէս դժուարացնում են եւ պիտի դեռ եւս դժուարացնեն քրիւրո-հայկական համերաշխութեան դործը:

Հետեւեալ յօդուածում կը քննենք երկրորդ հետաքրքիր հարցը, որ մենք գրինք վերեւ:

## II

Այն նշանաւոր պայմանները, որ մենք արդէն մատնացոյց արինք իրր արդեւքներ հայ-քրտական մերձեցման, հասկանալի է, որ չեն կարող ներկայ օրերում առանձին հաւատ ներշնչել այդ երկու տարրերի մշտական, սխառեմատիկ միացած դործակցութեան մասին: Բարեշրջել քիւրտերի բարբարոս կենցաղը, որ տարրեր է մերինից, շարունակ յաջող կերպով մրցել երկու կառավարութիւնների հետ, որոնք հաւասարապէս թշնամի են քիւրտ-հայկական համերաշխութեան. չկործացրնել կրօնական ազդեցութիւնները, որոնք քրտերի մէջ հոմանիչ են ազգայնական հասկացողութեան, — դրանք այնպիսի խոշոր կուլտուրական խնդիրներ են, որոնք կարող են մշակուել անդադար դործող մուրճի տակ, երկար ժամանակի ընթացքում. մինչդեռ հայկական հարցի բնաւորութիւնը, մեր ժողովրդի արդի կացութիւնը, կռուի շրջանին յատուկ մեր լարուած տրամադրութիւնները, ընթացիկ կեանքի անյետաձգելի պահանջ-

ները՝ մեզ թոյլ չեն տալիս հեռաւոր ապագայի վրայ հիմնել ժամանակակից մեր հոգսերը եւ դործնական ծրագիրները:

Ահա այդ տեսակէտից՝ քիւրտ-հայկական հակառակութիւնները պայմանաւորող գլխաւոր պատճառների առաջն առնելու հարցը, իրբեւ արմատական եւ միեւնոյն ժամանակ շատ բարդ դործ, չէ կարող իր ամբողջ ծաւալով դրադեցնել մեզ: Այժմէական կարեւորութիւն ունեցող միակ խնդիրը ուրեմն կը մնայ այն՝ թէ չէ՞ կարելի խնդիրը ուրեմն կը մնայ այն՝ թէ չէ՞ կարելի արդեօք, դոնէ յայտնի չափով, մեղմացնել այդ հիմնական արդեւքների վնասարեւ բնաւորութիւնը, կամ ուրիշ խօսքով՝ չէ՞ կարելի արդեօք նոյնիսկ այժմեան հանդամանքներում դոնել քրտական կեանքում ուրիշ այնպիսի դործօններ, որոնք կարող են եթէ ոչ օրէցօր զարգացնել քիւրտ-հայկական համերաշխութիւնը բնդհանրապէս, երբեմն վաղանցիկ, երբեմն փոքրիչատէ տեւողական, երբեմն անշան, երբեմն լայն յարաբերութիւններ հաստատելու համար:

Սփեւորը իր «Քաղաքական հիմնարկութիւնների զարգացման» մէջ՝ խօսելով «պատերազմասէր հասարակութիւնների տեսակի» վրայ, ասում է, որ նրանց մէջ «չատ ուժեղ է հնազանդելու բնագիր» եւ բնդհակառակն՝ «անհատական նախաձեւնութիւնը կաշկանդուած է», որ այդպիսի հասարակութիւնների մէջ իշխում է «կրաւորական համաձայնութիւն եւ սպասողականութեան

դրութիւն», որի շնորհիւ հասարակութեան պետը, առաջնորդը հանդիսանում է «գլխաւոր դերակատար կեանքում»: Վերածելով այս ընդհանուր ճշմարտութիւնը քրտերին՝ պէտք է տեսնենք, որ նոյն ցեղական սկզբունքը, որ նրանց մէջ քաղաքակրթական այնքա՛ն յետամնաց դրութեան յատկանիչ է, ունի մեզ հետաքրքրող խընդրի տեսակէտից մի առաւելութիւն, որն արժանի է առանձին ուշադրութեան: Շնորհիւ այդ սկզբունքի՝ քրտերի մէջ համոզել, օրինակ, մի ցեղապետի (էլ-աղասի, միր) կամ մի կրօնապետի (չէյխ), դա միեւնոյն է՝ թէ համոզել նրա ամբողջ ցեղը, որն իր «կրաւորական համաձայնութեան» մէջ՝ գիտէ միայն հնազանդուել իր իշխանաւորներին եւ կատարել նրանց կամքը: Քաղաքակրթական աւելի բարձր շրջաններում, ի հարկէ, պետերի նշանակութիւնը կեանքում սահմանափակուած է, հետզհետէ դադարելով ամբողջ հասարակութիւնների պատմական կեանքը իրենց մէջ անդրադարձնելուց: Բայց այդպէս չէ ստորին զարգացման աստիճանների վրայ, ուր հասարակական յարաբերութիւնները չափազանց պարզ են, ուր չկան բազմաթիւ հիմնարկութիւններ, մարդկային գործունէութեան բազմազան ճիւղեր, գաղափարների անընդհատ մշակում, կեանքի նորանոր հոսանքներ՝ իրենց մշտական փոխադարձ ազդեցութիւններով, ընդհարումներով եւայլն: Երբ Բաֆֆին իր հերոսներից «Գու-

շակողին» գետեղում է քրտերի մի նշանաւոր շէյխի մօտ, որ «մի օրուան մէջ կարող է 10 կամ 20 հազար ձիաւոր դուրս բերել», կամ երբ՝ խօսելով հայերի մասին՝ նա, Ասլանի բերանով, ցաւ է յայտնում, որ հայերը ազնուականութիւն չունեն, թէեւ ինքը «չէ համակրում աղնուականութեան զաղափարին», մեզ թւում է, որ նա ի նրկատի ունի հենց այդ յետամնաց դրութեան մեր մասնացոյց արած որոշ առաւելութիւնը. հայ ազնուականութիւնը, շնորհիւ իր դիրքի եւ հեղինակութեան ժողովրդի առաջ, դուցէ՛ կարողանար կապել, համախմբել ու մղել նրան դէպի մեր ազգային ազատագրութեան գործը... մտածում է Բաֆֆին:

Ընդունելով ուրեմն, որ ցեղական սկզբունքը շատ նպաստաւոր պայման է ներկայանում մեզ հետաքրքրող խնդրում, նայենք այժմ, ո՞րքան հեշտ է կամ կարելի է քիւրտ անհատ-պետերի հետ համերաշխութիւն հաստատելու գործը:

«Քրտերը թշնամարար են վերաբերում թուրքերին: Ամէն բանից երեւում է, որ նրանք, ինչպէս է թուրքերին հպատակ ժողովուրդների մեծ մասը, ձգտում են անջատման եւ որ նրանք պատրաստ են առաջին յարմար դէպքում ապրտամբել՝ իրենց նախկին անկախութիւնը ձեռք բերելու համար», — ասում է Շուսայկեր Լերիսենֆելտը, որի մասին յիշեցինք անցեալ անգամ:



Նոյն երեւոյթի մասին վկայում է նաև Ռեկ-  
լին:

«Այս դարի կիսից սկսած՝ մասնաւորապէս  
ռուսաց վերջին արշաւանքից յետոյ տեղի ունե-  
ցած քրտական ապստամբութիւններից շատերը  
նպատակ ունէին ձեռք բերել քաղաքական անկա-  
խութիւն: Մինչեւ անգամ փորձեր եղան հիմնե-  
լու մի «Քրտական դաշնակցութիւն»:

Եւ տեղի ունեցած փաստերը հաստատում են  
այս վկայութիւնները: Ռուսնտուզի փաշալիքը,  
Հէյքարի, Բախտանի, Բեղտինանի իշխանութիւն-  
ները ընկան ոչ առանց ընդդիմադրութեան տա-  
ճիկ կառավարութեան. Պետիր խանի ապստամ-  
բութիւնը (1846), Եղզանչիրի կռիւները (1854),  
մի քանի պետերի առաջարկները Կարինի ռուսաց  
հիւպատոսին՝ ընդդէմ տաճիկ կառավարութեան  
(1876), Շէյխ Իպատուլլահի ծրագիրը միեւնոյն  
մտքով (1880) — ահա մի քանիսը այդ փաստե-  
րից:

Միեւնոյն տրամադրութիւնը պէտք է լինի  
քրտերի մէջ նաև դէպի ռուսները: Քիւրտ պե-  
տերից շատերն են հասկանում, որ ռուսաց տի-  
րապետութիւնը կորստաբեր է իրենց նիստ ու  
կացի, իրենց արտօնութիւնների եւ ցեղական ամ-  
բողջ կազմի համար: Ռուս պնդապետ Կարցովը,  
որի նկարագրի հետ մենք արդէն ծանօթ ենք, ուղ-  
ղակի յայտարարում է.

«...1827 թուին, երբ կոմս Պասկեւիչը տի-  
րեց Երեւանեան խանութեանը, քրտերը հաւա-  
տարմութեամբ ծառայում էին Երեւանեան սար-  
տարներին եւ ամէն կերպ օգնում էին նրանց  
ռուսների դէմ: Բացի կրօնական պատճառներից՝  
նրանց դրդում էր պատերազմել մեր դէմ այն  
միանգամայն հիմնաւոր համոզմունքը, որ երկ-  
րում ռուսների հաստատուելուց յետոյ՝ վերջ կը  
դրուի նրան վայրենի ազատութեան, նրանց կա-  
մայականութեանը եւ աւարառութիւններին»:

Մենք ոչ մի կերպ չենք մոռանում ի հարկէ,  
որ՝ շնայելով այս ատելութիւններին դէպի տա-  
ճիկ եւ ռուս կառավարութիւնները, շատ յաճախ  
քրտերը, շնորհիւ իրենց կեանքում տիրող պայ-  
մաններին, սոսկալի պործիք են դառնում իրենց  
թշնամիների ձեռքում՝ ի վնաս հարեւան ժողո-  
վուրդների: Բայց քանի որ անհերքելի են այս  
տրամադրութիւնները, որոնք անշուշտ նոյնպէս  
ունին որոշ արմատներ քրտական կեանքում եւ  
որոնց արտայայտութիւնը եղաւ, ի միջի այլոց,  
«համիտիէին» շատ ցեղերի շմանակցելը, ինչ-  
պէս նաև մինչեւ վերջին ժամանակներս տեղ-տեղ  
պահպանուող քրտերի կիսանկախ դրութիւնը, —  
մենք կարծում ենք, որ կայ որոշ հող, որի վրայ  
կարող են մշակուել եթէ ոչ մշտական, գոնէ ժա-  
մանակաւոր, եթէ ոչ լայն ծաւալով, գոնէ մաս-  
նաւոր համաձայնութիւններ այս կամ քիւրտ պե-  
տերի հետ:

Եզրափակում է ժողովրդական մի երգ այս խօսքերն է պարունակում. «Բորենին խնայում է կեանքը եւ միայն դիակներ է հանում գերեզմանից, իսկ փաշան երիտասարդների արիւնն է խմում... Անիծուի հօգրը, որ գութ չունի»...

Ովքե՞ր են քրտերի համար այդ «գութ չունեցող հօգրները»՝ թուրքերը, ռուսները թէ՞ հայերը... Անկարելի է, որ քրտերի մէջ չզտնուեն իրենց դրութիւնը բաւականաչափ գիտակցող պետեր, որոնք չկարողանան այս հարցին պատասխանել այն ձեւով, որ համապատասխանում է իրենց եւ մեր փոխադարձ շահերին:

Բայց եւ մենք հայերս պէտք է ջանանք այդ գիտակցութիւնը նրանց ներշնչել: Միայն՝ դրա համար մենք չունենք ուրիշ միջոց, քան մեր սեփական ուժերը հարստացնելու, եւ կեցողութիւնը օրինակներով ապացուցանելու, որ մենք ընդունակ ենք պաշտպանել մեր եւ շատ անգամ նաեւ մեր հարեւանների շահերը: Կ'ունենանք այդ ուժը, կ'ունենանք ե՛ւ քիւրտ դաշնակիցներ: Հակառակ դէպքում հայերը աւելի ձեռնտու պիտի մնան քրտերի համար իրրեւ հարստահարութիւնների եւ թալանի առարկայ, քան իրրեւ զինակիցներ ընդհանուր թշնամիների դէմ:

1901



Քրիստափոր Միքայէլեանի կիսանդրին  
(Սոֆիա)

## ԿՈՎԿԱՍԱՀԱՅԻ ՏԱԳՆԱՊԸ

«Այս է իմաստութեան վերջին խօսքը —  
նա է միայն արժանի ազատութեան եւ կեան-  
քի, ով որ ամէն օր կռուով նուաճում է նը-  
րանց»:

ԿէՕԹԷ («Ֆաուստ»)

1825 թուին՝ «Խելփից պատուհաս»ի հռչակա-  
ւոր հեղինակ եւ Արեւելքին քաջ ծանօթ Կրիպոյե-  
տով իր բարեկամ Պեղիչեւին Թէոդոսիայից ուղ-  
ղած մի նամակում գրում էր. «Ճեմովացիներից  
եւ հովիւ-քաքարներից յետոյ Ղրիմ եկանք մենք  
(ռուսներս), — ընդհանուր ժառանգներս, — իսկ  
մեզ հետ նաեւ՝ աւերման ուղին, այդ սովորական  
մեր ուղեկիցը Արեւելքում եւ Արեւմուտքում»:

Եւ առաջ ընթանալով միշտ հաւատարիմ ա-  
ւերման իր ողուն՝ Ռուսաստանը, ինչպէս անց-  
եալում, նոյնպէս եւ այսօր՝ ներկայացնում է  
ընդհանուր հալածանքի, ընդհանուր աւերածի ու  
բռնութիւնների մի լայնածաւալ ասպարէզ: Ազ-  
գութիւն չմնաց Ռուսաստանում, որ չճնշուէր,  
ժողովուրդ չմնաց, որ չխեղդուէր, խօսք, կար-  
ծիք, իրաւունք, օրէնք չմնաց, — նոյնիսկ կայ-

սերական գահերից հռչակուած, — որ չտրորուէր: Իշխողների եւ ստրուկների, գիշատիչների եւ զոհների, լրտեսների եւ լրտեսուողների մի ահաւոր բեմ էր գա՛ փոխադարձ ոխի եւ ատելութեան կըրքերով թունաւորուած: Ռուսաստանը մըցում է Տաճկաստանի հետ պետական կեանքի բոլոր ասպարէզներում՝ նոյնչափ յաջող բացասականում, որչափ եւ դրականում: Եւ վատարախտ հային վիճակուած է ապրել, օր-արեւ տեսնելու իրաւունք հայցել այդ երկու մահաբեր բռնակալութիւնների սահմաններում՝ «սատանայի եւ խորր ծովի միջեւ», ինչպէս ասում են անգլիացիք:

Եթէ այս դրութիւնը ընդհանրապէս պարզ չէր մեր նախորդների, մեր պապերի ու հայրերի համար, հապա 80ական թուականներից սկսած, այստեղ եւ այնտեղ, մէկը միւսի ետեւից տեղացող ծանր հարուածները այլեւս կասկած չթողին այդ մասին՝ ժամանակակից սերունդների մէջ:

Եւ հայ զպրոցների փակումից յետոյ, ահա մենք ակնատես ենք հայ եկեղեցական կալուածքների յափշտակման: Այդ կարգի երեւոյթները արդէն սովորական ճշումների արտայայտութիւն չեն, այլ բացայայտ ձեռնոց, որ վայրագօրէն նետում էր ուս աւագակապետութիւնը կովկասահայի ազգային ինքնուրուծութեանը: Ինչպէս Տաճկաստանում, նոյնպէս եւ Ռուսաստանում ի լուր անցան ուրեմն «լուծեան», «խոհեմութեան», «բարեմիտ հպատակութեան» եւ

«յարմարուելու» այն բոլոր պատգամները, որ կովկասահայ դաւանում էր ուս կառավարութեան վերաբերմամբ: Ի զուր էինք մենք լսում, ուրեմն, մեր անասնացած բուրժուազիային ու նրա որդեգրած նորագոյն մտաւորականութեան ներկայացուցիչներին՝ այդ դարչելիներին, որոնք ընդունակ են, կառավարութիւնից վարձատրուելու չափ արժանի եռանդով, հայ ժողովրդից պատրաստել խողխողուող ոչխարների կամ այլասեռուած անտարբերների մի հօտ միայն: Ի զուր էր ուրեմն կովկասահայը հետեւում իր կղերին, — այդ պատմական անդամալոյժին, որ կախուած ժողովրդի յոգնած, արիւնոտ մարմնից, բազմել էր էջմիածնում, առաջնորդարաններում, պետական դպրոցներում եւ այլուր՝ դատախազների, նահանգապետների եւ յետին ոստիկանի հրամանները կատարելու համար: Ի զուր էինք, ուրեմն, կեանքի գժուձ շահերից մղուած, — ինչպէս այդ արել ենք հայերս շատ անգամ, — այստեղ եւս իւրացնում մեր մէջ բոլոր բարձր պահանջները՝ պատուասիրութեան, համարձակութեան, զոհողութեան, ազնիւ պայքարի մեր ամենալաւ հակումները:

Այո՛, ի զո՛ւր, բոլորովին ի զուր անցան այդ բոլոր խարուսիկ ջանքերը, «զղուշութեան» այդ թունաւոր քաղաքականութիւնը, անսիրտ ու ստրկամիտ «խելօքների» այդ վարակիչ, այդ անբարոյականացնող եւ միմիայն իրենց «խելօքնե-

րի» համար անձնականապէս շատ ձեռնտու երեմիականները:

«Դրօշակ»ի ներկայ համարում(\*) տպուած «Կովկասեան խապրիկները» եւ մի շարք թղթակցութիւններ արդէն տեղի ունեցած հակակառավարչական ցոյցերի մասին՝ դադափար են տալիս այն դիմադրական տրամադրութեան, որ արտայայտում է կովկասահայերի մէջ: Պատկերը լրացնելու համար առաջ ենք բերում կրկին մի կըտոր մեր ընկերոջ մի նամակից.

«Կալուածների յափշտակման այս տագնապից խնդրում ամենէն ուշագրաւ երեւոյթն է ժողովրդի ծայրէ ի ծայր ցնցուելն ու շարժուելը: Հայ ժողովուրդը ելեկտրականացել է մի կրակով, մի գզացումով — դիմադրել, կռուել, արիւն քափել. գիւղ, քաղաք, համարեա ամէն դասակարգ, ամէն հասակ այժմ միատեսակ են գգում ու մտածում, միատեսակ պահանջներ արտայայտում, միատեսակ ծրագիրներ կազմում՝ վրէժխնդրութեան, ինքնապաշտպանութեան, եւայլն: Լեռներում եւ քարձրաւանդակներում ժողովուրդը զինուում է: Մի տեղ հանդիպեցի մօտ 200-300 երիտասարդների՝ ձիաւոր, զինավառ, սպասող ազդանշանի, որ գրոհ տան Մայր-տանարի պաշտ-

(\*) 1903, Օգոստոս:

պանութեան համար: Ահա ինչու էջմիածինը պաշարուած է զօրքերով:

«Դուք լսել էք երեւի Աշտարակի ցոյցի մասին, բայց չէք լսել, երբ Վաղարշապատի գաւառապետը հրամայում է կոզակներին՝ մտրակներով հալածել ժողովրդին դէպի գիւղ. այն ժամանակ Օշականից կոզակների ու գաւառապետի վրայ տեղում են հրացանի գնդակներ այգիների խորքերից եւ ժայռերի արանքներից, ու գաւառապետը ստիպւում է կոզակներով յետ գնալ:

«Այլեւս անկարելի է գալել ընդհանուր ցաւումը, ինչպէս անկարելի է Մասիսից ներքեւ քոչոզ քարածայռերը կանգնեցնել»:

*Ողբերկ յ տրամադրութիւն, սրտի խորքում անպատուած, վերաւորուած ժողովուրդի զայրո՛յթ, ո՞ւր էիք դուք մինչեւ այժմ... Եթէ զըպրօցների փակման ժամանակ հանդէս դայիք շատ նուազ չափերով անդամ, դուցէ իստերիք Կալիցիներէ, դահիճ Պլեւնների եւ անուղեղ Նիկողանների համար այսօր ճանապարհը դէպի մեր եկեղեցական կալուածքները այնքան բաց չհամարուէր, որչափ այդ երեւաց այժմ:*

*Բայց անցածը անցել է, եւ միանդամայն մըլխիթարական է այն վճռական սթափումը, որ տիրել է վերջնապէս կովկասահայ հասարակութեան եւ ժողովրդին: Մենք յոռետես չենք եւ կարծում ենք, որ մի անդամ արիւնով սրբազործուած զը-*

րութիւնը կ'ունենայ իր նշանակալից հետեւանքները եւ այլեւս անդարձ պիտի անցնին—զնան հայ յեղափոխական շարժման առթիւ օրօր երգողների ժամանակները: Անէ՛ծք այսուհետեւ լուութեան, համբերութեան եւ ամէն տեսակ «խոհեմութիւնների» առաքեալներին: Նզո՛վք այսուհետեւ՝ կրօնից խուսափելու, հարուածի տակ ընկճուելու, զէնքից փախչելու, վախ ու երկիւղի տեսակէտից իւրաքանչիւր քայլ լուսարանելու ընդունակ՝ ամէն կարգի խրտուելիւկներին: Մեղկ անդորրութիւնը չէ, որ ապահովում է մարդկային Իրաւունքը, այլ Կոիւր՝ անդուլ, անվկանդ: «Առանց կռուի չկայ իրաւունք, ինչպէս որ առանց աշխատանքի չկայ սեփականութիւն»: Որքան ճիշդ է ասուած, թէ «երեսիդ քրտինքով պիտի վաստակես քո հացը», նոյնքան ճիշդ է եւ այն՝ թէ «կռուի մէջ միայն պիտի գտնես քո իրաւունքը»... «Արդարութիւնը մի ձեռքում բռնած ունի կշիռ, միւս ձեռքում՝ սուր: Կշիռով նա կշռում է իրաւունքը, սրով պաշտպանում, հաստատում է նրան: Սուրը առանց կշռի՝ մերկ բռնութիւնն է, կշիռը առանց սրի՝ իրաւունքի անցօրութիւնը», — այսպէս է տրամաբանում գերմանացի Երինկ, եւրոպական ամենահռչակաւոր իրաւաբաններից մէկը:

Թուլամիտ պէտք է լինել՝ այս խօսքերում պարունակուող ճշմարտութիւնը չըմբռնելու համար: Սակայն եթէ իրաւունքը իր պաշտպանու-

թեան համար կոիւ է պահանջում, հապա կոիւր իր յաղթանակի համար նեցուկ պիտի ունենայ՝ ուժը: Ուժն է, որ կառավարում է աշխարհս, եւ մենք ձեռք կը բերենք մեր ուզածները՝ երբ ուժ կ'ունենանք: Ո՞վ նոյնիսկ մի հասարակ լակէյի պաշտօն կը հաւատար այսօրուան ռուս կայսր Նիկոլա Ա.ի պէս ապուշին, եթէ նա չլինէր Ալեքսանդր Գ.ի որդին. ո՞վ այնպիսի մի լուսնոտի՝ ինչպիսին է Կալիցինը, հասարակ ախոռապահ դեր անգամ կը յանձնէր իր տանը, եթէ նա մեծացած չլինէր ռուս կայսերական աւաղակարունի մօտերքում: Բայց ահա այդ այլասեռուած յիմարների, այդ ցաւապար լրբերի իրար վայել խմբակցութիւնը՝ յենուած որոշ աւանդութիւնների եւ հպատակ ժողովուրդների տղիտութեան վրայ, իր տրամադրութեան տակ է առել միլիաոնների պիւտճէ եւ իշխում է, ինչպէս ուզում է: Նոյնն է եւ Տաճկաստանում, ուր Ապտիւլ Համիտ կոչուող հրէշը, եթէ ծնուած լինէր հպատակի ընտանիքում, վաղուց արդէն, իբրեւ ստորագոյն կարգի ոճրագործ, կախաղան կը լինէր հանուած: Նոյնն է եւ ուրիշ միապետական ու կէս-միապետական երկրներում:

Համարձակութիւն է հարկաւոր՝ իշխողների լպիրչ երեսին շարտելու համար իրենց պատշաճ տեղը մարդկային հասարակութեան մէջ. բայց այդ բաւական չէ: Իշխողների կազմակերպուած ուժի դէմ հակադիր ուժ ստեղծելու համար անհրաժեշտ են.

ա) Ընդհանուր դրութեան եւ շահերի պարզ գիտակցութիւն.

բ) Ոչ մի տեսակ զոհողութիւններից յետ չկանդնելու անյողողող վճռողականութիւն.

գ) Համաձայնութիւն, համերաշխութիւն կրուելու կոչուող տարրերի մէջ:

Անդրադառնալով ընդհ. հայկական կեանքին այս պայմանների տեսակէտից, կարելի է ընդունել, որ վտանգաւոր կացութեան գիտակցութիւնը օրէցօր աւելի եւ աւելի է ծաւալուում: Հայ ժողովուրդը իր գլխաւոր եւ երկրորդական մասերում այսօր արդէն տեսնում է, թէ որքան նրման են Համիտ եւ Նիկոլա, քիւրտ եւ կողակ, մէկը՝ դադանութիւնը եւ արիւնարրութիւնը զէնք ընտրած, միւսը՝ մարդատեացութիւնը եւ շահանութիւնը:

Զոհողութեան ընդունակութիւն եւս արտայայտեցինք. Պոլսի, Սասունի, Վանի, Զէյթունի եւ Տաճկահայաստանի բազմաթիւ ուրիշ վայրերի տուած արիւնին զնաց միանալու Գանձակում, Թիֆլիսում, Բաղուում եւ այլ տեղերում յանուն հայ ժողովրդի իրաւունքների նահատակուածների արիւնը:

Համերաշխութեան սկզբունքը չեչտուած է

արդէն այն գործօն հետաքրքրութեամբ, որով ուսուհայը հետեւեց տաճկահայկական դատին, իսկ այսօր դալիս է նոր արտայայտութիւն գրտնելու այն բողոքների մէջ, որոնցով տաճկահայ հոգեւորականութիւնը, ժողովուրդը եւ ուրիշ գաղութներ ձայնակցում են ուսուհայի կողմին՝ ուսու կառավարութեան դէմ:

Սակայն այդ բոլոր դրական երեւոյթները կազմում են դեռ եւս անհրաժեշտ պահանջների սաղմը միայն: Մինչեւ այժմ ո՛չ զոհողութեան ինքնավստահ պատրաստականութիւնը ընդգրկեց ազգութեան բոլոր դասակարգերը, ո՛չ էլ համերաշխութեան, միաբանութեան սկզբունքը դարձաւ կենդանի պահանջ, արիւն ու մարմին՝ ամէնուրեք հալածուող հայ տարրի մէջ: Փամանակ է վերջապէս, որ ներկայ մահաշունչ կացութեան դիմաց, երբ տաճկահայկական կոտորածներից յետոյ, գուցէ, զտնուում ենք կովկասահայկական կոտորածների նախատօնակին, կուրելու անդրդուելի վճռողականութիւնը եւ իրար խառնուելու, իրար հետ միանալու, իրօք մի ամբողջութիւն կազմելու միահամուռ, միահոգի պահանջը մեր ընդհանուր նշանաբանը դառնայ: Պատուել է հարկաւոր քարտէսների վրայ այս կամ այն աւաղակապետի կամքով զծուած սահմանները, ջնջել է հարկաւոր այն աշխարհադրական ներկերը, որոնք մեզ բաժանում են իրարից եւ որոնք առհասարակ մշտական չեն, իսկ երբեմն շատ կարճատեւ են

լինում: Ո՛չ մի բռնութիւն, ո՛չ մի հալածանք,  
ո՛չ մի սահման չէ կարող բաժանել մի ժողո-  
վուրդ, եթէ նա, տողորուած ընդհանուր շահե-  
րի գիտակցութեամբ, ունի նաեւ կռուելու ան-  
սասան վճռողականութիւն եւ կապուած, միացած  
է դարերով սնուած ու պահպանուած ընդհանուր  
բնազդների ու զգացմունքների առողջ զարկերով:

Համարձակութի՛ւն գահակալ խրտուելակնե-  
րի եւ նրանց շրջապատող, նրանց գործակից բո-  
լոր դահիճների եւ անբան ստրուկների դիմաց...

Ինքնավստահ վճռականութի՛ւն՝ ընդհա-  
նուր շահերի գիտակցութեամբ լուսավառուած...

Մէ՛կ նպատակ, մէ՛կ ամբողջութիւն՝ յեղա-  
փոխական անհաշտ կռուի համար...

1903

— Վ Ե Ր Ջ —